

ლადი გუანარია

სასელეწიუთ
გეგარა-გელასესაღეგი
აღმოსავლეთ საქართველოში
XIX საუკუნის
პირველ ნახევარში

თ ბ ი ლ ი ს ი
1960

საქართველოს სსრ მეცნიერებათა აკადემია
აკად. ს. ჯანაშიას სახ. საქართველოს სახელმწიფო მუზეუმი

ლალი გუხარია

სახელმწიფო გეგარა-გაღასახალები
აღმოსავლეთ საქართველოში XIX საუკუნის
პირველ ნახევარში

ლალი გვახარიას მონოგრაფია „სახელმწიფო ბეგარა-გადასახადები აღმოსავლეთ საქართველოში XIX საუკუნის პირველ ნახევარში“, მიზნად ისახავს სახელმწიფო ბეგარა-გადასახადების გარკვევა-შესწავლას. სახელმწიფო ბეგარა-გადასახადებს XIX საუკუნის პირველ ნახევარში აღმოსავლეთ საქართველოში იხდინდნენ სახაზინო, საბატონო და საეკლესიო გლეხები, აგრეთვე მოსახლეობის დანარჩენი დაბალი ფენები. წიგნში დადგენილია ნატურალური გადასახადების თანდათანობითი შენაცვლება ფულადით, რაც გამოწვეული იყო ქვეყნის შიგნით მომხდარი სოციალ-ეკონომიური და პოლიტიკური ძვრებით.

წიგნს საფუძვლად დაედო საარქივო ფონდები და დოკუმენტები, აგრეთვე გამოქვეყნებული მასალა.

ლეთი 1804 წელს“ და „ამბობება კახეთისა“. გლახთა მძიმე ეკონომიური პირობების აღწერისას ავტორი გაკვირით განიხილავდა ბეგარა-გადასახადების საკითხსაც.

სამხედრო-სასურსათო ბეგარა განხილული აქვს ალ. ჭავჭავაძეს ნაპროში: „Исторический очерк поземельного владения в Грузии — 1831 гг.“. ალ. ჭავჭავაძე ადარებს რუსეთთან საქართველოს შეერთებამდე და შეერთების შემდეგ აღმოსავლეთ საქართველოს. მოსახლეობაზე დაწესებულ სასურსათო გადასახადებს. იგი ეხება აგრეთვე ჩვენში ომიანობით გამოწვეულ სასურსათო და სატრანსპორტო ბეგარის სიმძიმესაც.

ცალკე უნდა აღინიშნოს ი. ბახტაძის წრომა: „Податное и обложение государственных крестьян Закавказской края“. როგორც სათაურიდან ჩანს, ავტორის მიზანს შეადგენდა ამიერკავკასიაში არსებული ბეგარა-გადასახადების გამოკვლევა. ნაპროში აღდგება რამდენიმე ნაწილისაგან. პირველი სამი ნაწილი მოიცავს XIX საუკუნის პირველ ნახევარს. პირველ ნაწილში განხილულია ამიერკავკასიაში რუსული მმართველობის შემოღებამდე არსებული ბეგარა-გადასახადები. მეორე ნაწილი რუსული მმართველობის ანკლავების შემდეგი პერიოდია (XIX საუკუნის 40-იან წლებამდე), ხოლო მესამე და შემდეგი ნაწილები ამავე საუკუნის 80-იან წლებამდე აღწევს. თითოეულ თავში ცალკე ქვეთავად გამოყოფილია საქართველოში არსებული ბეგარა-გადასახადების გამოკვლევა. ი. ბახტაძე ჩამოთვლის საქართველოში რუსულ მმართველობამდე არსებულ გადასახადებს და მოკლედ აღნიშნავს, თუ რა ეკონომიური საფუძველი ედო ამა თუ იმ ბეგარა-გადასახადის წარმოქმნას და რა რაღს თამაშობდა იგი სოციალ-ეკონომიურ ურთიერთობაში. იგივე ითქმის გამოკვლევის დანარჩენ ნაწილებზეც. ავტორი კმაცოფილდება მხოლოდ ფაქტების აღწერით. აღნიშნავს რა გლახთა მძიმე მდგომარეობას, არ იკვლევს ჩაგვრის მიზეზებს. მიგვითითებს ბეგარა-გადასახადებში მომხდარ ცვლილებებზე, ხოლო თვით ქვეყანაში უგულებელყოფს სოციალ-ეკონომიურ ცვლილებებს.

ბეგარა-გადასახადებთან დაკავშირებულ მთელ რიგ საკითხებს გაკვირით ეხებოდნენ დუბროვინი, პოტრო, ივანენკო, ესაძე და სხვა რევოლუციამდელი ისტორიკოსები. მათი ცნობები მეტად მცირე და ტენდენციურია.

ქართულ საბჭოთა ისტორიოგრაფიაში ბეგარა-გადასახადების ურთულესი საკითხის მთელი რიგი მხარეები სრულიად განსხვავებული თვალსაზრისით არის გაშუქებული, თუმცა, როგორც აღინიშნა,

იგი სპეციალური, ყოველმხრივი კვლევის ობიექტად დღემდე არ გამხდარა. ზოგაერთი მკვლევარი ამ საკითხს ეხებოდა გლეხთა აჯანყებებთან დაკავშირებით, რამდენადაც აჯანყების ერთ-ერთ მიზეზს ბეგარა-გადასახადების სიმძიმე წარმოადგენს. ამ თეაზსაზრისით განხილულია საკითხი ვ. ტოგონიძის შრომაში „ქართლის შთიანეთის გლეხთა აჯანყება 1804 წელს“, ა. კიკვიძის „გლეხთა აჯანყება კახეთში 1812 წელს“, ო. მარკოვას „Восстание в Кახетии в 1812 году“ და სხვა.

საგლებო რეფორმასთან დაკავშირებით ბეგარა-გადასახადების საკითხს ეხება შ. ჩხეტია ნაშრომში „საგლებო რეფორმის ისტორიისათვის“. საყურადღებოა გ. ნათაძის ნაშრომი: „Крестьяне «Сახасо» в Восточной Грузии“, სადაც ავტორი გლეხთა სოციალურ-ეკონომიური პირობების კვლევასთან დაკავშირებით განიხილავს ბეგარა-გადასახადების საკითხსაც.

ზემოჩამოთვლილი ავტორები სოციალურ-ეკონომიური მდგომარეობის კვლევისას აღნიშნავენ გაზრდილ ვალდებულებათა შედეგად შექმნილ მძიმე ეკონომიურ მდგომარეობას და ბრძოლას, რომელსაც გლეხები აწარმოებდნენ სოციალ-ეკონომიური ჩაგვრისაგან თავის დასაღწევად. მათ შრომებში ბეგარა-გადასახადების საკითხი შემოთარგლულია საკვლევი ობიექტის ზოგიერთი მხარის განხილვით. რიგი მკვლევარებისა განიხილავს მხოლოდ ცალკეულ გადასახადებს.

მოქალაქეებისათვის დაკისრებულ სახელმწიფო გადასახადებს— მალსა და მახტას ეხებიან ვ. ჩანტლაძე— „თბილისის საქალაქო შემოსავალი რეფორმამდელ პერიოდში“ და ალ. თირცხალაიშვილი— „მოქალაქეთა საკითხზე“. მკვლევართა მიზანს არ შეადგენდა ამ გადასახადების გამორკვევა. ისინი საკითხს ეხებიან იმდენად, რამდენადაც ეს ქალაქის მოსახლეობის მდგომარეობის გარკვევისათვის არის საჭირო.

ბეგარა-გადასახადებს შეეხო პროფ. გ. გოზალიშვილი— „გლეხთა მდგომარეობის ისტორიის მასალებიდან მე-19 საუკუნის პირველ მეოთხედში“. საქართველოს ცენტრალურ ისტორიულ არქივში დატული საქმის („Дело по прошению казённых крестьян о защите их от присваивания частными людьми во владение“) მიხედვით, ავტორი ცდილობს გაარკვიოს სახაზინო და ყმა გლეხთა მდგომარეობა მე-19 საუკუნის პირველ მეოთხედში. ამ დროისათვის ბატონისა და ყმის ურთიერთობაში შემიმჩნევა მისწრაფება ყმობიდან თავის დასახსნელად. თავდახსნის მსურველი

გლახი ბატონს გარკვეულ საფასურს უხდის. ერთი უწყებიდან მეორეში გადასვლის დროს ყმა ვალდებულია ხელახალ აღწერამდე გადაიხადოს, როგორც ყმა გლახებზე დაკისრებული სახელმწიფო გადასახადი, ისე სახაზინო გადასახადები. ამ საკითხთან დაკავშირებით პროფ. გოზალიშვილი განიხილავს სამ სახელმწიფო გადასახადს: სურსათს, მალს და მახტას. ნაშრომს დართული აქვს ავტორის მიერ განხილული ოთხი საბუთის ტექსტიც. ავტორის მიერ მოყვანილი მასალა ზემოაღნიშნული გადასახადების შესასწავლად საკმარისი არ არის. საქართველოში სურსათისა და მახტის შემოღების დათარიღებაშიც ვერ დავეთანხმებით ავტორს¹.

ბეგარა-გადასახადებს უცხო სახელმწიფოებთან საქართველოს ურთიერთობის პოლიტიკური ფორმის დასადგენადაც დიდი მნიშვნელობა ენიჭება. ამ მხრივ ჩვენი შრომისათვის საყურადღებოა ვ. გაბაშვილის ნაშრომი „სათათრო გამოსაცდელი გვიანფეოდალურ საქართველოში“. ამ გამოკვლევით საშუალება გვეძლევა ერთხელ კიდევ ნათლად წარმოვიდგინოთ ზოგიერთი გადასახადის, მაგალითად: „მალისა“ და „სურსათის“ წარმოშობა, მათი შემოტანა და გავრცელება საქართველოში.

განსაკუთრებით აღსანიშნავია ი. ანთელავას ნაშრომი: „Исодати и повности государственных крестьян Грузии до введения новой податной системы в 1843—1845 гг.“. როგორც სათაური გვიჩვენებს, ავტორის მიზანს შეადგენდა იმ ბეგარა-გადასახადების გამოკვლევა, რომლებიც მხოლოდ სახელმწიფო გლახებზე იყო დაწესებული. ავტორი არ შეხებია საბატონო და საეკლესიო გლახებსა და მოქალაქეებზე დაწესებულ სახელმწიფო ბეგარა-გადასახადებს. მისი მიზანი იყო აღეწერა სახაზინო გლახების მდგომარეობა საერთოდ და ამასთან დაკავშირებით განეხილა ბეგარა-გადასახადები. ი. ანთელავა ამ საკითხის კვლევას უმთავრესად XIX საუკუნის საბუთებზე ამყარებს². სასურველი იყო ავტორს კვლევა უმთავრესად ქართული საბუთების მიხედვით ეწარმოებინა³.

ჩვენი გამოკვლევის მიზანია გაარკვიოს და შეისწავლოს XIX საუკუნის პირველ ნახევარში აღმოსავლეთ საქართველოში სახაზინო,

¹ იხ. აქვე, გვ. 30, 31.

² გამოჩაკლის შეადგენს გადასახადი „მალი“, რომლის შემოღებას საქართველოში ი. ანთელავა XV საუკუნით ათარიღებს (იხ. ი. ანთელავას დისერტაცია, გვ. 489—490). ამ დებულებაში ავტორს ვერ დავეთანხმებით.

³ ი. ანთელავა ლაპარაკობს რა კახეთის გლახთა აჯანყებაზე 1812 წელს კმაყოფილდება მხოლოდ რუს მოხელეთა მიწერა-მოწერით და არ მოჰყავს ქართული საბუთები: გლახთა მიერ წარდგენილი საჩივრები, რომლებიც უფრო თვალნათლივ გვისურათებენ გლახთა მძიმე ეკონომიურ მდგომარეობას.

საბატონო და საეკლესიო გლეხებზე და მოქალაქეებზე დაწესებული ნატურალური და ფულადი სახის სახელმწიფო ბეგარა-გადასახადები. გაარკვიოს ქვეყანაში მომხდარ სოციალურ-ეკონომიურ და პოლიტიკურ ცვლილებებთან დაკავშირებით ნატურალური სახის ბეგარა-გადასახადების თანდათანობით შეცვლა ფულადი ბეგარა-გადასახადებით. შრომითი ბეგარა და მემამულეთა სასარგებლოდ დაწესებული ბეგარა-გადასახადები ჩვენი კვლევის შემდგომ მიზანს წარმოადგენს. ჩვენი ნაშრომი ნაწილია შემდგომი კვლევისა, რომელიც მიზნად ისახავს ყოველმხრივ შეისწავლოს ბეგარა-გადასახადის საკითხი საქართველოს ყველა კუთხეში.

გამოკვლევა უმთავრესად საარქივო მასალებზე დაყრდნობით არის შესრულებული. მასალებს ვნახულობთ საქართველოს ცენტრალურ ისტორიულ, მოსკოვის ცენტრალურ ისტორიულ და სამხედრო ისტორიულ, ლენინგრადის ცენტრალურ ისტორიულ არქივებსა და აკად. ს. ჯანაშიას სახელობის საქართველოს სახელმწიფო მუზეუმის ხელნაწერთა განყოფილების ფონდებში.

საქართველოს ცენტრალურ ისტორიულ არქივში ჩვენ მიერ გამოყენებულ იქნა შემდეგ ფონდებში დაცული მასალები: ფ. № 1 — *Опись собрание верховного грузинского правительства*. ამ ფონდში დაცული მასალებიდან ჩვენ ამოვკრიფეთ ბეგარა-გადასახადების გადახდისაგან განთავისუფლებულ პირთა შესახებ არსებული ბრძანებანი და განკარგულებანი.

ფ. № 2—*Канцелярия главноуправляющего Закавказским краем*. ამ ფონდში მოთავსებული მასალებიდან გამოვიყენეთ საქართველოში რუსული მმართველობის შემოღებასთან დაკავშირებული განკარგულებანი და იმპერატორის ბრძანებულებანი (დადგენილებანი და განკარგულებანი საქართველოში ბეგარა-გადასახადებისა და სახაზინო მამულებთან დაკავშირებული საკითხების მოსაგვარებლად).

ფ. № 16—*Канцелярия Тифлисского военного губернского управления гражданской частью*. ამოკრებილი მასალა უმთავრესად შეიცავს აღმოსავლეთ საქართველოს სხვადასხვა სოფლებიდან აკრეფილ ბეგარა-გადასახადების ნუსხებს, მოხელეთა წლიურ ანგარიშებს და იმ დანაკლისებს, რომლებიც ედებათ საქართველოს სოფლებს მოხელეთა ბოროტმოქმედების თუ უვიცობის გამო.

ფ. № 48 — *Городской уездный начальник*. ფონდში მოთავსებული მასალებიდან ჩვენ გამოვიყენეთ სიები იმ პირებისა, რომლებიც ვალდებულნი იყვნენ სურსათი ჩაებარებინათ სახელმწიფოსათვის.

ფ. № 241—Управление государственными имуществами, землям и делам сельского хозяйства и промышленности при главном управлении главнокомандующего гражданской частью на Кавказе. ამ ფონდიდან გამოვიყენეთ 1843—1845 წლებში საქართველოსა და ამიერკავკასიის სხვა პროვინციებში გატარებულ რეფორმასთან დაკავშირებული მასალები.

ფ. № 245—Тифлисская палата государственных имуществ. გამოვიყენეთ ფონდის საქმეებში მოთავსებული ცხრილები, რომელთა მიხედვითაც საქართველოსა და ამიერკავკასიის სხვა პროვინციებში 1843—1845 წლებში უნდა გატარებულიყო საფინანსო რეფორმა.

ფ. № 254—Тифлисская казенная палата. ამ ფონდიდან ჩვენ მიერ გამოყენებულ იქნა მასალები არა მარტო სახაზინო მამულებისა და იქ მცხოვრები გლეხების, არამედ მთლიანად აღმოსავლეთ საქართველოს მცხოვრებლებზე დაწესებული ბეგარა-გადასახადების შესახებ და ამასთან დაკავშირებული ბრძანება-განკარგულებანი. ამ ფონდშივეა მოთავსებული აკრეფილი ბეგარა-გადასახადების ნუსხები.

მოსკოვის ცენტრალური ისტორიული არქივის ფონდებიდან ჩვენ უმთავრესად გამოვიყენეთ ВУА ფონდი. ფონდში მოთავსებული საქმეებიდან ჩვენი შრომისათვის ამოვკრიბეთ ბეგარა-გადასახადებთან დაკავშირებული ბრძანება-განკარგულებანი რუსი მოხელეებისა, აღმოსავლეთ საქართველოს სხვადასხვა კუთხეების სტატისტიკური აღწერილობანი, ხაზინის სასარგებლოდ აკრეფილი გადასახადების ნუსხები. ამ ფონდში მოიპოვება მდიდარი მასალა 1812 წლის კახეთის გლეხთა აჯანყების შესახებ.

ლენინგრადის ცენტრალური ისტორიული არქივის ფონდებიდან ჩვენი შრომისათვის ცნობები უმთავრესად ამოვკრიბეთ კავკასიის კომიტეტის ფონდიდან.

ფ. № 1268—Кавказский комитет. ფონდში მოიპოვება რუს მოხელეთა მიერ შედგენილი სხვადასხვა პროექტები და მოსაზრებანი, რომლებიც ამიერკავკასიის ეკონომიური საკითხების შესახებ მრავალ საყურადღებო ცნობებს შეიცავენ. აქვეა მოთავსებული მე-19 საუკუნის პირველ ნახევარში აღმოსავლეთ საქართველოში აკრეფილი გადასახადების ნუსხები.

ს. ჯანაშიას სახელობის საქართველოს სახელმწიფო მუზეუმის ხელნაწერთა განყოფილების ფონდებიდან ჩვენ გამოვიყენეთ Qd, Sd ფონდებში აღმოჩენილი გადასახადების ნუსხები, ბარათები და ხელწერილები ჩაბარებული გადასახადების შესახებ. ჩვენ მიერ გამო-

ყენებულ იქნა აგრეთვე მიხ. თუმანიშვილის ფ. № 8 და დ. ყიფიანის ფ. № 1 პირად საარქივო ფონდებში მოთავსებული მასალა.

საბუთების უმრავლესობა ცარიზმის მოხელეთა მიერ ტენდენციურად არის შედგენილი. ისინი უმთავრესად ხაზინის ინტერესებიდან გამომდინარეობენ და ნაკლებად უწევდნენ ანგარიშს მოსახლეობის მდგომარეობას. ხშირ შემთხვევაში საბუთები უვიც მოხელეთა მიერ იყო შედგენილი და მკვლევარისაგან ყოველმხრივ შემოწმებასა და სხვადასხვა წყაროებთან შედარებას მოითხოვენ.

საარქივო მასალის გარდა, ნაშრომში გამოყენებულია გამოქვეყნებული საბუთებიც, კავკასიის არქეოლოგიური კომისიის მიერ შეკრებილი აქტები. გათვალისწინებულია საკითხის გარშემო ლიტერატურა.

ბეგარა-გადასახადების არსის განსაზღვრისათვის ამოსავალი დებულებები ეყრდნობა მარქსიზმ-ლენინიზმის მოძღვრებას, რომელიც მრავალ უძვირფასეს განსაზღვრებას იძლევა საზოგადოებრივი სტრუქტურის და ეკონომიკის შესწავლისათვის და ძირითადი წყაროა საბჭოთა მეცნიერებისათვის.

თავი პირველი

საქართველოს სოციალ-ეკონომიური მდგომარეობა XIX საუკუნის დამდგინსათვის

(ზოგადი მიმოხილვა)

მეცხრამეტე საუკუნის დასაწყისს საქართველოს მომავალი განვითარებისათვის გადაწყვეტი მნიშვნელობა ენიჭება: 1801 წელს საქართველო რუსეთს შეუერთდა, რამაც დოკუმენტალური გამოხატულება პოვა პაველე პირველის 1801 წლის 16 თებერვლის მანიფესტში. ეს ისტორიული აქტი, საკითხის ხელშეორედ გადასინჯვის შემდეგ, ალექსანდრე პირველმა 1801 წლის 12 სექტემბერს ახალი მანიფესტით დაადასტურა. რუსეთთან საქართველოს შეერთებით უქმდებოდა ქართლ-კახეთის სამეფო და იგი რუსეთის ნაწილად ცხადდებოდა.

საქართველო, როდესაც იგი რუსეთს შეუერთდა, მძიმე სავაჭრო და სავაჭრო პირობების გამო პოლიტიკურად და ეკონომიურად ჩამორჩენილ ქვეყანას წარმოადგენდა. საქართველოს მთელი ტერიტორია დაყოფილი იყო სამეფო-სამთავროებად, ხოლო თვითთელი მათგანი შიგნით წვრილ ფეოდალურ ერთეულებად—სათავადოებად. „სათავადოების სისტემა საქართველოს ჩამორჩენილობას ემყარებოდა და თავის მხრით ამ ჩამორჩენილობას ემსახურებოდა. ამიტომაც საქართველოს აღდგენისათვის ანუ, როგორც მაშინ ამბობდნენ, „აღდგომისათვის— ბრძოლა სათავადოების სისტემის წინააღმდეგ ბრძოლას მოითხოვდა“¹.

თავადებთან ბრძოლაში მეფე ხშირად თავის „სახასოს“ ეყრდნობოდა. გ. ნათაძის განმარტებით, გვიანფეოდალურ საქართველოში „სახასო“, სახელმწიფოებრივი თვალსაზრისით, ნიშნავდა სამეფო გლეხებს თავისი მიწით. ცალკეული ფეოდალური დომენის მასშტაბით კი— მამულსა და მასზე მცხოვრებ გლეხობას, რომლებიც უშუალოდ ამ ფეოდალის განკარგულებაში იმყოფებოდნენ².

¹ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, 1, თბილისი, 1946, გვ. 384.

² Г. Натадзе, Крестьяне „Сахасо“ в Восточной Грузии в конце XVIII столетия; მასალები საქართველოსა და კავკასიის ისტორიისათვის, თბილისი, 1937, გვ. 328.

ამ განპარტების მიხედვით, მეფე, სახელმწიფო ხელისუფლების უზენაესი წარმომადგენელი, თავისი სახასოს მიმართ ისეთივე ფეოდალია, როგორც სხვა ფეოდალები. იგი ყველაზე ძლიერია მათ შორის, ე. ი. პირველია თანასწორთა შორის. მეფის ხელშია როგორც სახელმწიფო, ისე მისი პირადი მამულები და მათზე დასახლებული გლეხობა. ეკონომიური მდგომარეობის მიხედვით „სახასოს“ გლეხები ისეთივე ყმები არიან, როგორც სხვა ფეოდალთა ყმები. განსხვავება მათ შორის მხოლოდ პირად დამოკიდებულებამია. სახასოზე დაყრდნობით სამეფო ხელისუფლება ზოგჯერ ახერხებს ურჩი ფეოდალების ალაგმვას და ქვეყნის გაერთიანებას, მაგრამ ეს შემთხვევით ხასიათს ატარებს.

ქვეყანაში არ არსებობდა არც შინაგანი და არც საგარეო, რამდენადმე ხელსაყრელი პირობები ისეთი ახალი სოციალური ფენის წარმოქმნისათვის, რომელსაც ცენტრალური ხელისუფლება დაეყრდნობოდა და რომელიც შეძლებდა საზოგადოებრივ ურთიერთობათა განვითარების შემდგომ, უფრო მაღალ საფეხურზე აყვანას.

ამ დროისათვის ძირითადი მწარმოებელი ფენა სახელმწიფოში გლეხობაა. გლეხი მიწაზე ზის და მეურნეობას აწარმოებს მაგრამ არ არის ამ მიწის მესაკუთრე, რადგანაც მიწა ფეოდალის კუთვნილებას წარმოადგენს. გლეხის ეკონომიური დამოკიდებულება ყველაზე კარგად გადასახადებში ჩანს. მიწის ნაკვეთისათვის იგი მებატონეს უხდის გადასახადს, ე. ი. აწარმოებს აუცილებელ საარსებო პროდუქტს პირადი მოხმარებისათვის, ხოლო ზედმეტ პროდუქტს—მემამულისათვის. მიწის ნაკვეთი, რომელსაც გლეხი ამუშავებს მისთვის თითქოს წარმოადგენს „ნატურალურ სამუშაო ხელფასს“. გლეხის პირად საკუთრებაშია სამიწათმოქმედო იარაღები და მოძრავი საქონელი, რაც წარმოადგენს ფეოდალური მეურნეობის პირობას. ასეთი მეურნეობისათვის საჭიროა, რომ უშუალო მწარმოებელს მიცემული ჰქონდეს წარმოების საშუალებანი საზოგადოდ და მიწა კერძოდ“³.

წინაკაპიტალისტური მიწის რენტის სახით ფეოდალი იღებს ზედმეტი შრომის პროდუქტს, მაგრამ ხშირია შემთხვევა, როდესაც მემამულე გლეხს ზედმეტს კი არა აუცილებელ საარსებო პროდუქტსაც ართმევს. გარდა ეკონომიური დამოკიდებულებისა, გლეხი

³ ე. ი. ლენინი, თხზულებანი, ტ. 3, მე-4 გამოცემა, თბილისი, 1948, გვ. 208.

პირადადაც არის დამოკიდებული მებატონეზე. ვახტანგ VI კანონების თანახმად, „ყმისა ყველა ბატონისა არის“. მებატონეს შეუძლია ქონება წაართვას ყმას, დასაჯოს იგი, გაქცეული ყმა 30 წლის განმავლობაში ეძებოს¹.

გლეხის პირადი დამოკიდებულება ცაბატონო მეურნეობის ერთ-ერთი პირობაა. „მეურნეობის ამ სისტემის პირობაა გლეხის პირადი დამოკიდებულება მემამულისაგან. მემამულეს რომ არა ჰქონოდა პირდაპირი ძალაუფლება გლეხის პიროვნების მიმართ. ის ვერ შეძლებდა თავის სასარგებლოდ ემუშავებინა ადამიანი, რომელსაც მიწა მიუღია და რომელიც საკუთარ მეურნეობას ეწევა“².

ყმა-გლეხები. ერთმანეთისაგან იმით განსხვავდებოდნენ, თუ ვის ეკუთვნოდნენ ისინი (მეფეს, ეკლესიას, თავადს, აზნაურს...) და იმითაც, თუ რა დამოკიდებულებაში იყვნენ თავიანთ მებატონესთან. მებატონეებთან სხვადასხვაგვარი დამოკიდებულების ნიადაგზე საქართველოში წარმოიშვნენ ყმა-გლეხთა სხვადასხვა კატეგორიები. ერთი კატეგორიის გლეხების ეკუთვნებდა თავისი მებატონის წინაშე ხასიათისა და შოკულობის მხრივ განსხვავებოდა ფეოდალის სხვა ყმების მოვალეობისაგან მათი ბატონის წინაშე. საქართველოს სხვადასხვა კუთხეში ყმა-გლეხთა მდგომარეობა განსხვავდებოდა იმისდაძიხედვით, თუ სად როგორი დამოკიდებულება იყო განმტკიცებული³.

მებატონე თანდათან ზრდიდა თავის მოთხოვნილებებს, რაც ბევრად-გადასახადების გაზრდით გამოიხატებოდა. ეს კი გლეხთა წინააღმდეგობას იწვევდა. ურჩობისათვის მებატონე გლეხს სჯიდა, ზოგჯერ ყიდდა, ხოლო მის ქონებას ისაკუთრებდა. გვიანფეოდალურ საქართველოში ხშირი იყო შემთხვევა, როდესაც გლეხს უმიწოდ ყიდდნენ, აშორებდნენ საკუთარ მეურნეობას. მწარმოებელთა ფენის, გლეხობის დარბევით, მიწიდან მოწყვეტით მებატონე თვითონ უთხრიდა ძირს თავისსავე ეკონომიურ კეთილდღეობას. აუტანველ პირობებში ჩაყენებული გლეხობა ტოვებდა საკუთარ მე-

¹ სამართალი ბატონიშვილ ვახტანგისა. მუხლი 202, 258; ჩ უ ბ ი ნ ა შ - ვ ი ლ ი, ქრესტომატია, ნაწ. II, გვ. 435, 448.

² ვ. ლ ე ნ ი ნ ი, თხზულებანი, ტ. 3, თბილისი, 1948, გვ. 208.

³ შდრ. შ. ჭ ხ ე ტ ი ა, საგლეხო რეფორმის ისტორიისათვის, სადაც ავტორი წერს: „საქართველოს ერთ კუთხეში, ან ერთ სათავადოში, ზოგჯერ კიდევ ერთი ბატონის მამულში ყმა-გლეხების მდგომარეობა არაიშვითად განსხვავდებოდა მეორე კუთხის, სათავადოს, ან ცალკე მებატონის იმავე კატეგორიის ყმა-გლეხების მდგომარეობისაგან, იმისდაძიხედვით თუ სად, როგორი დამოკიდებულება იყო განმტკიცებული და დაკანონებული“. საისტორიო მონამბე, 1949, № 4, თბილისი, გვ. X—XI.

ურნეობას და გარბოდა. გვიანფეოდალურ საქართველოში მრავლად იყო ბოგანო და ხიზანი, რაც იმდროინდელი ცხოვრების სიღრმეობრივ მოწმობას. აყრა საქართველოს ინტენსიურ მეურნეობასთან სრულიად შეუფერებელი იყო 7. სახელმწიფოებრივი ინტერესებიდან გამომდინარე ერეკლე II, როდესაც აყრილი ყმისათვის პასუხისმგებლობას მებატონეს აკისრებდა. ამავე მიზანს ემსახურებოდა ერეკლეს კანონი ტყვეობიდან დაბრუნებული გლეხის განთავისუფლების შესახებ.

გლეხის მოვალეობა იყო ბეგარა-გადასახადები ეხადა საქუთარი მებატონის, მეფის (ე. ი. ამავე დროს სახელმწიფოს), ეკლესიის, უცხო დამპყრობთა და სხვათა სასარგებლოდ. მეფის მამულში მცხოვრები გლეხობა გადასახადებს იხდიდა ისევე, როგორც სხვა მებატონის გლეხი; მასაც, ისევე როგორც ფეოდალთა ყმებს, ეკისრებოდა გარკვეული სახელმწიფო გადასახადები და სამხედრო მოვალეობანი. გადასახადებს გლეხები ძირითადად ნატურის სახით იხდიდნენ, მაგრამ აქვე ვხვდებით ფულად გადასახადებსაც (თეთრს.). გლეხსვე ეკისრა შრომითი ბეგარა. ბატონყმური მეურნეობა ძირითადად ნატურალური მეურნეობაა. XVIII საუკუნეში საქართველოში მეურნეობის გაბატონებული ფორმა იყო ნატურალური მეურნეობა, მაგრამ მის გვერდით არსებობდა სასაქონლო მეურნეობაც. საქართველოში ძველი დროიდანვე ვხვდებით სავაზმო და სავაჭრო კაპიტალს. მე-18 საუკუნეში ვაჭრობის განვითარებისათვის არ იყო სათანადო პირობები. საშინაო ვაჭრობის საგანი ამ დროისათვის ძირითადად ნედლეული იყო (პური, ღვინო, ენდრო, აბრეშუმი...). საქართველო საგარეო ვაჭრობას აწარმოებდა მეზობელ ქვეყნებთან: ირანთან, თურქეთთან, კავკასიის ხალხებთან, შორეულ ინდოეთთან. უცხო ქვეყნებშიც უმთავრესად ნედლეული გაჰქონდათ. წარმოება ძირითადად დაკავშირებული იყო მიწათმოქმედებასთან. მე-18 საუკუნეში სავაზმო და სავაჭრო კაპიტალი სამრეწველო კაპიტალის აღმოცენებისათვის პირობებს ვერ ქმნიდა. საზღვარგარეთიდან შემოტანილი საქონლის მომხმარებელი უმთავრესად ფეოდალური არისტოკრატია იყო (შემოქმონდათ უმთავრესად ფუფუნების საგნები). საგარეო ვაჭრობა ხალხის ფართო მასებს არ ემსახურებოდა.

ვაჭრობის მნიშვნელობა კარგად ესმოდა ერეკლე მეორეს. იგი ცდილობდა გზები დაეცვა ლეკთა თარეშისაგან, ბაყები მოეწესრიგა

7. საქართველოს ისტორია, I, თბილისი, 1946, გვ. 386.

გებინა, დაეცვა ვაჭრები თავადთა ძალადობისაგან⁸. სახელმწიფო უშუალოდ აწარმოებდა ვაჭრობას ზოგიერთი პირველი საჭიროების საგნებით⁹. დიდი მნიშვნელობა ჰქონდა დარიალის სავაჭრო გზის კვლავ გახსნას, რადგანაც საქართველო ამ გზით რუსეთს უკავშირდებოდა ეკონომიურად. სახელმწიფო მთარეველობას უწევდა დიდვაჭრებს, ცდილობდა, რომ ისინი უცხო ქვეყნებში საცხოვრებლად არ დარჩენილიყვნენ¹⁰.

მიუხედავად ცენტრალური ხელისუფლების ღონისძიებებისა, ვაჭრობის განვითარებას ხელს უშლიდა ქვეყნის შიგნით არსებული საბაჟო სისტემა. ფეოდალის მამულზე გავლისას ვაჭარი დაცული არ იყო ფეოდალის თვითნებობისაგან. ბაჟების თვითნებური დაწესება, ძალადობა და ძარცვა ჩვეულებრივი მოვლენა იყო, და ცენტრალური ხელისუფლება ხშირად ვერ ახერხებდა ფეოდალთა ალაგმვას. ეს ხელისუფლება სუსტი იყო და არ შეეძლო ფეოდალთა ძალადობისაგან დაეცვა ვაჭრები. ერეკლე ცდილობდა მოეწესრიგებინა საშინაო ბაჟები, მაგრამ არ აუქმებდა მათ. მას არც შეეძლო ეს გაეკეთებინა, რადგანაც ბაჟები ცენტრალური ხელისუფლებისათვის სახელმწიფო შემოსავლის ერთ-ერთი მნიშვნელოვანი წყარო იყო და ხშირად იჯარით გაიცემოდა¹¹. ვაჭრობას აფერხებდა გარეშე მტრების შემოსევები.

ამ დროს მრეწველობა უმთავრესად ხელოსნობით იყო წარმოდგენილი. ქართლ-კახეთის სამეფოს ხელოსნური წარმოების ცენტრი იყო თბილისი¹². ხელოსნური ნაწარმი უხედავ გამოჰქონდათ ხელოსნებს თბილისის ბაზარზე. „Мастеровых всяких довольно и всякое мастерство имсет особымъ рядъ“..., „წერს კაპიტანი იაზიკოვი თბილისის ბაზრის შესახებ“¹³. ხელოსნურ ნაწარმთა ნაირსა-

⁸ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, I, თბილისი, 1946, გვ. 399.

⁹ საქართველოს სიძველენი, ტ. III, № 88, თაყაიშვილის რედ., თბილისი, 1910, გვ. 67.

¹⁰ ხ. ჭიჭინაძე, საქართველოს ვაჭრობა და მრეწველობა ძველად და გრიგოლ ხურციძე და სტეფანე ივანეს ძე ზუბალაშვილი ინდოეთში, თბილისი, 1905, ხ. ჭიჭინაძის გამოცემა. გვ. 15.

¹¹ Акты Кавказской Археографической Комиссии, I, № 160, стр. 197.

¹² გვრიტიშვილი, მესხია, თბილისის ისტორიისათვის, თბილისი, 1952, გვ. 167.

¹³ Записка капитана Языкова о Грузии. Цагарели, Грамоты и другие исторические документы XVIII столетия, относящиеся к Грузии, I, СПб. 1891, стр. 185.

ხეობაზე მიგვითითებს იოანე ბატონიშვილი „კალძასობაში“¹⁴. თბილისელ ხელოსანთა ნაწარმი საქართველოს გარდა კავკასიის მეზობელ ქვეყნებსაც უწევდა მომსახურებას¹⁵. ხელოსნები, თბილისის გარდა, საქართველოს სხვა კუთხეებშიც იყვნენ. ამ ეპოქაში, საქართველოში ფეოდალური ხანის ნესაფერისად განვითარებულ ხელოსნურ წარმოებასთან გვაქვს საქმე. ხელოსნურ წარმოებასთან ერთად ერეკლე მეორის დროს აღმოსავლეთ საქართველოში ადგილი ჰქონდა საფაბრიკო-საქარხნო წარმოების დანერგვის ცდებსაც. ეს წამოწყებები მეფის მემოსავალს ზრდიდა და ამდენად ცენტრალური ხელისუფლების ძლიერებას უწყობდა ხელს. ეს მემოსავალი, თუ მთლიანად არა, ნაწილობრივ მაინც, სახელმწიფო საჭიროებებს ხმარდებოდა¹⁶. საყურადღებოა ის გარემოება, რომ საფაბრიკო-საქარხნო წარმოებებში კაპიტალის დაბნელებით დანერგვებულ იქნა არ ჩანს იმ დროს არც რომელიმე დიდგვარიანი ფეოდალი, არც მსხვილი ვაჭარი ან მევახშე. ფეოდალები არა თუ მონაწილეობას არ იღებდნენ ამ ახალ წამოწყებებში, არამედ თავიანთი მეურნეობის მოწესრიგებასაც არ ეწეოდნენ როგორც საჭიროა. დიდი ფეოდალები თავიანთ მამულებს პრიმიტიული ტექნიკური იარაღებით ამუშავებდნენ. არ წარმოებდა მათი მეურნეობის გეგმიანი, ორგანიზებული დამუშავება. მემოსავლის გაზრდის წყარო იყო ახალ-ახალი მიწების შემომტკიცება და არა მათი დამუშავების გაუმჯობესება. ფეოდალთა შორის ამ მხრივ ყველაზე მეტი მემოსავალი ჰქონდა მეფეს, რომელიც პირველი ფეოდალი იყო სხვა ფეოდალებს შორის. მეფე ძლიერია თითოეულ ფეოდალზე, მაგრამ საერთოდ

¹⁴ კალძასობა, I, თბილისი, 1936, გვ. 193—195.

¹⁵ Буриашев, Картина Грузии или описание политического состояния царств Карталинского и Кахетинского, Тифлис, 1786.

¹⁶ ერეკლე მეორეს სამთამაღრო წამოწყებებიდან 1500 კილო წინდა ვერცხლი და დიდი რაოდენობით სპილენძი შემოსდიოდა.

იხ. ნ. ბერძენიშვილი, ივ. ჯავახიშვილი, ს. ჯანაშია. საქართველოს ისტორია, I, თბილისი, 1946, გვ. 399.

როგორც ნ. ბერძენიშვილი აღნიშნავს: „ბურჯუაზიის („ევროპის“) გამარჯვების ამ საუქუნეში ერეკლე II საქართველოს ტიპიური მეფე აღარ იყო. ამის საბუთია მისი დაუცხრომელი ზრუნვა იმისათვის, რომ თავისი ქვეყანა „ევროპულად“ მოეწყო. ღონისძიებანი სამხედრო თუნაშაშაქალაქო ასპარეზზე, რეფორმები სახელმწიფო თუ კერძო სამართლის საქმეში, ახალი წამოწყებანი ეკონომიკისა თუ კულტურის დარგში,— თანხმობით მოწმობდნენ, რომ მხადდებოდა პირობები ახალი საქართველოს წარმოქმნისათვის, რომ თავადურ-ბატონყმური სისტემა პომეშიკურ-ბატონყმური სისტემით უნდა შეცვლილიყო, რომ ქვეყანა ბურჯუაზიულ განვითარების გზაზე უნდა დამდგარიყო“. მნათობი, № 6, თბილისი, 1954, გვ. 137.

ფეოდალთა ალაგმვას ხშირად ვერ ახერხებენ და იძულებულნი ან-გარიში გაუწიოს მათს ნება-სურვილს. ფეოდალური ზედმეტის ცრთი ნაწილი აქტიურად ერევა ქვეყნის მართვა-გამგეობაში. ერეკ-ლე მეორის ყოველგვარი წამოწყება, რომელიც მიმართული იყო ცენტრალური ხელისუფლების გაძლიერებისაკენ, აწყუბოდა რეაქ-ციონერ ფეოდალთა მძაფრ წინააღმდეგობას.

შინაგანი წინააღმდეგობის გარდა საქართველოს კეთილდღეო-ბაზე უარყოფით გავლენას ახდენდა გარემო მტრების შემოსევები. სპარსელებს და თურქ დამპყრობლებს ამ საუკუნეებში დაემატნენ ლეკები, რომლებიც მეურნეობის წარმოების საშუალებას უსაბო-დნენ ქართველ გლეხს. წვრილ-წვრილ გუნდებად თავს ესხმოდნენ სოფლებს, იკლებდნენ და არბევდნენ გლეხთა კარმიდამოს. ყანაში გასულ მშრომელებს იტაცებდნენ და უტხოვთში ყიდდნენ. ერთმა-ნეთთან ბრძოლის დროს ლეკებს ეპატიებოდნენ ფეოდალები. ირან-ი და ოსმალეთი ხშირად იყენებდნენ ლეკების ძალას ქართველთა დასასჯელად. მოსახლეობა, ციხე-გალავნებში იყო შეხიზნული. ყოველივე ამის გამო კულტურული მეურნეობა დაეცა. მტრის გამუდმებულთა თავებების ძედეგად მოსახლეობა ზოგ ადგილებში ან გაწყდა, ან სხვა ქვეყნებს სწებინა. ისტორიკოსი პაპუნა ორ-შელიანი მოგვითხრობს: „დაიკალა საბარათაშვილო, სომხი-თი, ორბელიანთ მამული, და ზოგი გავიდა კახეთს და ზოგნი ავიდნენ ზემო-ქართლში და საერისთავებში. აღარ დარჩა შე-ნობა იმ მხარეს“¹⁷. დარეჯან დედოფალი (ერეკლე II-ის მეუღლე) თავისი შემოსავლის აღწერისას ჩამოთვლის რიგ სოფ-ლებს, რომელთაგან მრავალი დანგრეული ყოფილა და მოსახ-ლეობა გაქცეულა¹⁸. დიდი ზარალი მიადგინა საქართველოს ალა-მაჰ-მად ხანის შემოსევამ. საშინაო და საგარეო პირობების გამო XVIII საუკუნეში ქართული ფეოდალური პროგრესული ძალების ყოველ-გვარი ცდები, მიმართული სახელმწიფო წყობილების გასაუმჯობე-სებლად მარცხს განიცდიდა¹⁹. ეკონომიური სიღუბნითა და აა

¹⁷ „საქართველოს ცხოვრება“, ხ. კიკინაძის განოცემა, თბილისი, 1913, გვ. 238.

¹⁸ საქართველოს სიძველენი, III, № 311, თავიშვილის რედ., თბილისი, 1910, გვ. 295.

¹⁹ ნ. ბერძენიშვილი, ნაშრომში „საქართველოს რუსეთთან შეერთების ისტორიული მნიშვნელობისათვის“ აღნიშნავს: ქვეყანაში თავადურ-ბატონ-ყმური სისტემა სუფევდა („ჩიხი“). ასეთ ვითარებაში პროგრესისათვის მებოძოლ ძალებს ქვეყნის შიგნით ძლიერი სოციალური დასაყრდენი არ შეიძლებოდა შექ-მნოდა. ამავე დროს თავადურ რეაქციას ოსმალეთ-ერანის აგრესორთა სახით ერთ-

ვადურ-ბატონყმური სისტემის შედეგად მეფეს საშუალება არ ჰქონდა რეგულარული ჯარი ჰყოლოდა. ასეთი ჯარი საჭირო იყო ფეოდალების ასალაგმავად და ლეკების წვრილი თარეშებისაგან თავის დასაცავად. ამ მიზეზების გამო დიშალა ერეკლე მეორის მიერ შექმნილი „მორიგე ჯარი“²⁰. ერეკლე იძულებული გახდა ლეკებისათვის მიემართა. მათგან ჯარი დაიქირავა და ჯამაგირი დაუნიშნა. ამ ჯარის ჯამაგირისათვის საჭირო გადასახადი „სალეკო“ მოსახლეობას მძიმე ტვირთად დააწვა. გიორგი მეთორმეტესაც ყავდა ლეკთა რაზმები დაქირაებული. გიორგი XII-ის ძმებს არაერთხელ უცდიდა გადაემბრებინათ გიორგისთან მყოფი ლეკთა მეთაური²¹. ისინი ქირაობდნენ აგრეთვე ახალ რაზმებს. პლატონ იოსელიანი მოგვითხრობს, რომ გიორგის განრისხებით შექმნილი ფარნაოზ ბატონიშვილი „სამ თვეს ტრიალებდა სურამისა გარშემო და აქა შეიგროვებდა ჯარსა და ლეკთაცა მოიწოდებდა ახალციხესა მხარეთაგან“-ო²².

ბრძოლა მეფესა და მეფის ძმებს შორის საქართველოში ფეოდალური ბრძოლის ერთ-ერთი სახეა. ფეოდალთა გამარჯვება, ხოლო ცენტრალური ხელისუფლების მარცხი იყო ის ფაქტი, რომ გიორგი XII იძულებული გახდა დაემტკიცებინა ტახტის მემკვიდრეობის 1791 წლის წესი. ეს წესი გულისხმობდა იმას, რომ სამეფო ტახტი მემკვიდრეობით გადადიოდა გეარში უფროსზე და არა მამიდან შვილზე, ამ წესის უკანონობა ერეკლემ თვითვე დაუდასტურა გიორგის. მეორე კანონი, რომელიც ამავე გარემოებას ადასტურებს. ერეკლე II მიერ იქნა გამოცემული 1792 წელს. ამ კანონით თითოეულ უფლისწულს ერეკლემ 1003 კომლი ყმა მისცა, ხოლო ტახტის მემკვიდრე გიორგის 4000 კომლი. ამ რიგად დანაწილდა

გული მოკავშირე ჰყავდა. ასე რომ ბრძოლა პროგრესისათვის, ბრძოლა საქართველოს გაერთიანებისათვის, ბრძოლა თავადურ-ბატონყმური სისტემის წინააღმდეგ, ბრძოლა ტყვის სყიდვა-ლექიანობის წინააღმდეგ — უშუალოდ უკავშირდებოდა ერან-ოსმალეთის ბატონობისაგან გათავისუფლებისათვის ბრძოლას და უერთმანეთოდ არც წარმოიდგინებოდა. საქართველოში ერან-ოსმალეთის მძლავრობა და თავადურ-ბატონყმური სისტემა ერთმეორეს ავსებდა და ერთმეორეს გულისხმობდა. „მნათობი“, 1954, № 6, გვ. 137.

²⁰ „მორიგე ჯარის“ გაუქმება იყო თავადების გამარჯვება და ერეკლე მეფის პოლიტიკის უდიდესი მარცხი, საქართველოს ისტორია, I, გვ. 398.

²¹ პლატონ იოსელიანი, ცხოვრება გიორგი მეცამეტისა, ა. გაწერელიას რედ., თბილისი, 1936, გვ. 58.

²² იქვე.

და დაქუცმაცდა სამეფო ქონება. უფლისწულები თავიანთ მამულებში თავს ხელმწიფეებად გრძნობდნენ. „ესენი იქცნენ ამიერიდან თავადური რეაქციის ბურჯებად“²³. პლატონ იოსელიანს უნახავს სურამში ფარნაოზ ბატონიშვილის მიერ გაცემული სიგელი, სადაც ფარნაოზი თავის თავს მეფეს უწოდებდა²⁴. მეფობისაკენ მიისწრაფოდნენ ვიორგის სხვა ძმებიც.

ბატონიშვილების ბრძოლა იპლენად მწვავე ხასიათს იღებდა, რომ თავიანთი თანამომეგების წინააღმდეგ ჭეშბიჯობის დახმარებასაც კი არ თაკილობდნენ. მდგომარეობა განსაკუთრებით გამწვავდა მას შემდეგ, რაც 1799 წლის აპრილში პავლე პირველმა გიორგი მეთორმეტეს მეფედ დამტკიცების სიგელი და სათანადო წინადადება გამოუგზავნა, ხოლო მისი ვაჟი დავითი კი ტახტის მემკვიდრედ გამოცხადდა. ბატონიშვილები თავთავის მამულებში ჩაიკეტნენ და მეფეს აღარ ცნობდნენ. დარეჯან დედოფალი ყოველნაირად ცდილობდა მომხრე დასის საშუალებით ხელი შეეშალა დავითის გამეფებისათვის. მოლაღატე თავადები ეროვნისა და ოსმალეთის აქტიური მხარდაჭერით ქვეყნის კეთილდღეობას ძირს უთხრიდნენ. მინაურ არეულობას, როგორც აღენიშნეთ, ლეკთა; ფაშებისა და ხანების თარეშიც ზედ ერთვოდა პროგრესისათვის მებრძოლმა დასმა დანახა, რომ რეაქციისთან ბრძოლაში გამარჯვებისათვის საქართველოს არ ეყო მინაგანი რესურსები, ხოლო 1783 წლის აქტით გათვალისწინებული კავშირი (რუსეთთან) საკმაოდ არ აღმოჩნდა პროგრესის ძალთა ამ სისუსტის საკომპენსაციოდ...“²⁵

მინაური არეულობით შეშინებული გიორგი მეთორმეტე რუსეთის იმპერატორს ტრაქტატის შეცვლას სთხოვდა. გიორგი რუსეთის მთავრობას უფლებას აძლევდა ქართლ-კახეთის აინაურ საქმეებში ჩარეულიყო, მხოლოდ მის ჩამომავლობას მეფობა უნდა შეენარჩუნებინა.

1799 წელს გენერალ ლაზარევის სარდლობით რუსთა ჯარი საქართველოში შემოვიდა. ლაშქართან ერთად გამოგზავნილ იქნა რუსეთის მთავრობის მინისტრი საქართველოს მეფის კარზე—კოვალენსკი. კოვალენსკის იმპერატორისაგან დავალებული ჰქონდა თვალყური ედევნებინა როგორც მეფის, ისე სხვა დიდებულებისა-

²³ საქართველოს ისტორია, I, გვ. 410.

²⁴ პლატონ იოსელიანი, ცხოვრება გიორგი მეცამეტისა, გვ. 58.

²⁵ ნ. ბერძენიშვილი, საქართველოს რუსეთთან შეერთების ისტორიული მნიშვნელობისათვის, „მნათობი“, 1954, № 6, თბილისი, გვ. 139.

თვის და აქტიურად ჩარეულიყო ქვეყნის მართვა-გამგეობაში. კოვალენსკი უნდა გამხდარიყო მეფის მრჩეველი²⁶.

კოვალენსკი ჩამოსვლისთანავე აქტიურად ერევა ქვეყნის შინაურ საქმეებში. მალე, როდესაც გიორგი მეთორმეტე გარდაიცვალა, ქართლ-კახეთის სამეფო გაუქმებულ იქნა და „1801 წელი გარდაუვალი გახდა (იგულისხმება რუსეთთან საქართველოს შეერთება, ლ. გ.) საქართველოს პროგრესის საქმე ამიერიდან მხოლოდ ამ გზით შეიძლება დაწარმართულიყო“²⁷.

²⁶ Бутков, Материалы для новой истории Кавказа с 1722 по 1803 год. ч. II, стр. 449.

²⁷ ნ. ბერძენიშვილი, საქართველოს რუსეთთან შეერთების ისტორიული მნიშვნელობისათვის, „მნათობი“, 1954, № 6, თბილისი, გვ. 139.

თავი მეორე

სახელმწიფო ბეგარა-ბადასახადები და საბადასახადო სისტემა აღმოსავლეთ საქარ- თველოში XIX საუკუნის დასაწყისათვის. ბეგარა-ბადასახადვალდებულნი ფენები

რუსეთთან შეერთების შემდეგ, პირველ წლებში, საქართველოს სოციალურ წყობაში არავითარი არსებითი ცვლილება არ მომხდარა. საქართველო დარჩა ისეთივე ფეოდალურ-ბატონყმურ ქვეყნად, როგორსაც ის მე-18 საუკუნის უკანასკნელ მეოთხედში წარმოადგენდა. ქვეყნის მწარმოებელი ფენის ეკონომიური მდგომარეობა კი რამდენადმე გაუარესდა. ახლადდაშვიდებული სამართველო აპარატი მძიმე ტვირთად დააწვა საქართველოს მწარმოებელ ფენას. ამავე დროს საგარეო საფრთხე ჯერ კიდევ მთლიანად არ იყო თავიდან აცილებული (ბრძოლები ირანთან და თურქეთთან). ლეკთა თარეში შინც გრძელდებოდა. არც ქვეყნის შიგნით იყო მყუდროება. საქართველოში შემოყვანილი რუსთა რეგულარული ჯარის გამოკვება ქვეყანას უჭირდა¹.

საგარეო საფრთხის თავიდან ასაცილებლად და ქვეყნის უფრო მეტად შემოსამტკიცებლად მეფის რუსეთის მთავრობა უპირველეს ყოვლისა საჭიროდ ცნობდა საქართველოში ჯარის მეტი რაოდენობით შემოყვანას, ადგილობრივი ეკონომიური პირობების გარკვევას და ახალი მმართველობის შემოღებას. რუსი მოხელეები პირველი დღეებიდანვე შეუდგნენ ქვეყნის ეკონომიური პირობების შესწავლას, მოსახლეობის რაოდენობისა და მათი გადახდისუნარიანობის გამორკვევას, სახელმწიფო ხაზინის შემოსავლის აღრიცხვას².

¹ Дубровин, Георгий XII—последний царь Грузин и присоединение ее к России, СПб, 1867, გვ. 214.

² Обзорение российских владений за Кавказом, ч. I, СПб, 1836, გვ. 9.

1802 წლის 12 აპრილს შეიქმნა საქართველოს უზენაესი მთავრობა; რომელიც შედგებოდა აღმასრულებელი, სამოქალაქო საქმეთა, სისხლის სამართლისა და სახაზინო საქმეთა ექსპედიციებისაგან. სწორედ სახაზინო საქმეთა ექსპედიციას უნდა ეწარმოებინა აღრიცხვა ახლადშემოერთებული ქვეყნის შემოსავალ-გასავლისა³. სახელმწიფო ხაზინის შემოსავლის უფრო მეტად გარკვევის მიზნით, მთავარსარდალმა კნორინგმა მდივან-ბეგებად და მრჩეველებად ერთი წლის ვადით დანიშნა ის პირები, რომლებიც საქართველოს მეფის კარზე იყვნენ მოხელეებად (კერძოდ, ყოფილი მდივანბეგები: ევსტათე ციციკვილი, ალექსანდრე მყაუფილი, ივანე ჩოლოყაშვილი, ქაიხოსრო ჩოლოყაშვილი, დავით აბაშიძე, ზაალ ბარათაშვილი, ეგნატე თუშანიძევილი, ომან ხერხეულიძე)⁴. მათ დევალეზული ჰქონდათ ანგარიში ეწარმოებინათ სახელმწიფო შემოსავალ-გასავლისა⁵. ქართველი მოხელეებისაგან, ადგილობრივ მცხოვრებთაგან; აგრეთვე საკუთარ დაკვირვებათა საფუძველზე ცდილობდნენ რუსი მოხელეები, მთავარმმართველები კნორინგი, ციციანოვი და სხვანი გაერკვიათ და დაედგინათ სახელმწიფო შემოსავლის ერთ-ერთი მნიშვნელოვანი წყარო—ბეგარა-გადასახადები. მათი დაკვირვებები ხშირად ზერელე და სუბიექტური იყო; ისინი უმთავრესად დაინტერესებული იყვნენ სახელმწიფო ხაზინის შემოსავლის გაზრდით.

ხაზინის სასარგებლოდ მე-19 საუკუნის პირველ ნახევარში შემდეგი გადასახადები იკრიფებოდა: სურსათი, კოდის-პური. წახტა ფულადი, მახტა პურეულით, მალი, ღალა, საბალახე, ყალანი, კულუხი, საკომლო, სააღდგომო, საშობაო, სამასპინძლო, გასამყრელო. საქვრივე, საჩექმე, შევარდენი, ნაბადი და სხვ. ამ გადასახადების სახე. მოცულობა და წარმოშობა, რასაკვირველია, სხვადასხვანაირი იყო, მაგრამ ერთი რამ კი მათ საერთო ჰქონდათ: ყველა გადასახადი ადგილობრივი, ქართული იყო თავისი შინაარსით და თავის დროზე სეგუებულიც იყო ადგილობრივ ქართულ ფეოდალურ ეკონომიკასთან. ისინი რუსეთთან საქართველოს შეერთებამდე ბევრად ადრე არსებობდნენ საქართველოში. რუსული მმართველობის შემოდგომისთანავე არ ხდება ამ გადასახადების შეცვლა. შემდეგში ხდება ზოგიერთი ამ გადასახადის დანიშნულებისა და

³ შ. ჩხეტია, რუსული მმართველობის სისტემა საქართველოში, „ენიმ-კის მოამბე“, VIII, 1940. გვ. 29.

⁴ Иваненко, Гражданское управление Закавказьем от присоединения Грузии до наместничества князя Михаила Николаевича, Тифлис 1901, გვ. 34.

⁵ ც. ს. ს. ა, ფ. 16, საქ. № 31, 32, 33.

სახის შეცვლა სახელმწიფო მოთხოვნილებების შეცვლასთან დაკავშირებით. იცვლება სამუშაო ბეგარა.

აღსანიშნავია, რომ ხაზინის სასარგებლოდ იკრიფებოდა არა მარტო წმინდა სახელმწიფო გადასახადები, როგორც იყო სურსათი, კოდის-პური... არამედ, პირადად მეფის, როგორც ფეოდალის, გადასახადებიც (სამსპინძლო, საშობაო, სააღდგომო). მეფე-ფეოდალის მიმართ გადასახადად ქცეული ზოგიერთი მოვალეობა ხაზინის სასარგებლოდ უნდა გადაეხადათ მეფის ყმებს, როგორც სახელმწიფო გადასახადი, მეფისა და მეფის ოჯახის წევრთა მიმუღები, მათი რუსეთში გადასახლების შემდეგ. სახელმწიფო საკუთრებად იქნა გამოცხადებული. ამ მიმუღების მთელი შემოსავალი ხაზინას გადაეცა. რასაკვირველია, ის ბეგარა-გადასახადებიც, რომლებიც ბატონიშვილთა თუ დედოფალთა სასარგებლოდ იკრიფებოდა, მათი გადასახლების შემდეგ ხაზინის სასარგებლოდ უნდა აკრეფილიყო.

ზემოჩამოთვლილ გადასახადებს გარდა, მე-18 საუკუნის დასასრულისათვის, გარკვეულ შემთხვევაში, არა მუდმივად იკრიფებოდა „სარუსო“ და „სალეკო“ გადასახადები. მე-18 საუკუნეში ცნობილი იყო მნიშვნელოვანი სახელმწიფო გადასახადი—„სათათრო საური“. ეს გადასახადები მე-19 საუკუნის დაკავშირებულ არ გვხვდება, ამიტომ ჩვენ არ ვეხებით.

მე-19 საუკუნის დამდგენისათვის ერთ-ერთი სახელმწიფო გადასახადი, რომელსაც რუსულ საბუთებში ვხვდებით, არის სურსათი. ამ გადასახადის განმარტებას იძლევა სან. ზინო ზალატის თავმჯდომარე ბეზაკი თავის პროექტში: „Краткое описание ныне существующей системы доходов в Грузино-Швертинской губернии“. ბეზაკის ცნობით, ქართველი მეფეების მიერ ჯარის გამოსაკვებად იკრიფებოდა სურსათი: „Сурсат или подать с каждого дыма всех ведомств крестьян в Грузии, также за исключением дистанции; подать эта назначалась на содержание войск и ежегодно была взыскиваемая наряжаемыми от царя доверенными лицами“⁶.

მართლაც, როგორც ჩვენ ზემოთ აღვნიშნეთ, სურსათის გადასახადი რუსული მმართველობის დამყარებამდეც არსებობდა საქართველოში. მე-18 საუკუნეში იგი ერთ-ერთი ძირითადი სახელმწიფო გადასახადია.

⁶ ც. ს. ს. ა, ფ. 241, № 591, ფურც 14.

სურსათი, შედარებით სხვა გადასახადებთან (კოდის-პური, ყალანი და სხვ.), უფრო გვიან უნდა იყოს შემოსული. საფიქრებელია, რომ იგი ყიზილბაშთა ბატონობის დროიდან ჩნდება ჩვენში (1735—1744 წწ.). „დასტურლამალი“ ამ გადასახადს არ იცნობს. მე-19 საუკუნის ერთ-ერთი საბუთის მიხედვით: „პჯულთა შინა მეფისა ვახტანგისათა ესე ვითარცა გამორთმევეათათვის თავდახსნილთა ყმათაგან სურსათისა არა რაიმე თქმულ არს, ვინათგან ჟამსა მეფისა ვახტანგისასა დებულება გამორთმევეასა ზედა სურსათისასა საქართველოს შინა არა იყო, ხოლო შემოღებულ იქმნა იგი მეფობაზე მეფის ირაკლისასა“⁷. ეს ცნობა სწორი არ უნდა იყოს. სურსათის გადასახადი ერეკლეს მიერ არ არის შემოღებული. იგი წყაროებში უფრო ადრე იხსენიება. პაპუნა ორბელიანი მოგვითხრობს: „ამ ჟამად შაჰ-ნადირი თურქისტანზედ გასულს კახეთს ალავერდს მიბრძანდა: ამ ჟამად შაჰ-ნადირ თურქისტანზედ წაბრძანდა, ბალხიბუხარი, ორგანგი, სამარყანდი და მთლად თურქისტანი დაიპყრა და იქ რაოდენიმე ხანი დაჰყო, მუნით წარმოსრული დაღისტანში მოვიდა ძლიერის ჯარითა და შეამკვირვნა ლეკნი ძლიერითა ბრძოლითა და ეგრეთვე ქართველნი სურსათის თხოვნითა“⁸. მაშასადამე, ნადირ-შაჰი ქართველთაგან „სურსათს“ ითხოვდა. ნადირ-შაჰის ეს ლაშქრობა 1741—1742 წლებში მოხდა. ზემოგანხილული წყაროს მიხედვით სურსათი „აუცილებელ სათხოვრად“, ანუ გადასახადად იხსენიება. საფიქრებელია, იგი ამ წლების ახლო ხანაში ყოფილიყოს შემოღებული. იესე ბარათაშვილს თავის ცხოვრება-ანდერძში აღნიშნული აქვს, „... მერე შანშაზედ ჯარი იყო, სურსათი ითხოვესო“⁹. ამ შემთხვევას ადგილი ჰქონდა ქართლში 1740 წელს, იმამ-ყული-ხანის მმართველობის დროს. აკად. ნ. ბერძენიშვილის აზრით, „სურსათი“ ყიზილბაშური გადასახადია. ყიზილბაშთა ბატონობის დროს საქართველოს მოსახლეობას ევალებოდა ქართლში მყოფ ყიზილბაშთა ჯარისათვის ეძლია „სურსათი“¹⁰.

⁷ საქართველოს არქივი, II, თბილისი, 1927, გვ. 12—13.

⁸ პაპუნა ორბელიანი, საქართველოს ცხოვრება, ხ. კიკინაძის გამოც., თბილისი, 1913, გვ. 245.

⁹ იესე ბარათაშვილის ცხოვრება-ანდერძი. თბილისი, 1950, გვ. 5.

¹⁰ ნ. ბერძენიშვილი, XVIII საუკუნის საქართველოს ისტორიიდან, მასალები საქართველოსა და კავკასიის ისტორიისათვის, თბილისი, 1944, გვ. 200.

გასათვალისწინებელია, რომ სურსათი წარმოშობით არაბული სიტყვაა, ნიშნავს ხარკს, ომიანობის დროის გადასახადს. იგი ყიზილბაშებმა შემოიღეს საქართველოში. ზემოთქმულის გათვალისწინებით ნათელი გახდება სურსათის თავდაპირველი სახე და დანიშნულება საქართველოში. სურსათის გადასახადს შემდგომ რომ დავაკვირდეთ, იგი მარტო ყიზილბაშთა დროის გადასახადად როდი გვევლინება. „სურსათი“ ქართული ჯარის გამოსაკვებად იკრიბება მე-18 საუკუნის 40-იან წლებიდან. 1788 წლის ერთ-ერთ საბუთში (ვახტანგ ბატონიშვილის წერილი მიშქარბაშ იოსებთან) ვკითხულობთ: „უსურსათოდ არის ჯარი და თვალი სურსათისაჲს უჭირამთ. რასაც გაირჩევი და დროიან გამოგზავნი, ისა სჯობს“¹¹. ამ საბუთიდან ჩანს, რომ ქართველი ჯარე „სურსათით“ იკვებება, ხოლო ამ სურსათს სახელმწიფო მოხელე გზავნის. სურსათის აკრეფა მელიქებს ევალებოდათ. პაპუნა ორბელიანი წერს: „რა ჩავედით ხეივანს, იქ შემოეყარა აჯიჩალაბის შვილი ცხენოსანი ჯარით და მოვიდა თეიმურაზ მელიქი სიღნაღისა და ოქვეარტერი განძასარისა, მოართვეს ფეშქაშები ბატონებს და დაიდევს სამსახური და მოიტანეს ჯარისათვის სურსათი, რომელ არს ულუფა“¹². მაშასადამე, სურსათი არის „ულუფა“, საზრდო ჯარისათვის და მისი მოკრეფა მელიქებს ევალებათ. სურსათის „ულუფაში“ შედიოდა: პური, ლენო, საკლავი¹³. ერეკლე მეორეს, მორიგე ჯარის შენობების შემდეგ, ქართლ-კახეთის გლეხობა „სურსათის“ გადასახადისაგან გაუთავისუფლებია¹⁴. რადგანაც მორიგედ წასულს თავისი საგზალი და საზრდო თან მიჰქონდა.

„სურსათი“ ანუ „პროვიანტი“ იკრიფებოდა როგორც ქართული, ისე რუსთა ჯარისთვისაც. მელიქ დარჩიას 1796 წლის მოხსენებაში ირაკლი II-სადმი ნათქვამია: „ბედნიერი ოქმი გვებოძა, რომელიც სამი აზრი გებრძანებინათ: ერთი. რუსების ბარგის ჩამოსატანი ურმების გარიგება, მეორე შეშის გარიგება და მესამე პროვიანტის გარიგება. ჩვენს ხელმწიფეს ასე მოხსენდეს: რომელიც რუსების ბარგი იყო, სრულებით ჩამოვიდა. სამოცდაათი ურემის შეშის გარიგების ბძანება იყო, თქვენმა შვილმა გიორგიმ შეაწერა, ზოგი მოსულა და ზოგიც მოდის. მომავლის ჯარისათვის უფა-

¹¹ საქართველოს სიძველენი, III, № 61, თაყაიშვილის 5 რედ., თბილისი, 1910, გვ. 47.

¹² საქართველოს ცხოვრება, თბილისი, 1913, გ. კიკინაძის გამოც, გვ. 169.

¹³ Акты К. А. К., I, № 602, стр. 503.

¹⁴ 6. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, თბილისი, 1946, გვ. 397.

ლმა პოლკაეხიკმა თქვენს შვილს გიორგის ათას-ხუთასი კოდი პროვიანტი სთხოვა და ამის გარიგება თქვენს შეუტყობრად გაჰი-
და¹⁵. „ულუფა“ და „პროვიანტი“ შინაარსის მიხედვით ერთიდა-
იგივეა, ისევე როგორც ზემომოყვანილ საბუთში პაპუნა ორბელი-
ანი „ულუფას“ სურსათთან აიგივებს.

დავისკვნით: სურსათი სახელმწიფო გადასახადია, რომელიც მე-18 საუკუნიდან არის ცნობილი საქართველოში, სურსათს მეფის ანუ სახელმწიფოს ზოხელეები კრეფენ და იგი ჯარის გამოსა-
კვებად, ჯარის „ულუფად“ არის განკუთვნილი. მას კრეფენ თავ-
დაპირველად ყიზილბაშთა ლაშქრისათვის, რომელიც საქართველოს ციხეებშია ჩაყენებული, უფრო გვიან კი—ქართული მოქმედი ჯა-
რისათვის. სურსათი ანუ „პროვიანტი“ იკრიფება საქართველოში მყოფი რუსთა ჯარისთვისაც. სურსათის გადასახადი ეღებოდათ როგორც სახელმწიფო, ისე საბატონო და საეკლესიო გლეხებს. მას იხდიდნენ ელის მცხოვრებნიც. იგი ერთ-ერთი საყოველთაო გადასახადია¹⁶.

ზოგიერთი საბუთის მიხედვით, სურსათის გადასახადისაგან თავისუფალი იყო მხოლოდ ის, ვინც იხდიდა მალსა და მახტას¹⁷.

სურსათის გადასახადს ძირითადად ხორბლეულით იხდიდნენ. გადასახადი კონლობრივად იკრიფებოდა, 2 კოდი ჭერი და ერთი კოდი ქერი კომლზე; მაგრამ, როგორც ზემოთ აღვნიშნეთ, „სურსათში“ ზოგჯერ სხვა სახის საკვებიც იგულისხმებოდა¹⁸. სურსათის გადასახადს ზაგი „თეთრით“ იხდიდა (ელის მოსახლეობა)¹⁹. ამ გადასახადებისაგან თავისუფალი იყო საქართველოს მთიანეთის მოსახლეობა. საფიქრებელია, რომ, სადაც ხორბლეული წამყვანი კულტურა არ არის, იქ მას ფუფით იხდიდნენ, ან სულ არ იხდიდნენ (ელის მოსახლეობა პირველ შემთხვევაში, ხოლო მთიანეთისა— მეორე შემთხვევაში). სურსათის გადასახადი წელიწადში ერთხელ იკრიფებოდა, მაგრამ სახელდობრ წლის რა დროში, ამის დადგენას, საბუთების სიმცირის გამო, ვერ ვახერხებთ. საფიქრებელია, სურსათი მაშინ იკრიფებოდა, რა დროსაც კოდის-პური და სხვა პურეულზე დადებული გადასახადები (იხ. კოდის-პური). უფრო

¹⁵ საქართველოს სიძველენი, ტ. III, № 344. თაყაიშვილის რედ., თბილისი, 1910. გვ. 332.

¹⁶ ც. ს. ს. ა. ფ. 254, № 184, 122. ფ. 16. № 33, 31. AKAK. II, № 4. გვ. 7.

¹⁷ საქართველოს არქივი, II, თბილისი, 1916, გვ. 11.

¹⁸ AKAK. I, № 602, სტრ. 503.

¹⁹ AKAK, I, № 160, სტრ. 197.

გვიანდელი, მე-19 საუკუნის მასალებით, სურსათი მართლაც კოდის-პურთან ერთდროულად იკრიფება. ამრიგად, სურსათი სახელმწიფო თავდაცვისათვის, სახელმწიფო საჭიროებისათვის არის განკუთვნილი. მან დროთა განმავლობაში სახე იცვალა და საქართველოს სინამდვილეს შეეგუა. ეს ერთ-ერთი სახელმწიფო გადასახადია, რომლის ორგანიზაციასაც თვით სახელმწიფო ეწევა (მეფე და მისი მოხელეები). საქართველოს მოსახლეობისათვის სურსათი სამხედრო-ეკონომიური ვალდებულებაა სახელმწიფოს მიმართ.

მე-19 საუკუნის დამდეგისათვის იკრიფებოდა კოდის-პურის გადასახადი. კოდის-პური ფეოდალური საქართველოს ერთ-ერთი ძველი გადასახადია. იგი, როგორც თვით სახელმწიფო გვიჩვენებს, პურით გადასახადი, ხოლო კოდი საწყობი. სულხან-საბა ორბელიანის განმარტებით: „კოდი ადგილითი ადგილ მეტაკლებს იციან. არამედ სწორი საწყობი ესე არს: ახლისა ლიტრით: ათი ლიტრა შთაიტოს, რომელ არს ორასისა თუხტისა წონა“²⁰. მაშასადამე, კოდი საწყობია, რომელშიც ათი ლიტრა ჩადის, მაგრამ კოდი ერთხელ და საზღვამოდ დადგენილი საწყობი არ ყოფილა, იგი ქვეყნის სხვადასხვა კუთხეში სხვადასხვა ზომისა იყო. კოდის-პურის გადასახადი პურით გადასახადი გამოდის, რომელიც კოდების ანუ გარკვეულ საწყობს მიხედვით იკრიფენა. კოდის-პური რომ პურით გადასახადია, ამას მთელი რიგი საბუთები ამტკიცებს.

სახელმწიფო გადასახადს-კოდის-პურს თანამართლ იხდიდა როგორც სახაზინო, ისე საბატონო და საეკლესიო გლეხობა. ქახეთის გადასახადების აღწერილობაში, რომელიც 1802 წელს არის შედგენილი, ჩამოთვლილია მთელი რიგი სახაზინო სოფლები, რომლებიც კოდის-პურის გადასახადს იხდიან²¹. წელიწადში კომლზე ოთხი კოდი პური ყოფილა დაწესებული. სადედაფლო „დასტურლამალში“ აღნიშნულია: „ერთი საკომლოს ოთხი კოდი არის, ამიტომ რომ ქერი რვა ლიტრი არის“²².

1801 წლის დარეჯან დედოფლის მამულებისა და სოფლების ნუსხაში ვკითხულობთ: „ქ. ქახეთში გავაზი და ჭიკაძანი რომ ერთ სოფლად დგანან მტრის მიზეზით და ესენი არიან კომლი რა, ამითი დებულება არის წელიწადში კომლზედ ოთხი კოდი პური რომ იქნება ექვსასი კოდი“²³.

²⁰ სულხან-საბა ორბელიანი, სიტყვის კონა, თბილისი, 1949, გვ. 306.

²¹ საქ. ე. ს. ს. ა, ფ. 16, № 31, № 33, გვ. 26.

²² დასტურლამალი, უნიკაშვილის გამოცემა, თბილისი, 1856, გვ. 115.

²³ საქართველოს სიძველენი, № 311, თაყაიშვილის რედ., თბილისი, 1910,

მაშასადამე, კოდის-პურის გადასახადი კომლობრივად იკრიფება საქართველოს მცხოვრებლებს შორის. კოდის-პურის გადასახადი აღწერილი და დავთარში ყოფილან მეტანილინი. ეს გადასახადი ივლისიდან ნოემბრამდის უნდა აკრეფილიყო და დავთარში აღრიცხულიყო. კოდის-პურის გადასახადს სპეციალური მოხელეები, მეკოდისპურეები კრეფდნენ. „ვინცა-ვინ მეკოდის-პურენი ჰამასალად მქონებელნი, თუ ისრე ერთის წლის მქირავი, რომელისაც მჭრისანი იუუნენ და ან დღეის წალმა იქნებოდნენ, კოდის-პურის გამოსაგზავნათ რომ წავიდოდნენ, მკათათვეს, მარიამობისთვეს, ენკენისთვეს, ღვინობისთვეს, გიორგობისთვეს, ასეთი ბეჯითი მოსაქმენი იუუნენ, რომ სხუას საქმეს ნურას გამოეკიდებიან, ვისაც ჩვენნი კოდის-პური ედუას და დაუთარი ხელთ ეჭიროს, იმ კაცთ იმ ხუთ თუეში თავეთი კოდის-პური მისის ქათმით გორს მიმტანთ, გორის ამბარდანთან ჩამოიტანოს, როგორც გაჩენილი არის იმ კოდით და იმ საწყაოთი. კოდის-პური ერთი საკვამლო ოთხი კოდი პური არის, ამიტომ რომ ქერი რვა ლიტრი ჩავა კოდშია, და პური ათი ლიტრა ჩავა“²⁴.

მეკოდისპურეს თვალყური უნდა ედევნებინა გლეხისათვის, რათა მას ცუდი, გაფუჭებული პური არ ჩაებარებინა; აგრეთვე ევალებოდა ზემოაღნიშნულ ხუთ თვეში ანგარიში წარედგინა სათანადო მოხელეებისათვის. თუ ის ამას არ შეასრულებდა, მას სახელოს ჩამოართმევდნენ და ჯარიმად ორმოც მარჩილს გადაახდევინებდნენ. შეფერხების მიზეზი თუ გლეხი იყო, მაშინ მეკოდისპურე ვალდებული იყო ეს ამბავი მეფისათვის ან მისი კარის მოხელეებისათვის ეცნობებინა²⁵.

კოდის-პურის აკრეფაში, როგორც ჩანს, ხელი მიუწვდებოდათ სახლთხუცესსა და მდივნებს. „დასტურლამალში“ ვკითხულობთ: „კოდის-პურის ათის-თავი რაც დადგების, სამი წილი მეკოდის-პურისა არის და მეოთხედი სახლთხუცისა და მდივნებისა არის ქათმით“²⁶. მდივნებს, საფიქრებელია, დავთარში შექონდათ შემოსავალი, სახლთხუცესი კი ვალდებული ყოფილა მთელი ქვეყნისაგან შეკრეფილი შემოსავლის ანგარიში ეწარმოებინა. 1802 წელს შედგენილი საანგარიშო მოხსენებიდან ჩანს, რომ სახლთხუცესს აღწერილი ჰქონია არა მარტო შემოსავალი, არამედ გასავალიც; აღრიცხული ჰქონია, თუ ვის აპატია მეფემ გადასახადი, ვის უწყა-

²⁴ დასტურლამალი, პ. უმიკაშვილის გამოც., თბილისი, 1886. გვ. 55.

²⁵ იქვე.

²⁶ იქვე.

ლობა პური კოდობით, რამდენი კლდი პური მოიკრიფა ხაზინისათვის და რა ერგებათ აქედან მოხელეებს²⁷. რუსული წყაროები კოდის პურს ასე განმარტავენ: „Кодис-пური или непрелменная подать в определенном с селения количестве, которой собственно в Грузии обложены были сверх суррата только некоторые значительные казенные селения, но собранием без сомнения их достатка“²⁸. ეს საბუთი სწორი არ არის, კოდის-პური კომლზე დაწესებული გადასახადია და არა საზოგადოდ სოფლებზე განაწილებული, მისი რაოდენობაც განსაზღვრულია. ამით განსხვავდება კოდის-პური პურით დაწესებული სხვა გადასახადებისაგან, კერძოდ პურად მახტისაგან. გარდა ამისა, კოდის-პურის გადასახადს, როგორც ალენიშნეთ, სახაზინო და საბატონო გლეხებიც იხდიდნენ და არა მარტო სახაზინო გლეხები²⁹. ვახტანგ VI მიერ შედგენილ „დასტურლამალში“ ჩამოთვლილია: საამილახეროს კოდის-პურისათვის, საბარათაშვილოს კოდის-პურისათვის, საციციანოს კოდის-პურისათვის და სხვა. ხშირია შემთხვევა, როდესაც მეფე დამსახურების გამო რომელიმე თავადის ან აზნაურის ყმებს კოდის გადასახადისაგან ათავისუფლებს. 1725 წლის ერთ-ერთ საბუთში ვკითხულობთ: „ქ. ნებითა და შეწყვეთა მღვთისათა ჩვენ მღვთივე წყალობა მინიჭებულმან, ძემან მეფეთამან, ბატონმან ბაქარ, ესე ამიერით უქუნისამდე ჟამთა და ხანთა გასათავებელი წყალობის წიგნი და სიგელი შეგიწყალეთ და გიბოძეთ თქვენ, ჩვენთა ერთგულთა ყმათა, წესისამებრ ნამსახურსა აზნაურიშვილს ცალქალამანიძეს გივის, პეტრეს, ერასტის, შვილთა და მომავალთა თქვენთა მას ჟამსა, ოდეს დიდსა და ამალღებულს რუსეთის ხელმწიფეს დავებარებინეთ, ერთი ძმა თან გეიახელით, რომელიც შეგეძლოთ, მართებულად გვემსახურეთ, მოგვიდექით კარსა წყალობისა ჩვენისათა და თქვენი მრავალნამსახურობის სამუქედოდ თქვენსავ ყმების ნაბახტევს სითარხნეს დაგვეაჯენით, ჩვენცა ვისმინეთ მოხსენება თქვენი და თქვენი წილი ნაბახტევი ასე გითარხნეთ, რომ არაფერი საჩვენო გამოსაღები და სათხოვარი არა ეთხოვებოდეთ რა: არა საბალახო, არა პირისთავი, არა კოდის-პური, არა მუშა, არა ქეშიკი, არა საბზევე“³⁰. მართალია, ამ დროისათვის ბაქარი უკვე რუსეთში იყო და ტახტზე იესე (ალი-ყული-ხანი) იჯდა, მაგრამ

²⁷ საქ. ცსსა, ფ. 16, საქ. № 33.

²⁸ საქ. ცსსა, ფ. 241, საქ. № 562, გვ. 16; Акты К. А. К. У. № 327, стр.

²⁹ სამართალი ბატონიშვილის ვახტანგისა, მუხ. № 162.

³⁰ საქართველოს სიძველენი, ტ. III, № 178, გვ. 155.

ამ მხრივ საინტერესოა, თუ ვინ იხდის კოდის-პურს, აგრეთვე თვით გათარხნების წესი. მეფე აზაურის სამსახურის სათვასურად ზის გლეხებს სახელმწიფო გადასახადისაგან (სამეფო გადასახადისაგან) ათავისუფლებს. კოდის-პურისაგან „გათარხნება“ ხშირად გვხვდება გვიან ფეოდალურ საქართველოს საბუთებში³¹. ამ სამეფო გადასახადის გადახდა თავდაზნაურთა ყმებს ევალდობდათ³². კოდის-პურის გადასახადს იხდიდნენ საეკლესიო ყმებიც. 1802 წლის მარტყოფის და ქიზიყის საანგარიშო მოხსენებაში ვკითხულობთ: „ქ. ვაქირის ნათლისმცემლის ეკლესიას მეფეთაგან განწესებული აქვთ თავისი ყმის კოდის-პური, ამით სწერებიათ პური-კოდი ორმოცდარი და ჩვეულებისამებრ ეკლესიას მიორთმევია“³³. ე. ი. თავისთავად ეკლესიას სწერებია ეს გადასახადი, მაგრამ მეფეს არა თუ გაუთარხნებია, არამედ, როგორც ამას ბევრჯერ ჰქონია ადგილი, ეკლესიის ყმებიდან აკრეფილი კოდის-პურის გადასახადი ეკლესიისათვისავე უწყალობებია. კოდის-პურის გადასახადს, როგორც ჩანს, ყველა სოფელი როდი იხდის. „დასტურლამაღში“ ვკითხულობთ: „ვისაც ჩვენი კოდის-პური ეღუჯა და დაუთარი ხელთ ექიროს, იმ კაცს იმ ხუთ თუეში თავეთი პური მისის ქათმით გორს მიმტანთ, გორის ამბარდანთან ჩამოიტანოსო“³⁴. კოდის-პურს არ იხდიდნენ გათარხნებულნი, კოდის-პური არ ედოთ არც თუშ-ფშავ-ხევსურებს. კოდის-პური, როგორც პურით გადასახადი, საფიქრებელია, არ ეკისრებოდათ იმ კუთხეებში, სადაც ხორბლეული წამყვანი კულტურა არ იყო. 1801 წელს შედგენილ სადედოფლო მამულებისა და სოფლების ნუსხაში ვკითხულობთ: „ქ. კახეთში სოფელი ზემო-ხოდაშენი, ამაში სახლობს ჩემი ყმა კომლი ქ, ამით რადგან სახნავე მიწა არა აქვთ, პური არ აძესთ, ღვინის დებულება აძესთ მოსავლის მიხედვით“³⁵.

პურით გადასახადი გვიანფეოდალურ საქართველოს ერთ-ერთი ძირითადი გადასახადია (პურეულით სხვა სახის გადასახადებსაც იხდიდნენ). კოდის-პურის გადასახადი ერთგვარი ეკონომიური ვალდებულებაა სახელმწიფოს წინაშე. აკრეფილი კოდის-პური

³¹ საქართველოს სიძველენი, ტ. III, 172, გვ. 149; 178, გვ. 155.

³² იესე ბარათაშვილის ცხოვრება-ანდროძი, მასალები საქართველოსა და კავკასიის ისტორიისათვის, ნაკვეთი 28, თბილისი, 1950, გვ. 41.

³³ საქ. ცხსსა, ფ. 16, საქ. № 33.

³⁴ დასტურლამაღი, პ. უმიკაშვილის გამოც., თბილისი, 1886, გვ. 55.

³⁵ საქართველოს სიძველენი, III, № 311, გვ. 296.

სახელმწიფო ხაზინაში შედიოდა და მეფის სახლთბუცესის „საკითხავს“ წარმოადგენდა.

გვიანფეოდალურ საქართველოში ცნობილია გადასახადი მახტა. აღსანიშნავია, რომ სულხან-საბა ორბელიანი მას არ იხსენიებს „სიტყვის კონაში.“ კავკასიის არქეოგრაფიული კომისიის აქტების მიხედვით, მახტას იხდიდნენ ქალაქის მცხოვრებნი, აგრეთვე თათართა დისტანციები. მახტა შეადგენდა სამეფო ხაზინის მნიშვნელოვან შემოსავალს. გადასახადი იკრიფებოდა როგორც პურეულთ, ისე ფულად³⁶.

ი. ბახტაძის აზრით: „Махта—денежная подать, собиравшаяся с граждан мокалаков и с казенных крестьян, живших в городах и селениях. Уплачивало ее также и население татарских динстаний и притом без раскладки по селениям, за исключением, впрочем, Борчалы, где раскладка эта существовала издавна. Кое где махтою были обложены и другие жители, преимущественно выходящие из мусульманских провинций, а также и те, которые не уплачивали других податей. Размер махты, как в городах, так и в селениях, был одинаков по 1 р. 4 $\frac{3}{4}$ к. с души. С помещичьих крестьян махта в пользу казны не взыскивалась вовсе“³⁷.

მახტას ხშირად ვხვდებით გვიანფეოდალურ საქართველოს საბუთებში. „დასტურლამალიც“ ამ გადასახადს კარგად იცნობს³⁸.

³⁶ Акты К. А. К. I, № 160, стр. 197; № 419, стр. 323; № 171, стр. 207.

³⁷ И. Л. Бахтадзе, Податное обложение государственных крестьян Закавказского края, Свод материалов по изучению экономического быта государственных крестьян Закавказского края, т. I, часть III, Тифлис, 1887, стр. 6.

³⁸ ამიტომ არ არის სწორი პროფ. გ. გოხალიშვილის მოსახრება მახტის შესახებ. თავის ნაშრომში: „გლეხთა მდგომარეობის ისტორიიდან მე-19 საუკუნის პირველ მეოთხედში“ პროფ. გ. გოხალიშვილი წერს: „მახტი (მახტა, მალთი, მახთი) გვიან უნდა იყოს შემოსული საქართველოში. მისი დაწესების თარიღის დაახლოებით გამოანგარიშებაც შეიძლება. დასტურლამალიც მას არ იცნობს. ცხადია, მისი შედგენის დროს ეს გადასახადი არ უნდა არსებულებოდა. ერთი ცნობის მიხედვით, იგი თეიმურაზ მეორისა და ერეკლე მეორის მეფობაში შემოღებულად ჩანს. ყაზახის მცხოვრებნი სთხოვენ გენერალ კნორიგს გათავისუფლებას მახტისაგან, რომელიც მას დაადევს თეიმურაზმა და ერეკლემ. რასაკვირველია, აქედან იმ დასკვნის გამოტანა, რომ ხსენებული გადასახადი ამ მეფეთაგან იქნა საერთოდ შემოღებული, სავსებით სწორი არ იქნებოდა. ეგებ იგი

მახტა, როგორც ზემოთ აღვნიშნეთ, ჩაბტო ფულადი სახის გადასახადი არ იყო, იგი პურეულითაც იკრიფებოდა. დ. ფურცელაძის აზრით: „Крестьяне, мало занимавшиеся земледелием, по неплемению земли, или по малоземельности, равно и те, которые вели кочевую жизнь, платили своему помещику в поземельную подать от 20 до 60 к. сер. в год. Подать эта называлась махтою и ею по преимуществу были обложены переселившиеся из Турции магометане“³⁹. მართლაც, მახტა თვით მე-19 საუკუნის დამდეგამდეც ქართულ სოფლებზე დადებულ გადასახადად არ ჩანს. მას უმთავრესად იხდიან მოქალაქეები, ქალაქში მცხოვრები სახელმწიფო გლეხები და მუსულმანი მოსახლეობა. წელიწადში ერთხელ, შემოდგომაზე, როდესაც ელის მოსახლეობა მთებიდან შინ ბრუნდებოდა, იგი ვალდებული იყო გადაეხადა საყოველთაო მახტა⁴⁰. უდავოა, ეს გადასახადი გადამხდელთა მეურნეობასთან იყო დაკავშირებული და გადასახადის სახეც მეურნეობით განისაზღვრებოდა. მახტა, როგორც სახელმწიფო გადასახადი, ხაზინის სასარგებლოდ იკრიფებოდა.

ადრევე არსებობდა საქართველოში. ყაზახებზე კი ამ მეფეთა დროს გავრცელდა მაგრამ. რადგან ამაზე ადრე ეს გადასახადი არ იხსენიება, ამიტომ შესაძლებელი ხდება, ამ ცნობაზე დამყარებით მისი შემოღების თარიღის დაახლოებითი განსაზღვრა. სხვათა შორის ტფილისის მოქალაქეთა იმავე ეპოქისგანდმი ნინარეთული თხოვნის შინაარსი იძლევა ისეთი დასკვნის განტანის შესაძლებლობას, რომ მახტა შედარებით ახალი გადასახადი უნდა იყოს. ეს ორი ცნობა თითქოს ერთიმეორეს ავსებს და, შეიძლება ითქვას, რომ მახტა მე-18 საუკუნეში თეიმურაზისა და ერეკლეს დროს უნდა იყოს შემოღებული“ (საქართველოს არქივი, II, თბილისი, 1927, გვ. 8—9).

ზემომოყვანილ მოსაზრებას მახტის შესახებ ჩვენ ვერ გავიზიარებთ. მახტა თეიმურაზისა და ერეკლეს მიერ არ არის შემოღებული. „აქტების“ ცნობები, რომლებსაც ემყარება პროფ. გ. გოხალიშვილი, სწორი არ უნდა იყოს. „დასტურლამალი“ ამ გადასახადს კარგად იცნობს. „აქტები“ უფრო მოგვიანო პერიოდისაა და ნაკლებ ზუსტი საბუთია, ვიდრე „დასტურლამალი“. „დასტურლამალის“ თავში „დაბნეულის ელისათვის“ ვკითხულობთ: „ოთარ მდივნის თაბუნმა, მეითრის თაბუნმა, ბეჟან შანშიაშვილის თაბუნმა, ამათ უნდა გამოიღონ კომლზედ მახტა ხუთი აბასი, ქოდავი ერთი შაური“... („დასტურლამალი“, გვ. 25). მახტა იხსენიება მეორე ადგილსაც იმავე „დასტურლამალში“ თავში „ელიას დავთრის პირისათვის“ („დასტურლამალი“, გვ. 27). მაშასადამე „დასტურლამალი“ მახტას იცნობს როგორც ელის მოსახლეობაზე დადებულ გადასახადს. იგი იკრიფებოდა კომლზე ხუთი აბასის რაოდენობით. მახტას იხდიდნენ დედოფლის ყმები, რომლებიც ქალაქში ცხოვრობდნენ (საქართველოს სიძველენი, III, № 311, გვ. 298).

³⁹ Пурцеладзе, О крепостном состоянии в Грузии, стр. 10.

жур. „Кавказ“, № 84, 85, 86, 1864.

⁴⁰ Акты К. А. К. I, № 419 გვ. 329.

მალი არაბული სიტყვაა და გადასახადს ნიშნავს. მალს სულხან-საბა ორბელიანი ასე განმარტავს: „ხარკჳ მწუალებელთა“⁴¹.

აკად. ივ. ჯავახიშვილი „ქართველი ერის ისტორიის“ III წიგნში წერს: „სასოფლო მეურნეობაზე დადებულ საყაანო გადასახადს მალი ეწოდებოდა“⁴². მაშასადამე, მალი მონღოლების მიერ შემოღებულ გადასახადად ჩანს, რომელიც თავდაპირველად გარკვეულ მეურნეობაზეა დაწესებული. უფრო გვიან ამ გადასახადის დაწესებულება იცვლება და, როგორც ვ. გაბაშვილი აღნიშნავს, „მიწაზე დაწესებული გადასახადის აღმნიშვნელი ტერმინის აღვიღს XIII—XIV სს. იჭერს არაბული „მალი“, მაგრამ უკვე XV საუკუნეში მალი „კომლზე“ წესდება, უფრო გვიან კი „სულად“ გადასახადად არის ქცეული და მჭიდროდ დაკავშირებული ქართულ საგადასახადო სისტემასთან“⁴³. ამ გადასახადს „დასტურლამალშიც“ ხშირად ვხვდებით. „ალექის ბატონის გამოსაღებისაში“ აღნიშნულია—„თავზედ სამი აბაზი მალი“⁴⁴; გამოდის, რომ მალი „თავზედ“ დადებული, ანუ სულადი გადასახადი ყოფილა. ქალაქის მალის გარეგების წიგნში ვკითხულობთ: „მალი პირველზედ ახალს მალის გამომღებს რომ დაეთარში ჩააგდებენ, იმის ნახევარს მალს გამოართმევენ, რომ სამი აბაზი იქნების, და მთელი მალი თავზედ ექვსი აბასი არის“⁴⁵. მაშასადამე, ყოფილა მთელი მალი, რომელიც დასახლების, ე. ი. ნეურნეობის მოკიდების შემდგომ უნდა ყოფილიყო გადახდილი. დასტურლამალშივე აღნიშნულია, რომ „მალი, თავზედ ახალ ნაქორწილეზედ სამი აბასი; ერთ წელიწადს უკან თავზედ მუდამ ექვსი აბასი ეთხოვებოდეს“⁴⁶. ჩანს, ოჯახის პატრონზე სრული მალი იკრიფებოდა, ხოლო ახალნაქორწილეზე კი ნახევარი. მაშასადამე, მალი ყოფილა სულადი გადასახადი ოჯახის თავზე (ოჯახში შრომისუნარიან მამაკაცებზე). ჩვენს მოსაზრებას ადასტურებს დასტურლამალის გვ. 11, სადაც ვკითხულობთ: „ერთი კაცი რომ დაბერებული იყოს და იმისი ორი და სამი შვილი მალს იძლევიებოდეს, იმ ბერს კაცს დაეთარში ნუ ჩააგდებენ, მალს

⁴¹ სულხან-საბა ორბელიანი, სიტყვის კონა, თბილისი, 1949, გვ. 346.

⁴² ივ. ჯავახიშვილი, ქართველი ერის ისტორია, III, თბილისი, 1941, გვ. 56.

⁴³ ვ. გაბაშვილი, სათათრო გამოსაღებელი გვიანფეოდალურ საქართველოში, მიმომხილველი, III, თბილისი, 1953, გვ. 165.

⁴⁴ დასტურლამალი, „ქალაქის მალის გარიგებისათვის“, პ. უმიკაშვილის კამოც., თბილისი, 1886, გვ. 7.

ნულარ სთხოვენ⁴⁵. შეიძლება შეიღებოდა მამასთან არ ცხოვრობენ ცალკე ოჯახი აქვთ და დამოუკიდებლად ეწევიან მეურნეობას, მაგრამ მაინც „როდესაც შეილი დაუქორწილდების და მალის ძლევას დაიწყებს, მამას აღარ ეთხოვების“⁴⁶. როგორც დასტურლამალიდან ჩანს, მალის გადამხდლები დავთარში ჩაწერილი და აღრიცხული ყოფილა. მალს იხდიდნენ გვიანთეოდალური საქართველოს მცხოვრებნი როგორც ქალაქად, ისე სოფლად (იგულისხმება მწარმოებელი საზოგადოება). ამასთანავე აღსანიშნავია, რომ „დასტურლამალი“ მალს იცნობს როგორც ფულად გადასახადს, წყაროში ყველგან, სადაც მალზეა ლაპარაკი, იგი მსოლოდ ფულადი სახით გვხვდება: ფულადი სახის გადასახადია მალი მე-19 საუკუნის დამდეგისათვის⁴⁷.

მალის გადახდა ევალეზობდათ როგორც სახელმწიფო, ისე საბატონო ყმებს. კახეთის მეფის ალექსანდრე II მიერ 1577 წლის 5 იანვარს დავით ჯორჯაძისა და სხვათადმი მიცემულ მალის ამოკვეთის წიგნში ვკითხულობთ: „...ჯორჯასძეთა ენისელთ მოურავს დავითს, ბაზიერთ-უხუცესს ბებურს, სანჯარს და როშნეევანს (sic), ერთობილთა თქვენთა გუართა და ნათესავთა, შეილთა და მამავალთა ახლისა თქვენისათა ყოველთავე:—მას ვამსა ოდეს იქნა და ბედნიერი ჯელმწიფე მამა ჩუენი პატრონი ლეონ ამიერ სოფლით გარდაქდა და ჩუენსა და ძმისწულთა ჩუენთა შუა მეფობისა და პატრონობისა საქმეზე და საცილობელი საქმე ჩამოგუივარდა, ომი და ბრძოლა მოჰქდა. იბრინა მოწყალემა და მოსამართლემა ღმერთმან, ჩუენ გაგუემარჯვა, მეფობა და პატრონობა დაგურჩა, მაშინ ჩუენცა შეგიწყალეთ და სამსახურისა და გუერც-მდგომისა მუქტად ვინცა ჩუენ გუიახლა მას და, ვინცა ძმისწულთა ჩუენთა იახლა, მასცა, მით რომე მათი ყმა და მამული ყუელა უკლებლად ჩუენ გუიახლა და ერთგულად ჩუენს გაბატონებასა მოიჭირვეს, რარიგაცა მართებდა, ისრე გუერცსაცა მოგუიდგეს: ჩუენის გულისათუის რომელიმე მოკუდა და რომელიმე დაიკოდა და მათის გულისათუის და გუერც-მიდგომისათუის ჩუენ მისად სამუქტოდ წყალობა დაგმართეთ. ვიგულებთ და ვიგულისმოდგინეთ და ერთობლითა თქვენთა ყმათა მკუიდრთა და ახლად მსახლობელთა, მსახურთა და მოყალნეთა ყოველთავე მალი ამოუკუეთეთ ჩუენად სა-

⁴⁵ დასტურლამალი, გვ. 11.

⁴⁶ იქვე, გვ. 9.

⁴⁷ Акты К. А. К., I, стр. 207, № 171; IV, стр. 35; № 34, V, стр. 265; № 327; VI, стр. 9; № 12.

დღეგრძელოდ, მეფობისა ჩუენისა წარსამართებლად და ცოდვათა ჩუენტა შესანდობელად; ასრე და ამა პირსა ზედან, რომე დღეს და დღეისის წალმა ჩუენსა საბატონოში საცა თქუენი ყმა ესახლოს ქართუელი, ანუ სამეხი, ანუ ურია, გლახა თუ მდიდარი, მამულიანი ანუ უმამულო, მალი აღარსადა აღარა ეთხოვებოდეს და მალის გამოსაღებსა და სათხოვარზედა აღარაფერი მიზეზი გამოსაღები და სათხოვარი არა დაედებოდეს რა არც ჩუენგან და არცა შემდგომად ჩუენსა კუალად სხუათა მეფე-მეპატრონეთა და დედოფალთაგა“⁴⁸. საბუთი მრავალმხრივ არის საინტერესო: მეფე, გარკვეული დამსახურების შემდეგ, ჯორჯადის ყმებს, მსახურებსა და მოლაშქრეებს ანუ მოყალნეებს მალის გადასახადისაგან ათავისუფლებს.

მაშასადამე, მალისაგან „გათარხნება“ ანუ გათავისუფლება უჩვეულო ნოვლენა არ უნდა იყოს. ამასთანავე მალი ყმას აღეგს მიუბედავად ეროვნებისა, კატეგორიისა, თუ ქონებრივი შეძლებისა. მალი არ უნდა იყოს პირადი დამოკიდებულების აღნიშვნელი გადასახადი. ყმა მალს იხდის მაშინ, როდესაც იგი ეკონომიურად არის დამოკიდებული თავის მეპატრონეზე. ამ მოსაზრებას ამტკიცებს 1782 წლის თავდახსნილობის სიგელი: „1782, იანვრის 8 ქ. სახელითა ყოვლად ძლიერისა ღ-თისათა, ესე წიგნი გიბოძეთ ჩვენ, ზურაბაშვილმან სუფრაჯმა ზურაბ, შენ რამაზაშვილს გურგენას და შვილთა შენტა, ასე რომე ბაბაშენი ჩემს აზნაურისშვილს ყულიაშვილთან მისულიყო და იმის მამულში მდგარიყო, არც ყმობდა, არც ხარჯი და მალი დაედო, მაგრამ იმის ხელათ მდგარიყო და როგორც მოსულის კაცის წესი არის, შობასა და აღდგომას ძღვენი მიერთმივა“⁴⁹. ამასთანავე, როგორც აღექსანდრე მეფის მიერ გაცემულ მალის ამოკვეთის წიგნში იყო აღნიშნული, „დღეის წალმა ჩუენსა საბატონოში საცა თქუენი ყმა ესახლოს--მალი არ ეთხოვებოდესო“. ამრიგად, მალი გარკვეულ მეურნეობასთან დაკავშირებული გადასახადია, მაგრამ არ არის სავალდებულო, რომ მალის გადახდელი ყმა აუცილებლად ბატონის კარზე, ბატონის მამულში ცხოვრობდეს. ამ საბუთში -საბატონო“. „სამეფოს“ მნიშვნელობით არის ნაბმარი. უფრო ქვევით საბუთში ვკითხულობთ: „მალის გამომღებსა და სათხოვარზედა აღარაფერი მიზეზი გამოსაღები და სათხოვარი არა დაედებოდეს-რა არც ჩუენგან და არცა შემდგომად ჩუენისა კუალად სხუათა მეფე-მეპატრონეთა და დე-

⁴⁸ დოკუმენტები საქართველოს სოციალური ისტორიიდან, I, ნ. ბერძენიშვილის რედ., თბილისი, 1940. № 505, გვ. 359.

⁴⁹ საქართველოს სიძველენი, III, № 20, გვ. 20.

დოფალთაგანო“. ამ უკანასკნელ წინადადებაში საინტერესოა კიდევ ერთი გარემოება, რომ საბუთში მალი გარკვეული გადასახადის მნიშვნელობით და არა საერთოდ გადასახადის აღმნიშვნელ ზოგად ტერმინად არის ნახმარი. მალს იხდიან დედოფლის ყმები, რომლებიც გორში სახლობენ, ხოლო ქალაქი მეფისაა. ასევე დასაშვებია, რომ სხვა თავადთა ყმები ცხოვრობდნენ ქალაქებში და იხდიდნენ მალს. ვის სასარგებლოდ იკრიფება მალი? საფიქრებელია, სახელმწიფოს სასარგებლოდ. ზემომოყვანილ საბუთში მეფე ათავისუფლებს ჯორჯაძის ყმებს მალისაგან. მაშასადამე, ამ შემთხვევაში მალი მეფის სასარგებლოდ იკრიფება, მაგრამ არის საბუთი, სადაც მალი საბატონო გადასახადად იხსენიება. 1700 წელს დიდი ნოზურავის შვილიშვილის თარხან, ბეჟანისა და სხვათა მიერ ტერასატურა ტერმარქარაშვილისადმი მიცემულ სითარხნის წიგნში ვკითხულობთ: „ჩვენც ასე გათარხნეთ და გათავისუფლეთ, არათერი საჩვენო სათხოვარი და გამოსაღები არ გეთხოვებოდნეს რა არა მალი, არა ულაყი, არა ხარჯი და გამოსაღები ძღვენს გარდა“⁵⁰. დავასკვნით, მალი მარტო სახელმწიფო გლეხებზე დადებული გადასახადი არ ყოფილა, რადგანაც მალს იხდიან თავადთა ყმები, მალს იხდიან დედოფლის ყმებიც. ზემომოყვანილ საბუთში საფიქრებელია, რომ ტერასატურა ტერმარქარაშვილი მის ბატონს მოშორებია. ამიტომ მებატონეს იგი მიწის საკუთრებასთან და მეურნეობასთან დაკავშირებული გადასახადებისაგან გაუთარხნებია. ძველ მებატონესთან მას მხოლოდ პირადი დამოკიდებულება შერჩენია. ეს საბუთი ერთხელ კიდევ ამტკიცებს, რომ მალი პირადი დამოკიდებულების აღმნიშვნელი გადასახადი არ არის და მიწასთან არის დაკავშირებული, მაგრამ გაურკვეველი რჩება, ვის უხდის ყმა მალს: თავის ბატონს თუ სახელმწიფოს. უნდა ვივარაუდოთ, რომ მეფის მიერ რომელიმე ფეოდალის ყმების გათარხნება მალის გადახდისაგან საშუალებას აძლევდა ამ მებატონეს ყმების მალი თავის სასარგებლოდ აეკრიფა. შეიძლება ამით აიხსნებოდნეს ზემომოყვანილი საბუთი, დიდმოურავის შვილიშვილის თარხან, ბეჟანისა და სხვების მიერ ტერასატურა ტერმარქარაშვილისადმი მიცემული, სადაც იგი მალს „საჩუნო გადასახადათ“ იხსენიებს. კავკასიის არქეოგრაფიული კომისიის აქტების ცნობით: „Мали—подушный сбор, установленный царями с казенных крестьян городов Тифлиса и Гори с женатых по 1 р. 20 к., а с холостых по 60 к.“⁵¹. რომ

⁵⁰ დოკუმენტები საქართველოს სოციალური ისტორიიდან I, ნ. ბერძენიშვილის რედ. თბილისი, 1940, № 150, გვ. 108.

⁵¹ Акты КАЗ, V, № 327, стр. 265.

შალი მარტო სახელწიფო გლეხებზე დადებული გადასახადი არ იყო, ამას ზემოთ განხილული საბუთებიც ამტკიცებენ. საფიქრებელია, რომ შალი, როგორც ფულადი გადასახადი, მის გადამხდელ საზოგადოებას უმთავრესად ქალაქებში უყრის თავს. შალისა და მახტის გადამხდელი საზოგადოება სურსათის გადასახადისაგან თავისუფალია⁵². საფიქრებელია, ეს გარემოებაც გარკვეულ ნეურნეობასთან იყოს დაკავშირებული. სურსათი მარცვლეულის სახით იკრიფება, შალი კი ფულადი სახის გადასახადია (უმთავრესად ქალაქის მცხოვრებლებზე დაკისრებული).

დავასკვნით: შალი მე-19 საუკუნის დამდეგისათვის უმთავრესად ქალაქის მცხოვრებლებზე დადებული სახელწიფო ფულადი გადასახადია. იგი, როგორც გადასახადი თავდაპირველად უცხო დამწყობთა სასარგებლოდ იკრიფებოდა, მაგრამ დროთა მსვლელობაში სურსათის მსგავსად, სახე იცვალა და ქართულ სინამდვილეს შეეგუა.

ყალანი როგორც გადასახადი საქართველოში მე-13 საუკუნიდან შემოდის⁵³. იგი თავდაპირველად ბეგარა ყოფილა, ხოლო შემდეგ გადასახადად ქცეულა. აკად. ივ. ჯავახიშვილი „ქართველი ერის ისტორიაში“ აღნიშნაეს: „... ორი ბეგარის მოხდაც იყო სავალდებულო (იგულისხმება მონღოლების დროს). ერთს მათგანს მონღოლურად ყალანი ეწოდებოდა, ქართულად კი სალაშქრო, რომელიც თავდაპირველად სამხედრო ბეგარას წარმოადგენდა. შემდეგში ყალანიც ფულად გადასახადად იქცა“⁵⁴. სულხან-საბა ორბელიანი ყალანს განმარტავს როგორც ბეგარას⁵⁵. მაგრამ თუ გავითვალისწინებთ იმ გარემოებასაც, რომ სულხან-საბა ორბელიანი ბეგარას „გლეხთ გამოსაღებს“ უწოდებს, აქედან გამომდინარეობს, რომ ყალანი მას ესმის როგორც გადასახადი⁵⁶. ბეგარასთან არის

⁵² საქართველოს არქივი, თბილისი, 1916, გვ. 11.

⁵³ ივ. ჯავახიშვილი, ქართველი ერის ისტორია, III, თბილისი, 1941, გვ. 57.

⁵⁴ იქვე.

⁵⁵ სულხან-საბა ორბელიანი, სიტყვის კონა, თბილისი, 1949, გვ. 739.

⁵⁶ „ბეგარა“ აქ გადასახადის და არა სამუშაო ბეგარის მნიშვნელობით იგულისხმება.

გაიგივებული ყალბი 1662 წელს თეიმურაზ I მიერ ენისელთ ნაცვალ ხოსროსადმი მიცემულ სითარხნის წიგნში, მაგრამ აქაც ყალბი ბეგარა გამოსაღებად არის მოხსენებული. „...მოგუიდეგით კარსა დარბაზისა ჩუენისასა და ხელახლად სიგლის გაახლებას გვეაჯენით. ვისმინეთ აჯა და მოხსენება თქუენი და წიგნითა ამით ასრე დაგიმტკიცეთ და ასრე გათარხნეთ და გაგათავისუფლეთ, რომე არა საჩუენო გამოსაღები ბეგარ-ყალბი და სათხოვარი და არა საური და მოურავის ულუფა არა გეთხოვებოდეს და გუიბოძებია ისრევე შენი სამკუიდრო“⁵⁷. ყალბი სალაშქრო მოვალეობა რომ არ არის, არამედ გამოსაღებია, ამაზე მიგვითითებს 1737 წელს თეიმურაზ II მიერ კარდნახელთადმი მიცემული წიგნი: „...ახლა ჩუენს ძმისწულს მეფე ალექსანდრეს მოკითხული ექნა დარბაისელთა კითხულობით, ძველი საფიცრებიც ენახა კიდემ, ხელახლა სახასოდ დაედვენით. ახლა ჩუენც მოკითხული ვქენით, სახასოდ დაგდევით. არა დროს ჩუენ არ გავგვეთ და არც ეს ჩუენი სიგელი მოგიშალოთ, როგორადაც სხვა სახასოს ყალბი გამოსაღები ედვას და ან ახლა, თქვენ ისრე იმსახურებდეთ შეძლებით და ჩუენც ძველი საფიცრის ზირით დაგიმტკიცეთ“⁵⁸.

გვიანფეოდალურ საქართველოში გ. წ. მოყალნეთა ფენა ყოფილა. 1577 წლის ალექსანდრე მეფის მიერ დავით ჯორჯაძისადმი ბოძებულ მალის ამოკვეთის წიგნში ვკითხულობთ: „ვიგულევეთ და ვიგულისმოდგინეთ და ერთობლითა თქუენთა ყმათა მკუიდრთა და ახლადმსახლობელთა, მსახურთა და მოყალნეთა ყოველთავე მალი აღმოუკუეთეთ“⁵⁹ მოყალნეს „დასტურლამალიც“ იცნობს⁶⁰. ბოლნისის გამოსაღების წიგნში აღნიშნულია: „მოყალნეს გუთანითითო დღეს უხნავს და უფარცხავს“. მოყალნენი ქალაქშიც ყოფილან: „რასაც ქალაქის მოყალნე და თარხანი იქს, ისენიც ისრე გაერევიან“⁶¹.

მე-19 საუკუნეში ყალბი უკვე ფულით იკრიფებოდა. ამ დროისათვის ეს გადასახადი უმთავრესად მთიან რაიონებში ყოფილა

⁵⁷ დოკუმენტები საქართველოს სოციალური ისტორიიდან, I, ნ. ბერძენიშვილის რედ., თბილისი, 1940, № 515, გვ. 368.

⁵⁸ დოკუმენტები საქართველოს სოციალური ისტორიიდან, I, № 557, გვ. 393.

⁵⁹ დოკუმენტები საქართველოს სოციალური ისტორიიდან, I, № 505, გვ. 359.

⁶⁰ დასტურლამალი, გვ. 8, 18, 27, 45, 99.

⁶¹ დასტურლამალი, „ავლაბრის რიგისა და სამსახურისათვის“, გვ. 8.

შემორჩენილი. კავკასიის არქეოლოგიური კომისიის მიერ შეკრებილი აქტების მიხედვით, „Калани... суть денежная подать с горских народов, вместо разных в натуре собиравшихся при царях грузинских вещей и жизненных припасов“⁶².

ხშირად მეფე ფეოდალის ან ეკლესიის ყმებს დამსახურების გამო ათავისუფლებს ყალანის გადახდისაგან⁶³. მაშასადამე, ყალანი თავდაპირველად სალაშქრო მოვალეობა (სამხედრო ბეგარა) ყოფილა, ხოლო შემდეგ გადასახადად ქცეულა. ყალანი სხვა გადასახადებთან ერთად სამეფო ხაზინაში შედიოდა და მეფის „საკითხავს“ წარმოადგენდა.

ღალა ფეოდალური საქართველოს ერთ-ერთი უძველესი გადასახადია. სულხან-საბა ორბელიანის განმარტებით, ღალა ყანის ბეგარაა⁶⁴ (ბეგარა ამ შემთხვევაში გადასახადის მნიშვნელობით არის ნახმარი), ე. ი. ღალა ყანაზე ანუ მარცვლეულზე დადებული გადასახადია; ღალას რუსული წყაროები ასე განმარტავენ: „Галла за пользование казенной землей, которая възыскивалась в натуре ежегодно при описании посевов собственно в Грузии, за исключением селений, плативших Кодиш-пури, Калани, или Махту и татарских дистанций; подать сия состояла в платеже одной коды или 2-х пудов 9 фунтов зерна с каждого дневно-го паханья, равняющегося половине русской десятины, и вносила была в казну по совершенной чистоте хлеба“⁶⁵. დ. ფურცელაძის განმარტებით: „Галла—подать с хлебных посевов. Она в разных местах была различна. Так в одних местах галау платили по урожаю, в других по одной коде (2 пуда и 7 фунтов) пшеницы с каждого дневно-го паханья земли (1/2 десят. земли), в иных с одного воза пшеницы по семи литр, 9 фунтов, а иногда по одной коде зерном, наконец в некоторых местах галла простиралась от 5 до 10-й части урожая“⁶⁶.

⁶² Акты К. А. К. V, № 327. стр. 266.

⁶³ დოკუმენტები საქ. სოც. ისტორიიდან, 1, № 505, გვ. 359.

⁶⁴ სულხან-საბა ორბელიანი, სიტყვის კონა, თბილისი, 1949, გვ.

727.

⁶⁵ საქ. ც. ს. ს. ა. ფ. 241, საქ. № 562, გვ. 15.

⁶⁶ Д. Пурцеладзе, О крепостном состоянии в Грузии, «Кавказ», 1864, № 86.

მაშასადამე, ლალა მარცვლეულით გადასახადი ყოფილა იმ მიწით სარგებლობისათვის, რომელზეც იგი ითვისებოდა. ლალა მარტო სახელმწიფო ანუ სამეფო გადასახადი არ იყო. მას იხდიდნენ ეკლესიის ყმები ეკლესიის სასარგებლოდ და საერო ფეოდალების ყმები თავისი ბატონის სასარგებლოდ⁶⁷. 1546 წლის ახალქალაქის გამოსაღების წიგნში აღნიშნულია: „ქ... ქრონიკონსა სლდ. გამოიღებს ახალქალაქელი თავი კაცი ორნი მოყალენი ერთს ფურბერწსა და ერთს ცხუარს. რასთენიცა დღის ყანა უთქს, დღიურზედა ოთხი კოდი ლალა“⁶⁸. საბუთი მცხეთის ეკლესიისაა და ხელს კათალიკოზი აწერს. მაშასადამე, ლალა ამ შემთხვევაში დღიურების, მიწის სიდიდის მიხედვით ყოფილა დაწესებული. ლალა რომ მამულზე, მიწაზე დადებული გადასახადია, ამას ადასტურებს დარეჯან დედოფლის ბრძანება (1793 წლის 7 ივლისის), სადაც ვკითხულობთ: „... როგორც მისის უმაღლესობის ოქმი აცხადებდეს ყოველის კაცის დაუფერებლად, ისე უნდა აღასრულო და იმ მამულების ლალა უკლებლად უნდა გამოურთო და ყორღანიანთ მიაბარო“⁶⁹. ლალა ყოველთვის მიწის სიდიდის მიხედვით როდი იკრიფება, არამედ ყურადღება ექცევა მიწის ნაყოფიერებასაც. რაც უფრო ნაყოფიერია მიწა (მორწყულია, მოვლილია), ბატონის სასარგებლო გადასახადი უფრო დიდია. „დასტურლამალი“ ვკითხულობთ: „ლალა სარწყავზედ ხუთზედ ერთი ბატონს; ურწყავზედ შვიდზედ ერთი“⁷⁰. „დასტურლამალიმე“ ვკითხულობთ: „ლალა დღიურზედ სამი ფოხალი პური“⁷¹. მაშასადამე, ლალის სიდიდე ერთხელ და სამუდამოდ დადგენილი არ არის. საბუთებში შეეხვდებით, რომ ლალა ბატონის სასარგებლოდ 1/5-დან 1/10-მდე იკრიფება. იგი ხან მიწის სიდიდის მიხედვით განიზომება. ხან მისი ნაყოფიერების მიხედვით. ლალა რომ მოსავალზე იკრიფება, ამას ადასტურებს 1785 წლის 3 აგვისტოს დაწერილი თუმანიშვილების არზა, სადაც აღნიშნულია: „... საქართველოს ლალის აღება ასრე არის: უნდა პატრონი მიუყვანოს, დაუთვალოს და ლალა ისე აიღოს“⁷². მაშასადამე, მოსავლის აღების შემდეგ გამოიყოფოდა გადასახდელი

⁶⁷ დოკუმენტები საქართველოს სოციალური ისტორიიდან, I, № 24, გვ. 20; საქართველოს სიძველენი, III, № 538, გვ. 521.

⁶⁸ დოკუმენტები საქართველოს სოციალური ისტორიიდან, I, № 6, გვ. 6.

⁶⁹ საქართველოს სიძველენი, III, № 306, გვ. 291.

⁷⁰ დასტურლამალი, გვ. 26.

⁷¹ იქვე, გვ. 8.

⁷² საქართველოს სიძველენი, III, 538, გვ. 521.

ღალა. ღალა მარტო პურიტ გადასახადი არ ყოფილა, არამედ საერთოდ მარცვლეულზე იყო დადებული: „ქალის რუს ქვეშ თუ დასთესონ, პურისა და ქერისა, ფეტვისა, ბამბისა ღალა ექვსზედა ბატონსა; თუ ჩალთუკი დასთესონ ასრევე ღალა“⁷³. სამეფო ღალის აკრეფაში, როგორც ჩანს, ხელი მიუწევდებოთ მოურავს, სახლთხუცესს, მდიენებს, ხასადარს, მამასახლისსა და ნაცვალს. მათ ღალიდან სარგოც ჰქონიათ დაწესებული: „ღალის ათისთავი, რაც ავიდეს სამი წილი მოურავისა და ხასადრისა, და მეოთხედი სახლთხუცესსა და მდიენებსა“-ო⁷⁴. ან კიდევ: „ღალის ხასადარი, მამასახლისი და ნაცვალი ერთად სჭამდნენ“⁷⁵. მეფის მამულში, სამეფო ან სახაზინო მიწის სარგებლობისათვის ღალას მეფის მოხელენი ჰქრევენ. როგორც არაერთხელ აღვნიშნეთ, ხშირია შემთხვევა, როდესაც მეფე რაიმე სამსახურისათვის თავის ყრებს ათარხნებს გადასახადებისაგან. გვაქვს შემთხვევა, როდესაც ყმა თავისუფლდება კოდის-პურისა, ღალისა, კულუხისა და საბალახის გადახდისაგან⁷⁶. ამიტომ არ უნდა იყოს სწორი ბეზაკის ზემომოყვანილი ცნობა იმის შესახებ, რომ კოდის-პურის გადახდელნი თითქოს ღალას არ იხდიდნენ⁷⁸. ჩვენ მოგვეპოვება მთელი რიგი საბუთები, სადაც ფეოდალი, ათარხნებს რა თავის ყმას, ათავისუფლებს მას როგორც კოდის-პურისაგან, ისე ღალისაგან. ეს ორივე გადასახადი ერთად არის ჩამოთვლილი⁷⁷. როგორც ვხედავთ, ღალა მიწით სარგებლობისათვის იკრეფება. ღალაში ჩანს გლეხის დამოკიდებულება მებატონისადმი. ეს დამოკიდებულება ეკონომიური ხასიათისაა. გლეხი მიწის სარგებლობისათვის ვალდებულია მეფეს ან ფეოდალს ღალა უხადოს. სახელმწიფო მიწით სარგებლობისათვის აკრეფილი სახელმწიფო გადასახადი—ღალა სახელმწიფო ხაზინაში შედის და მეფის „განსაკითხავს“ წარმოადგენს.

კულუხი ერთ-ერთი უძველესი გადასახადი საქართველოში. სულხან-საბა ორბელიანი კულუხს ღვინის ღალად განმარტავს⁷⁸. თუ სულხან-საბა ორბელიანის განმარტებას, აგრეთვე ღალის რაობას გავითვალისწინებთ, გამოდის რომ კულუხი ღვინით გადასა-

⁷³ დასტურდამალი, გვ. 98.

⁷⁴ იქვე, გვ. 11.

⁷⁵ დოკუმენტები საქართველოს სოციალური ისტორიიდან, I, № 24, გვ. 20.

⁷⁶ საქ. ც. ს. ს. ა, ფ. 241, საქ. № 562. გვ. 15.

⁷⁷ დოკუმენტები საქართველოს სოციალური ისტორიიდან, I, № 24,

№ 102.

⁷⁸ სულხან-საბა ორბელიანი, სიტყვის კონა, გვ. 318.

ხადი ყოფილა იმ მიწით სარგებლობისათვის, რომელზეც ვენახი გაშენებული. მევენახეობა კავკასიისა და კერძოდ საქართველოსათვის მეურნეობის ერთ-ერთი უძველესი სახეობაა. ქართული ფეოდალური საზოგადოების განვითარებაში მევენახეობას წამყვანი როლი ეკუთვნოდა⁷⁹. მევენახეობას, მებაღეობას, მებაბრეშუმეობას გლეხი ხელს ვერ მოჰკიდებდა, თუ ის წლების განმავლობაში ერთსადაიმავე მიწას არ ამუშავებდა, ხოლო თუ გავითვალისწინებთ მიწის საკუთრების უფლებებს, აქედან გასატეხი ხდება, თუ რა როლი მიუძღოდა მევენახეობას ფეოდალური მეურნეობის განვითარებაში. კულუხის გადასახადში, ანუ სავენახე მიწით სარგებლობისათვის დაწესებულ გადასახადში, ჩანს ის ეკონომიური დამოკიდებულება, რომელიც იყო მიწის მებატრონე ფეოდალსა და მის ყმას შორის. ყმა მიწას ამუშავებდა და ამ მიწით სარგებლობისათვის იხდიდა კულუხს. კულუხი რომ, მართლაც, ვენახისათვის განკუთვნილ მიწაზე დადებული გადასახადია, ეს იქიდანაც ჩანს, რომ კულუხს არ იხდიდა ის, ვისაც ვენახი არ ჰქონდა. გლეხი კულუხს იხდიდა მას შემდეგ, რაც ღვინოს მოიყვანდა. გლეხი კულუხს ღვინით იხდიდა, ე. ი. ამ მიწაზე მოყვანილი პროდუქტით. 1801 წლის სადედოფლო მამულებისა და სოფლების ნუსხაში აღნიშნულია: „... იმათ, ვისაც ვენახი აქვს, კულუხი აძევსთ მთელი საქომლოზედ ერთი ცალი ღვინო, რომ იქნება სამოცი მთელი საქომლოს ღვინო წელიწადში ოცდა ათი საპალნე“⁸⁰. ანდა იმავე საბუთში ვკითხულობთ: „... მცირე ვენახები ჰქონდათ, რადგან ახალმოშენენი იყვნენ, არც კულუხი გამოგვირთმევეია და არც აბრეშუმი“⁸⁰. ე. ი. ვისაც ვენახი აქვს, ის იხდის კულუხს—ღვინით გადასახადს, ხოლო ახლად დასახლებული ვიდრე ღვინოს არ მოიყვანდა, თავისუფალი იყო ამ გადასახადისაგან.

კულუხი ქვეყნის სხვადასხვა კუთხეში სხვადასხვა რაოდენობით იკრიფებოდა. მისი აკრეფაც ზოგჯერ მოსაველზე იყო დამოკიდებული. „დასტურლამალი“ აღნიშნულია: „კულუხი, რასაც ბატონი შეაგდებს, მოსაველზედ ჰკიდია“⁸¹. ზოგ ადგილში კულუხი განსაზღვრულიც ყოფილა. „დურნუქის საბატონოს გამოსადების წიგნში“ ვკითხულობთ: „კულუხი ხუთზედა“⁸². მაგრამ ძირი-

⁷⁹ ი. ვ. ჯავახიშვილი, საქართველოს ეკონომიური ისტორია, წიგნი მეორე, თბილისი, 1935, გვ. 598—604.

⁸⁰ საქართველოს სიძველენი, III, № 311, გვ. 295.

⁸¹ დასტურლამალი, გვ. 17.

⁸² იქვე, გვ. 25

თადად, „კულუხი შეწერით არის; მამულზედ ჰქვიდა, დიდს დიდობით და ცოტას ცოტაობით შეაწერენ“⁸². ამასვე სამართლიანად აღნიშნავს ფურცელაძე: „Күлүхи — подать с виноградных садов и эта подать была неопределенная: в одних местах ее собирали по урожаю, а в других взимали от 3 до 7 части произведения. Этой подати подлежали те только крестьяне, которые имели виноградные сады. С новоселенных виноградников, до окончательного устройства их, күлүхи не взыскивалась. Замечательно, что галла и күлүхи иногда в отношении к какой либо деревни были определенными. Напр. жители селения Курдгелაური ежегодно платили вино и 110 кол пшеницы“⁸³. კულუხის აკრეფის დროს, საფიქრებელია, მხედველობაში იქნებოდა მიღებული ამა თუ იმ სოფლის ადგილმდებარეობა და ბუნებრივი პირობები. კულუხის გადასახადი მარტო სახელმწიფო გლეხებს როდი აკისრიათ. კულუხს იხდიან აგრეთვე ფეოდალის ყმები თავიანთი ბატონის სასარგებლოდ; მეფე თავის ყმებს დამსახურების გამო ხშირად თავისუფლებს კულუხის გადახდისაგან⁸⁴. ასევე იქცევა ფეოდალიც თავისი ყმების მიმართ⁸⁵. კულუხის გადახდა ყველას არ ევალებოდა, თუ კულუხი მართლაც ვენახის გასაშენებლად საქმრო მიწაზე იყო დადებული. ამ გადასახადს სახაზინო პალატის თავმჯდომარე ბეზაკი შემდეგნაირად განმარტავს: „Күлүхи или подать с садов, разведенных на казенной земле, которая состояла во взыскании седьмой части урожая вина и поступала только с г. Тифлиса и Тезавского уезда“⁸⁶. ბეზაკის ეს განმარტება სწორი არ არის, რადგანაც, როგორც აღენიშნეთ, გადასახადი ერთხელ და სამუდამოდ დადგენილი არ ყოფილა. ამასთანავე, კულუხი ევალებოდა ყველას, ვინც სავენახე მიწით სარგებლობდა და არა მარტო თელავის მაზრისა და ქალაქ თბილისის მცხოვრებლებს.

კულუხის გადასახადი სახელმწიფო მამულებიდან ხაზინაში შედიოდა და მეფის განსაკითხავს წარმოადგენდა.

⁸² დასტურლამალი, გვ. 26.

⁸³ Д. Пурцеладзе, О крепостном состоянии в Грузии, «Исследования», 1864, № 86.

⁸⁴ დოკუმენტები საქართველოს სოციალური ისტორიიდან, I, № 22, გვ. 12.

⁸⁵ დოკუმენტები საქართველოს სოციალური ისტორიიდან, I, № 163.

⁸⁶ საქ. ც. ს. ს. ა., ფ. 241, საქ. № 562, გვ. 14.

კულუხი ერთ-ერთი უძველესი გადასახადი იყო საქართველო-ში. საფიქრებელია, რომ იგი ადგილობრივ ნიადაგზე და ადგილობრივი პირობების შესაბამისად იყო წარმოშობილი.

საქართველოს ზოგიერთი კუთხიდან მე-19 საუკუნის დამდეგისათვის ხაზინის სასარგებლოდ იკრიფებოდა გადასახადი „საბალახე“. ამ გადასახადს საქართველოს გარკვეული რაიონებისათვის განსაკუთრებული მნიშვნელობა ჰქონდა. საბალახე, რუსული წყაროებით, თუშებზე და ფშავ-ხევსურებზე დადებული გადასახადია, რომელიც ნატურით იკრიფებოდა. თუშებს ხედებოდათ წელიწადში 400 ცხვარი და 200 ბატკანი და ფშაველებს ყოველ 50 ცხვარზე თითო ცხვარი⁸⁸. სახაზინო ექსპედიციის თავმჯდომარის ბეზაკის ცნობით: „Слѣдѣлахо или сборъ в натурѣ в определенномъ количествѣ барановъ, свиной и рогатого скота за пастыню на казенныхъ земляхъ стад“⁸⁹. საბალახე, ფეოდალური საქართველოს ერთ-ერთი ძველი გადასახადია. სულხან-საბა ორბელიანი საბალახეს „ბალახთ ბეგარად“ განმარტავს⁹⁰, ხოლო თუ გაეითვალისწინებთ, რომ ბეგარა გადასახადის მნიშვნელობით აქვს მას ნახმარი, მაშინ, სულხან-საბა ორბელიანის განმარტებით, „საბალახე“ ბალახზე დადებული, ე. ი. საქონლის საკვებზე, საძოვარზე დადებული გადასახადია. დ. ფურცელაძის განმარტებითაც, საბალახე საქონლის საძოვარზე დადებული გადასახადია⁹¹. აკად. ივ. ჯავახიშვილის აზრით, „მონღოლურ ყაფჩერს შეესატყვისება ქართული „საბალახე“. „100 საქონელზე ბატრონს 1 სული უნდა გამოეყვანა და მიეცა მონღოლებისათვის. შემდეგ ეს საბალახე ფულად გადასახადათ აქციეს და ისე იყო განსაზღვრული, რომ უნდა შეძლების კვალობაზე გამოერთმიათ 10 დინარიდან მოყოლებული 1 დინარამდე“⁹². საბალახეს საქართველოში მართო თუშ-ფშავ-ხევსურები კი არ იხდიდნენ, როგორც ამას რუსული წყაროები გვიჩვენებენ, არამედ საბალახეს იხდიდა ყველა, ვისაც საძოვ-

⁸⁸ Акты К. А. К. I, стр. 480; IV, № 25, стр. 25.

⁸⁹ საქ. ც. ს. ს. ა, ფ. 241, საქ. № 562, გვ. 16.

⁹⁰ სულხან-საბა ორბელიანი, სიტყვის კონა, თბილისი, 1949, გვ. 543.

⁹¹ Д. Пурцеладзе, О крепостном состоянии в Грузии, „Кавказ“, № 1864, 86.

⁹² ივ. ჯავახიშვილი, ქართველი ერის ისტორია, III, თბილისი, 1941, გვ. 56.

რები სჯირდებოდა. „დასტურლამალში“ ჩამოთვლილია სოფლები: აელაბარი, ბოლნისი, დიდოში, ლილო, შულავერი, თეთრი-სოფელი და სხვ., რომლებიც საბალახეს იხდიან. სახელმწიფო მიწაზე ჯოგის გამოკვებისათვის მოკრეფილი საბალახე მეფის ხაზინაში შედიოდა. ეს გადასახადი გვიანფეოდალურ საქართველოში იკრეფებოდა საქონლის რაოდენობის მიხედვით: „საბალახე სძესთ: ასზედ ბატკნიანი ცხუარი სამი, მშრალი ცხუარი ორი, მობალახის შიშლიგია“⁸³. საბალახე „მართებულად“, „საბალახე სამართლიანად“ უნდა ყოფილიყო აღებული. ახლადმოსული კაცი ამ გადასახადისაგან ერთ წელიწადს თავისუფალი იყო, ხოლო შემდეგ ას ცხვარზე ორ ცხვარს და ერთ ბატკანს იხდიდა. გადასახადის აკრეფის დროს დაეთარში უნდა ყოფილიყო შეტანილი, თუ რამდენი სული საქონელი ჰყავდა კომლს და რამდენი გადაახდევინეს. ამასთანავე მხედველობაში უნდა ყოფილიყო მიღებული ისიც, თუ რა საქონელს ამოვებდა პატრონი, რათა „ცხუარზედ ცხურის საბალახო ყოფილიყო აღებული, თხაზე თხისა“⁸⁴.

საბალახის აკრეფაში, როგორც ჩანს მონაწილეობდნენ სახლთხუცესი, მდივნები, მობალახე და სუფრაჯი. „დასტურლამალში“ ვკითხულობთ: „რაც ბატონის საბალახის ათისთავი დადგების, ამის მეოთხედი სახლთხუცესისა და მდივნების არის, და დანარჩენი სამი წილი—ამისგან ორი წილი მობალახისა და მესამედი სუფრაჯსა“-ო⁸⁵. საამისოდ განსაკუთრებული მოხელე „მობალახეც“ კი ყოფილა⁸⁶.

საბალახე არ არის მარტო სახელმწიფო გადასახადი. ამ გადასახადის შემოსავალი მეფის ხაზინაში, ანუ სახელმწიფო ხაზინაში შედის. საერთოდ კი, თუ საბალახე საძოვარზე დადებული გადასახადია, იგი მიწის პატრონის სასარგებლოდ უნდა აკრეფილიყო. 1775 წელს გიორგი XII-ის მიერ დამტკიცებულ გამოძიების წიგნში ვკითხულობთ: „... ჩვენ ნიკოლაოზ მღვდელმა გვითხრა: ჩვენ და ოთარ მდივანი რომ მთაზე ვდობთო, იმასა კითხვო, ჩვენ ფიცით ვკითხეთ და ასრე თქვა ფიცითა, რომ ის კისის-ხევის მთა მესამედი ამ ნიკოლაოზისა და ამათ მამა-პაპათ მისცემიო ანა დედოფლისაგან და საბალახესაც ესენი იღებდნენ“⁸⁶. ამრიგად, საბალახე ეკონო-

⁸³ დასტურლამალი, რმთ. საბალახის აღებისათვის, გვ. 73.

⁸⁴ დასტურლამალი, გვ. 10.

⁸⁵ საქართველოს სიძველენი, III, № 205, გვ. 191.

⁸⁶ იქვე, № 228, გვ. 215—216.

მიუღრ ურთიერთობაზე დამყარებული გადასახადი ყოფილა. იგი საზღაურია იმ მიწის სარგებლობისათვის, რომელზედ ჯოგი საზრდოობს.

მე-19 საუკუნის დამდეგისათვის ხაზინის სასარგებლოდ იკრიფებოდა გადასახადი „საკომლო“. ის სხვა გადასახადებთან ერთად დასახელებულია როგორც ქართველ მეფეთა დროინდელი გადასახადი. კავკასიის არქეოგრაფიული კომისიის მიერ შეკრებილ აქტებში ვკითხულობთ: „Сашобао, саагдгомо, сакомло, калани, самаспиндзго, савардени и набыда, суть денежные подати с горских народов, вместо разных и натуре собиравшихся при царях грузинских вещей и жизненных припасов“⁹⁷. გვიანფეოდალურ საქართველოში მართლაც არსებობდა ასეთი გადასახადი. კომლი გარკვეული ოჯახია, რომლის წევრები ერთად ცხოვრობენ და ერთად ეწევიან მეურნეობას. კომლის წევრებს მიწის გარკვეული მონაკვეთი უჭირავთ. საბუთებში ხშირად ვხვდებით ასეთ გამოთქმას: „ერთი საკომლო ვენახი“⁹⁸ (ერთი საკომლო, ანუ საშუალოდ ერთ კომლზე განსაზღვრული მიწის ნაკვეთი, რომელზეც ვენახია გაშენებული). გადასახადები ხშირად კომლობრივია და კომლზე იკრიფებოდა მეურნეობის შესაფერისად. 1703—1724 წლების მორდალის სარგოს განწესებაში „ცარიელი საკომლოც“ არის მოხსენებული⁹⁹. საფიქრებელია, ეს გადასახადი „საკომლო“ კომლის კარმიდამოზე ყოფილიყო დაწესებული (იმ მიწაზე, რომელზედაც კომლი ცხოვრობს). თუ ეს მართლა ასეა, მაშინ საკომლო მარტო სახელმწიფო გადასახადი როდი ყოფილა. საკომლო იმის სასარგებლოდ აიკრიფება, ვის მიწაზეც კომლია დასახლებული. სადღეოდფლო მამულებისა და სოფლების 1801 წლის ნუსხაში ვხვდებით საკომლო გადასახადს, რომელიც კომლზე ორი აბაზის რაოდენობით ყოფილა დაწესებული¹⁰⁰. საკომლო როგორც ცალკე გადასახადი, იხსენიება მე-19 საუკუნეშიც. ამ ხანისათვის ეს გადასახადი იკრიფება როგორც ნატურით (სურსათ-წანოვანით), ისე ფულად¹⁰¹.

სამასპინძლო გვიანფეოდალური საქართველოს გადასახადია. თუ თვით ტერმინ მანსპინძლობას ჩაეუკვირდებით, იგი თავდაპირველად უნდა ყოფილიყო არა გადასახადი, არამედ გარკვეული და-

⁹⁷ Акты К. А. К. У. № 327, стр. 266.

⁹⁸ დოკუმენტები საქართველოს სოციალური ისტორიიდან, 1, ნ. ბერძენიშვილის რედ., თბილისი, 1940, № 7, გვ. 6—7.

⁹⁹ საქართველოს სიძველენი, III, № 311, გვ. 296.

¹⁰⁰ იქვე.

¹⁰¹ Акты К. А. К. У., № 327, стр. 266.

შოკიდებულების სახე, რომელიც შემდგომში გადასახადად იქცა. აკად. ნ. ბერძენიშვილი მანსპინდლობას სოციალურ ვალდებულებად თვლის: „За период времени X—XIII веков, в эпоху быстрого развития феодального хозяйства, этот слой непосредственных производителей (თავისუფალი ერი) в борьбе со все более усиливающимися крупными азнаурами терпит жестокие экономические стеснения, становится все более и более неспособным нести сословные обязанности (ухождение патрона, служение и война) и постепенно переходит в ряды „гlexи“ (крепостные, барщинники, оброчники)“¹⁰².

„დასტურლამალი“ სამასპინდლოს იცნობს როგორც ბატონის გამასპინდლებას—ბატონისათვის გაწეულ სამსახურს, აგრეთვე როგორც გადასახადს. „სამასპინდლოს შეწერის წიგნში“ ვკითხულობთ: „თუ ბატონი ზემო ქართლში წაბრძანდეს, ვინც არ დაჰპატიებებს და ან სამასპინდლოს არ მიართმევს, მოხელენი სამასპინდლოს შეაწერენ“¹⁰³. სამასპინდლო იკრიფებოდა ნატურით (სხვადასხვა პროდუქტები: პური, ქერი, საქონელი) და ფულითაც. იგი ზოგ შემთხვევაში განსაზღვრული იყო, ზოგჯერ კი შეძლების მიხედვით იყო შეწერილი. „როდესაც ბატონი თრიალეთზედ მიბრძანდების, გამასახლისს მსახურს და გლეხს შეძლებით სამასპინდლო“¹⁰⁴. მაგრამ იმავე დასტურლამალის მიხედვით ბოლნისისათვის სამასპინდლო უკვე განსაზღვრული და დაწესებული იყო¹⁰⁵.

მე-19 საუკუნის დამდეგისათვის სამასპინდლო, აგრეთვე სააღდგომო, საშობაო და ძღვენი გადასახადებად არის ცნობილი. რუსული მმართველობის დროს ისინი სხვა სახელმწიფო გადასახადებთან ერთად იკრიფება ხაზინის სასარგებლოდ.

კავკასიის არქეოგრაფიული კომისიის მიერ შეკრებილი აქტების მიხედვით, საქართველოს მოსახლეობაში ხაზინის სასარგებლოდ იკრიფებოდა გადასახადი შევარდენი „Служащих... суть денежные подати с горских народов, вместо разных в натуре собиравшихся при царях грузинских вещей и жизненных припасов“¹⁰⁶. როგორც სამსპინდლო, ისევე შევარდენი, თავდაპირველად გადა-

¹⁰² Н. Бердзенишвили. Очерк из истории развития феодальных отношений в Грузии (XII—XVI. вв.). Тбилиси, 1938, გვ. 1.

¹⁰³ დასტურლამალი, პ. უმიკაშვილის გამოც., თბილისი, 1886, გვ. 73.

¹⁰⁴ იქვე, გვ. 35.

¹⁰⁵ იქვე, გვ. 17.

¹⁰⁶ Акты К. А. К. IV, № 34, стр. 35; № 327, стр. 266.

სახადი არ იყო. ამ გადასახადს თუ ჩაუკვირდებით, იგი იყო ყმის პირადი შოვალეობა ბატონის მიმართ. დასტურლამალი შევარდენს იცნობს როგორც გარკვეულ სამსახურს, რომელიც ზოგიერთმა სოფელმა მეფეს უნდა გაუწიოს. იქ ჩამოთვლილია სოფლები, რომლებსაც შევარდნების ბუდეები აბარია და მათი მოვლა ეკისრებათ. ზოგიერთ მხარეს (კლდეკარს, ჯავახეთს...) ევალებათ მეფეს ორი შევარდენი მიართვან.

ეს სამსახური შემდეგ როგორ სახეს იღებს, ამის შესახებ ჩვენ ცნობები არ მოგვეპოვება. მე-19 საუკუნეში შევარდენი უკვე გადასახადია და სახელმწიფო ხაზინისათვის იკრიფება.

საქვრიეო ბატონყმური გადასახადი იყო. იგი ბატონის სასარგებლოდ გლეხის ქვრივის წამყვანს უნდა გადაეხადა. „დასტურლამალში“ აღნიშნულია: „ახალს მოსულის კაცისათვის: საქვრიეო ხარი ბატონისა არის“¹⁰⁷. ანალოგიურად იხდიან აგრეთვე დურნუკის მცხოვრებლებიც. აღეკის ბატონის გამოსაღების წიგნში საქვრიეო ბატონის გამოსაღებად ერთი ძროხა ყოფილა¹⁰⁷. მაგრამ საქვრიეო მარტო საქონლით არ გადაიხდებოდა. წიგნში „თრიალეთის რიგისა და გამოსაღებისა საბატონოსა და სამოხელეოსათვის“ ვკითხულობთ: „საქურიო აბაზი“¹⁰⁸. ამასთანავე აღსანიშნავია ერთი გარემოება, რომ ქვრივი თუ საღმე სხვა ადგილას (ტერიტორიალურად) გათხოვდებოდა, მაშინ მისი მთხოვნელი გადასახადს ანუ საზღაურს იხდიდა ბატონის სასარგებლოდ, ხოლო „სოფლის კაცმან რომ ქვრივი წაიყვანოს, ხარი არა სძეს, და თუ გარეშემომ წაიყვანოს, ხარი სძეს“-ო¹⁰⁹.

ასეთივე სახის გადასახადი იყო საჩექმეც, რომელიც გლეხის ქალის გათხოვებისათვის იკრიფებოდა ბატონის სასარგებლოდ. „დასტურლამალის“ მიხედვით, საჩექმე ფულად გადასახადად ჩანს. „თრიალეთის რიგისა და გამოსაღებისა საბატონოსა და სამოხელეოსათვის“ ვკითხულობთ: „საჩექმე ორი შაური“, ან კიდევ „დურნუკის მოურავისათვის“: „საჩექმე სამი აბასი“¹¹⁰. ფულის რაოდენობა ფაქტიურად ორსავე შემთხვევაში ერთიდაიგივეა. გვიანფეოდალურ საქართველოში, როგორც მთელი რიგი საბუთები მიგვითითებს, ორივე გადასახადი იკრიფებოდა ბატონის სასარგებლოდ. ხოლო სამეფო გლეხები მეფეს უხდიან საქვრიეოსა და საჩექმეს.

¹⁰⁷ დასტურლამალი, გვ. 10, 7, 25.

¹⁰⁸ იქვე, გვ. 36.

¹⁰⁹ იქვე, გვ. 18.

¹¹⁰ იქვე, გვ. 36, გვ. 25.

.ბატონყმური რიგის გადასახადებია: სააღდგომო, საშობაო და ძღვენი. სააღდგომო—ბატონისათვის აღდგომას შირთმეული საჩუქარია. ასევეა საშობაოც, მაგრამ არც ერთი და არც მეორე გვიანფეოდალურ საქართველოში წმინდა ნებაყოფლობაზე აღარ არის დამოკიდებული. „დასტურლამალში“ უკვე დაწესებული და შეტანილია, თუ ვის რა უნდა გადაეხადა როგორც აღდგომას, ისე შობას ბატონის ანუ, ამ შემთხვევაში, მეფის სასარგებლოდ. სააღდგომო, როგორც გადასახადის სახე, ერთხელ და სამუდამოდ დაცანონებული არ არის. ზოგ სოფელში იგი ნატურით იკრიფება (აღეკში, ატენში, ბოლნისში, დილომში, კავთისხევეში და სხვ.)¹¹¹. მაგრამ არის შემთხვევა, როცა მას ფულადი სახითაც კრეფენ. მაგალითად, დურნუქის მოურავის სარგოს წიგნში ვკითხულობთ: „სააღდგომით ერთი...შაური“.¹¹¹. გვაქვს შემთხვევები საშობაოს ფულადი სახით მოკრეფისაც, მაგრამ აქაც ნატურალური სახე სკარბობს.

ასეთივე სახის გადასახადად იხსენიება ძღვენი. იგი თავისთავად ნებაყოფლობით საჩუქრის შირთმევას გულისხმობს, მაგრამ გვიანფეოდალურ საქართველოში უკვე გადასახადის სახითაც გეხედება¹¹². აღდგომას და შობას ყმა თავის ბატონს ძღვენს მიართმევდა. ძღვენი საბუთებში უამღლესასწაულებოდაც იხსენიება¹¹³. ზემოდასახელებული სამივე გადასახადი პირადი დამოკიდებულების აღმნიშვნელი გადასახადებია და არა ეკონომიური სახისა. მაგალითად, 1782 წლის ერთ-ერთ თავდახსნილობის წიგნში ვკითხულობთ: „... რომე პაპაშენი ჩემს აზნაურიშვილს ყულიაშვილთან მისულიყო და იმის მამულში მდგარიყო. არც ყმობდა, არც ხარჯი და მალი დაედო, მაგრამ იმის ხელათ მდგარიყო და როგორც მოსულის კაცის წესი არის შობასა და აღდგომას ძღვენი მოერთმივა“¹¹⁴.

ხშირი იყო აგრეთვე შემთხვევა, როცა ბატონისაგან წასული გლეხი, ან გათარხნებული, თავის ძველ მებატონეს უხდიდა თავის პირად მოვალეობებს, ახალ მებატონეს კი წმინდა ეკონომიური სახის გადასახადებს, ე. ი. იმას, რაც მიწით სარგებლობისათვის საეაღდებულო გადასახადს წარმოადგენდა¹¹⁵.

¹¹¹ დასტურლამალი, გვ. 8, 18, 26, 45.

¹¹² საქართველოს სიძველენი, III, № 20, გვ. 20.

¹¹³ დოკუმენტები საქართველოს სოციალური ისტორიიდან I, № 24, გვ. 20.

¹¹⁴ საქართველოს სიძველენი, III, № 20, გვ. 20.

¹¹⁵ დოკუმენტები საქართველოს სოც. ისტორიიდან, I, № 24, გვ. 20.

სახელმწიფო გადასახადებს კრფდნენ მეფის მოხელენი: სახლთხუცესი, მოურავები, მდივნები და გადასახადის ამკრეფი სპეციალური მოხელეები: მეკოდისპურე, მებალახე და სხვ., რომლებიც ამისათვის გასამრჯელოს თვით ამ გადასახადიდან შემოსული შემოსავლიდან იღებდნენ. აგრეთვე აღსანიშნავია, რომ ეს მოხელეობა ხშირად მემკვიდრეობითი ხასიათისა იყო. მოხელეობის ეს წესი მე-19 საუკუნეში, რუსული მმართველობის აქ შემოღების შემდეგ, დაირღვა, რაც ცენტრალური ხელისუფლების გაძლიერებით უნდა აიხსნას.

მე-19 საუკუნის დამდეგისათვის საქართველო წარმოადგენდა ტიპურ ფეოდალურ ქვეყანას, სადაც ბატონყმობა სოციალური ურთიერთობის ძირითადი სახე იყო. ბატონყმობის დასაცავად მოქმედებდა იმდროინდელი მთელი სამმართველო აპარატი, კანონმდებლობა და სხვ.

ბატონყმური მეურნეობა საქართველოში, ისევე როგორც სხვა ქვეყნებში, ხასიათდება ნატურალური მეურნეობის ბატონობით. გადასახადების დიდი უმრავლესობაც ნატურის სახით იკრიფება. რასაკვირველია, ამ დროს საქართველოში ჩვენ ვხვდებით ფულადი სახის გადასახადებსაც, მაგრამ მცირე რაოდენობით. გადასახადები, არა მარტო წმინდა ბატონყმური დამოკიდებულების სახისა, არამედ თვით სახელმწიფოს სასარგებლოდ მოკრეფილიც (სურსათი, კოდის-პური), ნატურის სახით იკრიფებოდა. მემამულის მიწით სარგებლობისათვის გლეხი ვალდებული იყო მემამულისათვის გადაეხადა გარკვეული გადასახადები. გარდა იმ გადასახადებისა, რომლებსაც ეკონომიურად ფეოდალისაგან დამოკიდებული გლეხი იხდის ბატონის სასარგებლოდ, გლეხი ვალდებულია მებატონისავე სასარგებლოდ გასწიოს მუშაობა—დამუშაოს მისი ბღვენახები და სხვ., მართვას ბატონს ძღვენი, რომელიც უკვე გადასახადად ქცეულა, გადასახადის სამასპინძლო, სააღდგამო, საშობაო მოვალეობანი თანდათან იზრდება. „Тави бегара (главный, древний; первоначальный оброк), который несколько раз возрос против первоначального, теперь, в XV веке (მით უმეტეს ეს ითქმის XVIII საუკუნის მიწურულზე—ლ. გ.), составляет одну и то лишь меньшую часть всех крестьянских платежей феодалу. Наряду с „тави бегара“ крепостной платит бесконечно разные платежи, подводимые под общий термин „схуаи бегара“ (иной, другой, добровольный оброк), приносит „дары“ (все растущие виды обязательных приношений) и „помощь“ в дни несчастья или в дни счастья

„ბათონი“ (გოსპოდინა), несёт разные службы и барщину, которая с нескольких дней в году выросла до „работы постоянной“ („ниадаგ მუშაობა“) ¹¹⁶. გადასახადის გადიდების მიზნით მებატონე ადიდებს საწყაოსაც. გლეხი მებატონისაგან პირადად სულ უფრო და უფრო ხდება დამოკიდებული. უამისოდ მებატონე ვერ აიძულებდა გლეხს გაეწია სხვადასხვა სახის სამუშაოები თავის სასარგებლოდ. ფეოდალურ საქართველოში გადასახადების მთელი სიმძიმე ძირითადად გლეხობას აწევა. გარდა საქუთარი მებატონისა, გლეხობას ექსპლოატაციას უწევს სახელმწიფო და ეკლესია. „სახელმწიფო არის კლასობრივ წინააღმდეგობათა შეუჩინებლობის პროდუქტი და გამონატულება“ ¹¹⁷. ასევე იყო ფეოდალური საქართველოც. როგორც გვიანფეოდალური საქართველოს კანონმდებლობა, ისე იმდროინდელი სოციალ-ეკონომიური საბუთების დიდი უმრავლესობა ამ სოციალური ბრძოლის ანარქულს წარმოადგენს. გლეხების აყრა-გაქცევა, გაბოგანობა, ფირალობა-ყაჩაღობა და სხვა სოციალური მომენტებია და ქვეყნის ეკონომიურ პირობებთან დაკავშირებით უნდა განვიხილოთ.

თითოეულ გადასახადთან დაკავშირებით ჩვენ აღვნიშნეთ, რომ ზემოთ განხილული გადასახადებიდან მე-19 საუკუნის დამდეგისათვის საქართველოში ხაზინის სასარგებლოდ გადასახადებს იხდიდნენ, როგორც სახელმწიფო, ისე საბატონო, და საეკლესიო გლეხები. სახელმწიფო გადასახადებს იხდიდნენ ქალაქის მცხოვრებლებიც და ელის მოსახლეობაც. ზემოთ განხილულ გადასახადთაგან მე-19 საუკუნის დამდეგიდან საქართველოში გადასახად სურსათს იხდის მთელი მიწათმოქმედი საზოგადოება ხაზინის სასარგებლოდ (ელის მცხოვრებთა გარდა). კოდის-პური მე-19 საუკუნის დამდეგისათვის ნხოლოდ სახაზინო გლეხებზე დაკისრებულ სახაზინო გადასახადად ჩანს. გარკვეულ მეურნეობასთან დაკავშირებული სახელმწიფო გადასახადებია მალი და მახტა, რომლებსაც ქალაქის მცხოვრებნი იხდიან. პურადი სახის მახტა საქართველოს მუსულმანურ საზოგადოებაზე დაკისრებული სახელმწიფო გადასახადია. რაც შეეხება გადასახადებს ლალას, კულუხსა და საბალახეს—ისინი უშუალოდ მიწით სარგებლობასთან დაკავშირებით იკრიფება მიწის მფლობელის სასარგებლოდ. ჩვენს მიერ აღე-

¹¹⁶ Н. Бердзенишвили, Очерк из истории развития феодальных отношений в Грузии (XIII—XVI вв.), თბილისი, 1938, გვ. 11.

¹¹⁷ ლენინი, სახელმწიფო და რევოლუცია, თბზ., ტ. 25, მე-4 გამოცემა, 1952, გვ. 472.

ბულ შემთხვევაში სახელმწიფო იგივე ფეოდალის როლში გამოდიოდა. სახაზინო გლეხები სახელმწიფო მიწით სარგებლობისათვის ხაზინას უხდიდნენ ღალას, კულუსსა და საბალახეს, ფეოდალის მიწით სარგებლობისათვის კი—ფეოდალს. ამ დროისათვის მრავალ მოვალეობას ბატონის მიმართ უკვე გადასახადის სახე მიუღია. ასეთებია: სააღდგომო, საშობაო, ძღვენი, შევარდენი, ნაბადი, სამასპინძლო. ბატონყმური რივისაა საქვრივე და საჩექქმო; ყველა ამ გადასახადს გლეხები საკუთარ ბატონს უხდიან, ხოლო სახაზინო გლეხები—ხაზინას. ამრიგად, თანდათან იზრდება გლეხის მოვალეობანი სახელმწიფოსა და მებატონის წინაშე. ეს მოვალეობანი თანდათან დაკანონებულ ხასიათს იღებენ.

მიწის ფეოდალური საკუთრება იყო იმის მიზეზი, რომ გლეხი თავის ნაკვეთს პრიმიტიული იარაღით ამუშავებდა—რაც ბატონყმური მეურნეობის ერთ-ერთი პირობაა. ამასთანავე მხედველობაში უნდა მივიღოთ ფეოდალთა ძალადობა ამ მწარმოებელი ფენის—გლეხთა მიმართ. ყოველივე ამას ემატებოდა საგარეო საფრთხე—მტრების გამუდმებული თარეში, რის შედეგადაც მოსახლეობის რაოდენობა საგრძნობლად შემცირდა. განსაკუთრებით გლეხობა ნადგურდებოდა. ყოველივე ეს ძირს უთხრიდა ქვეყნის ეკონომიურ კეთილდღეობას. გარკვეულ მტრების მძლავრობა და თავადურ-ბატონყმური სისტემა ერთიმეორეს ავსებდა და ერთიმეორეს გულისხმობდა¹¹⁸. მიუხედავად ამისა, „რაგინდ დაჩიხული იყო ქვეყანა, რაგინდ უმოდრაო ჩანდა ქართული ფეოდალური საზოგადოება, შიგადაშიგ, ხან იქ, ხან აქ მაინც თავს იჩენდა წინსვლის ნიშნები. ბრძოლის სარბიელზე გამოდიოდა პროგრესული ფენა, რეაქციის წინააღმდეგ ქვეყნის ძალთა მობილიზაციას ცდილობდა და საგარეო მემველ ძალას თავისთვის გაფაციცებით ეძებდა“¹¹⁹. ასეთ მემველ ძალად მხოლოდ რუსეთი ჩანდა.

¹¹⁸ ნ. ბერძენიშვილი, საქართველოს რუსეთთან შეერთების ისტორიული მნიშვნელობისათვის, „მნათობი“, 1954, № 6, გვ. 137.

¹¹⁹ იქვე, გვ. 138.

შესავალი

საზოგადოებრივ ურთიერთობაში ბეგარა-გადასახადების საკითხს მნიშვნელოვანი ადგილი უჭირავს. იგი ეკონომიკის ნაწილია. ეკონომიური საფუძველი, ეკონომიური ბაზისი ყოველ საზოგადოებაში ქმნის ზედნაპენს—სახელმწიფოს, პოლიტიკურ დაწესებულებებს, იღებებს, თეორიებს. ამიტომ მმართველობისა და წყობილების ყველა საკითხი, კლასთა ბრძოლის საკითხი თავისი გამოხატულების ერთ-ერთ სახეობას ბეგარა-გადასახადებში პოულობს.

ბეგარა-გადასახადების შესწავლა საშუალებას გვაძლევს გავარკვიოთ ის ეკონომიური საფუძველი და გარემოეკონომიური იძულება, რომელიც ავალდებულებს გლეხს ბეგარა-გადასახადები იხადოს: მემამულის, სახაზინო გლეხს—ხაზინის, ხოლო საეკლესიო გლეხს—ეკლესიის სასარგებლოდ. სოციალურ-ეკონომიური ურთიერთობის გამოხატულება ნათლად ჩანს ბეგარა-გადასახადებში. თვით ხალხებსა და სახელმწიფოებს შორის ურთიერთობის პოლიტიკური ფორმის დასადგენადაც ამ საკითხის შესწავლას გარკვეული მნიშვნელობა ენიჭება.

ბეგარა-გადასახადების საკითხი საქართველოში ჯერ კიდევ სათანადოდ დამუშავებული არ არის, თუმცა ამ საკითხს თავიანთ შრომებში ეხებოდნენ როგორც რევოლუციამდელი ისტორიკოსების გარკვეული ნაწილი, ისე საბჭოთა მეცნიერები. ეს ისტორიკოსები არც ისახავდნენ მიზნად საქართველოში ბეგარა-გადასახადების საკითხის სპეციალურად შესწავლას.

რევოლუციამდელი ისტორიკოსების შრომებიდან აღსანიშნავია ს. ავალიანის ნაშრომი: „Крестьянский вопрос в Закавказье“. ავტორის მიზანს შეადგენდა საერთოდ გლეხთა მდგომარეობის გარკვევა და ამდენად მას შეჩერება უხდებოდა ბეგარა-გადასახადების საკითხზეც. ავტორს მოკლედ აქვს აღწერილი ვალდებულებანი, რომლის მოხდაც გლეხს ევალებოდა.

უფრო ვრცლად ზემოაღნიშნულ საკითხს შეეხო დ. ფურცელაძე ნაშრომში: „О крепостном состоянии в Грузии“, მაგრამ ავტორი უმთავრესად ყმა გლეხებზე დაწესებულ ბეგარა-გადასახადებს ეხებოდა. საყურადღებოა ალ. ფრონელის შრომები: „მთიუ-

თ ა ვ ი მ ე ს ა მ ე

ბეზარა-ბადღესახადები და საბადესახადო სისტემა მე-19 საუკუნის 40-იან წლებამდე აღმოსავლეთ საქართველოში

რუსეთთან საქართველოს შეერთების შემდეგ ახლადშექმნილ-
მა რუსულმა მმართველობამ თავდაპირველად უცვლელად დატოვა
საქართველოში მანამდე არსებული გადასახადები. ბატონყმური
რიგის გადასახადებიც (მეფის, როგორც ფეოდალის გადასახადები),
რომლებიც ამ დრომდე არსებობდა საქართველოში, ძალაში დარჩა.
ძღვენი, სალდგომო, საშობაო და სხვ. რუსული მმართველობის შე-
მოღების შემდეგაც იკრიფება. რუსი მოხელეები მხოლოდ მათ გამოორ-
კვევასა და აღწერას აწარმოებდნენ. საყურადღებოა შემდეგი გა-
რემოება: მიუხედავად იმისა, რომ სახელეტი გადასახადებისა მე-19
საუკუნის 40-იან წლებამდე არსებითად უცვლელი დარჩა, ახლად-
შექმნილმა პირობებმა გავლენა იქონია ბეგარა-გადასახადებზე.

XIX საუკუნის დამდეგიდან რუსეთი დიდ გავლენას ახდენს სა-
ქართველოს სოციალ-ეკონომიურ თუ კულტურულ ვითარებაზე. თუმ-
ცა რუსეთი თვით ფეოდალური სახელმწიფო იყო, მაგრამ სოცია-
ლურ-ეკონომიური განვითარების თვალსაზრისით იგი ბევრად უფ-
რო მაღლა იდგა, ვიდრე საქართველო. რუსეთში მე-19 საუკუნის
დამდეგისათვის ვითარდება კაპიტალისტური წარმოება. კაპიტალის-
ტურ საწარმოთა რიცხვი იზრდებოდა, ამ საწარმოებში კი სულ
უფრო მეტად ხდებოდა თავისუფალი სამუშაო ძალის გამოყენება.
საზღვარგარეთიდან შემოჰქონდათ და ადგილობრივაც ამზადებდნენ
ამ საწარმოთათვის სამუშაო მანქანა-იარაღებს¹. მე-19 საუკუნის
პირველ ნახევარში რუსეთში კაპიტალისტური მანუფაქტურების
რიცხვი თანდათან იზრდებოდა. ცვლილებები ეტყობოდა სოფლის
მეურნეობას. იყო ცდები შეეცვალათ მიწათმოქმედების თავდაპირ-

¹ История СССР, т. II, Москва, 1954, гл. 8—9.

ველი წესი. გავრცელდა ახალი კულტურები. ზოგან სოფლის მეურნეობაში თავისუფალ მუშახელს იყენებდნენ². ყმობიდან განთავისუფლების მსურველი გლეხობა დიდ თანხას უხდიდა მებატონეს. განთავისუფლებული გლეხები უმთავრესად საწარმოებში იყრიდნენ თავს, იზრდებოდა დაქირავებულ მუშათა რიცხვი.

მე-19 საუკუნის დამდეგისათვის, კაპიტალიზმის ჩასახვასა და განვითარებასთან დაკავშირებით, რუსეთში იზრდება მოთხოვნილება ფულზე. ჯერ კიდევ ეკატერინე II დროს ფულადი ღალა ერთიორად გადიდდა. ბეგარა-გადასახადების დიდი უმრავლესობა ფულადი იყო, რაც სასაქონლო-ფულადი მეურნეობის ზრდას მოწმობს.

საქართველო, როგორც აღვნიშნეთ, ამ მხრივ ბევრად ჩამორჩებოდა რუსეთს. მე-18 საუკუნეში საქართველოში სოციალურ-ეკონომიური განვითარებისათვის შექმნილი არ იყო სათანადო პირობები. საგარეო საფრთხე, რომლისაგანაც საქართველო თავს ვეღარ იცავდა, დიდ გავლენას ახდენდა ქვეყნის შინაგან განვითარებაზე. რუსეთთან საქართველოს შეერთებიდან მე-19 საუკუნის 30-იან წლებამდე წარმოებული ომებიც დიდად აფერხებდა ქვეყნის სოციალურ-ეკონომიურ წინსვლას. ომების წარმოება კი აუცილებელი იყო იმისათვის, რომ საქართველო ირან-ოსმალეთისა და მტრულად განწყობილი სახანო-საფაშოების რბევა-აწიოკებისაგან დაცული ყოფილიყო და ნორმალური პირობები შექმნილიყო ქვეყნის განვითარებისათვის. ყველა ზემოჩამოთვლილი მიზეზის გამო კაპიტალისტურმა ელემენტებმა მე-19 საუკუნის 30-იან წლებამდე თითქმის ვერ პოვეს სათანადო განვითარების საშუალება. მეურნეობის გაბატონებული ფორმა ნატურალური მეურნეობა იყო. ბეგარა-გადასახადების უმრავლესობაც მე-19 საუკუნის 40-იან წლებამდე ძირითადად ნატურის სახით იკრიფებოდა. უყენებს რა თავის მოთხოვნილებებს საქართველოს, რუსეთი ცდილობს გადასახადი თავისი ინტერესების შესაბამისად აკრიფოს. ამის გამო რუსული სამმართველო აპარატი დიდ ყურადღებას აქცევს ბეგარა-გადასახადებს. იგი სხვადასხვა ღონისძიებებს მიმართავს: იკვლევს გადასახადების რაობას, რაოდენობასა და მოცულობას, ამოწმებს ხალხის აღწერის დაეთრებს, ხელახლა აღწერს გადასახადების გადამხდელ მოსახლეობას, ცდილობს მისცეს ამ გადასახადებს სახელმწიფოსათვის ხელსაყრელი სახე. შექმნილი ახალი ვითარება გავლენას ახდენს ბეგარა-გადასახადებზე. ამდენად მე-19 საუკუნის პირველი ნახევრის მან-

² სსრ კავშირის ისტორია, II, პანკრატოვას რედ., თბილისი, 1954, გვ. 76.

ძილზე ჩვენ ვხედავთ ზოგიერთ ცვლილებას ბეგარა-გადასახადებში. თავდაპირველად იცვლება მათი დანიშნულება, ხოლო ამასთან დაკავშირებით მათი სახეც. რასაკვირველია, ეს პროცესი ხდება თანდათანობით, დროისა და პირობების გავლენით. ზოგი გადასახადის სახელწოდება მთლიანად უქმდება (მაგ. მალის); გარკვეულ შემთხვევაში გაუქმებულ გადასახადს სახელმწიფო სხვა სახის გადასახადით ინაზღაურებს, გაუქმებული გადასახადის ხარჯზე აღიდებს მეორე გადასახადის მოცულობას. ამრიგად, ერთ სახელწოდებაში აერთიანებს ორი სახელწოდების გადასახადს და ინაზღაურებს გაუქმებული გადასახადის თანხას. საქართველოში მეფობის გაუქმების შემდეგ ბეგარა-გადასახადებიდან მიღებული შემოსავალი, სხვა სახელმწიფო შემოსავალთან ერთად, საქართველოს უმაღლესი მთავრობის სახელმწიფო-სახაზინო ექსპედიციას გადაეცა. ახლადშემოღებული მმართველობა ცდილობს გადასახადები ან ფულადი სახით იქნას აკრეფილი ან პურეულით (ნატურალური გადასახადებიდან მხოლოდ პურადი გადასახადების დატოვება იყო სასურველი). საკლავი, ღვინო და სხვადასხვა პროდუქტები არ გამოადგება ახალ ხელისუფლებას. ეს პროდუქტები კი, როგორც ვიცით, შედიოდა ზოგიერთ გადასახადში, როგორც იყო: ღალა, კულუხი, საბალახე, ძღვენი, სალდგომო, საშობაო და სხვ. სახელმწიფო ცდილობს ამ გადასახადებს ფულადი სახე მისცეს.

შექმნილი საგარეო და საშინაო პირობების გამო ბეგარა-გადასახადების საკითხი, ისევე როგორც სამოქალაქო მმართველობის აპარატი, ამ დროს თითქმის სამხედრო უწყებისადმი იქნა დაქვემდებარებული. ჯარის გამოსაკვებად სახელმწიფოსათვის საჭირო იყო პური. ამიტომ პურად გადასახადებს რუსული სამმართველო აპარატი უცვლელად ტოვებს. მთავრობას თავიდანვე კურსი აღებული ჰქონდა იქითკენ, რომ ბეგარა-გადასახადები ან ფულადი სახით ან პურეულით აკრეფილიყო. „Сборы государственные в казну, и особенно царскому дому прежде принадлежавшие, привезть в такое положение, чтобы все то, что кроме хлеба натурой прежде собиралось, обращено могло быть в сбор хлебный по мере надобности онаго к продовольствию войск, а остаток расчислить в подать денежную“, ვკითხულობთ 1801 წლის 12 სექტემბრის ბრძანებულებაში³. ამასვე ადასტურებს მთავარმართველ კნორინგის უქვეშევრდომლესი მოხსენება იმპერატორისადმი⁴.

³ Акты КАЗ., I, № 548, გვ. 434.

⁴ Акты КАЗ., I, № 543, გვ. 427.

პურეულით აკრეფილ გადასახადებს განსაკუთრებული მნიშვნელობა ენიჭება. გადასახადები შთლიანად ხმარდება ჯარის მომარაგებას. იმ გადასახადებს გარდა, რომლებიც ჩვეულებრივ იკრიფებოდა, მთავრობა მოსახლეობისაგან მცირე ფასებში იძულებით ყიდულობდა პურს. საქართველოში არსებული პურადი გადასახადები და იძულებითი შესყიდვით აკრეფილი პური ამერიკაეკვასიაში მდგომი ჯარის გამოსაკვებად იყო განკუთვნილი. ჯარის გამოკვება ადგილობრივ მკვიდრთ უჭირდათ. ამ მოთხოვნილებასთან დაკავშირებით იკვლევდა რაღაც გადასახადები, ირღვეოდა ძველთაგანვე დაკანონებული წეს-ჩვეულებები, რომელთა ახლით შეცვლა მრავალ სიძნელესთან იყო დაკავშირებული. ამ სიძნელეების გადალახვა ძირითადად საქართველოს მწარმოებელი ფენის ხარჯზე ხდებოდა.

ბეგარა-გადასახადებში საგრძნობ ცვლილებას მე-19 საუკუნის 40-იანი წლებიდან ვხედავთ, როდესაც გატარებულ იქნა საფინანსო რეფორმა, მაგრამ ამ რეფორმას საფუძველი წინა პერიოდმა მოუშადა. ჯერ კიდევ მე-19 საუკუნის 40-იან წლებამდე ვამჩნევთ ერთგვარ ცვლილებას ბეგარა-გადასახადებში. ეს პროცესი თანდათანობით ხდება; იგი ხელს უწყობს, ნიადაგს უმზადებს მე-19 საუკუნის 40-იანი წლების საფინანსო რეფორმას, რომელიც სახელმწიფო გადასახადებში ფულადი რენტის გაბატონებას გულისხმობდა.

გადასახადი სურსათი, როგორც ჩვენი ნაშრომის პირველ თავში იყო განხილული, საქართველოში მე-18 საუკუნიდან არის შემოსული და დაკანონებული. მე-19 საუკუნიდან ამ გადასახადის მნიშვნელობა იცვლება. ამ დროიდან სურსათი აღარ წარმოადგენს იმ „სურსათს“, ანუ „პროვიანტს“, რომელიც ჯარის საკვებად იყო განკუთვნილი. თვით სახე „სურსათის“ გადასახადისა ხელუხლებლად იქნა დატოვებული. იგი იკრიფება ისევე, როგორც პურეულზე დადებული სხვა სახელმწიფო გადასახადები, მაგრამ განსხვავება წინანდელ სურსათსა და მე-19 საუკუნის სურსათს შორის ის არის, რომ მარტო სურსათის გადასახადი კი არა, იგივე კოდის-პური, ყალანი, ლალა და პურეულზე დადებული ყველა სხვა გადასახადი ჯარის გამოსაკვებად არის განკუთვნილი. ზემოჩამოთვლილს ემატებოდა მთავრობის მიერ მოსახლეობისაგან იძულებითი ნებაყოფლობით შესყიდული პურეული. აკრეფილი პურის ეს რაოდენობა ჯარის საკვებად იყო განკუთვნილი და „პროვიანტის“ ცნებაში შედიოდა. „პროვიანტი“ აღარ წარმოადგენს ქართული „სურსათის“, ანუ ერთ-ერთი გადასახადის სინონიმს, რასაც ჩვენ მე-18 საუკუნის მიწურულში და მე-19 საუკუნის დამდეგს ვხედავთ. მე-19 საუკუნის „სურსათის“ ანუ, როგორც რუსული მმართველო-

ბის დროს მთლიანად ჯარის გამოსაქვევად განკუთვნილ პურს უწოდებდნენ, „პროვიანტის“ ცნება გაცილებით უფრო ფართოა ქართულ „სურსათთან“ შედარებით. სურსათის გადასახადი, როგორც სხვა ცალკე აღებული გადასახადი, დატოვებულ იქნა რუსული მმართველობის შემოღების შემდეგ და სხვა გადასახადებთან ერთად „პროვიანტი“ შედიოდა. მე-19 საუკუნიდან მართო სურსათით აკრეფილი შემოსავალი აღარ აკმაყოფილებდა გაზრდილ მოთხოვნილებას.

როგორც საქართველოს სამეფოს გაუქმებამდე, ისე რუსული მმართველობის შემოღების შემდეგ, სურსათი ნატურით—ხორბლეულით იკრეფებოდა. კომლზე ორი კოდი პური და ერთი კოდი ქერი იყო დაწესებული⁵.

როგორც საბუთებიდან ჩანს, გადასახადი სურსათი საყოველთაო იყო. მას იხდიდნენ სახელმწიფო, საბატონო და საეკლესიო გლეხები. ჩვენ მოგვეპოვება 1802 წლის ნუსხა, სადაც ჩამოთვლილია სურსათის გადახდელი ქართლ-კახეთის გლეხობა. აქვე არიან შულავერის, შამშადილისა და ბამბაკის მცხოვრებლები, რომლებიც სურსათის გადასახადს გარდა იხდიდნენ აგრეთვე გადასახად მახტას—პურითაც და ფულითაც. სურსათს იხდის ელის მოსახლეობაც. მთლიანად აკრეფილი სურსათის რაოდენობა 1802 წლისათვის ქართლში 23351 კოდი ყოფილა, ხოლო კახეთში 16542 კოდი. მუსლიმანი მოსახლეობის ნაწილი სურსათს იხდის ფულით. საბუთი (ნუსხა) მნიშვნელოვანია ჩვენთვის, რადგანაც იგი შედგენილია ეგნატე თუმანიშვილის (თუმანიოვის) მიერ, რომელიც საქართველოს მეფის კარზე მდივანბეგად იყო და 1801 წელს კნორინგის მიერ დროებით შეყვანილ იქნა მმართველობის აპარატში. სამწუხაროდ, საბუთში მოყვანილი არ არის კომლთა რაოდენობა და მათზე დადებული გადასახადი, მხოლოდ დასახელებულია რომელი ფეოდალის გლეხებს რამდენი უნდა გადაეხადათ. ამ საბუთის შემდგენელი დაინტერესებული იყო იმით, თუ რამდენი კოდი პური უნდა აკრეფილიყო ხაზინის სასარგებლოდ. გადასახადი, როგორც აღეკიშნეთ, ასეა დაკანონებული—ორი კოდი პური და ერთი კოდი ქერი კომლზე, მაგრამ რამდენი კომლია გადახდელი, ვინ იხდის, ამაზე საბუთში არაფერია ნათქვამი. მუსლიმანურ პროვინ-

⁵ საქ. ე. ს. ს. ა., ფ. 16, საქ. № 33, № 31, გვ. 26, ფ. 254, საქ. № 184, 312, გვ. 124, 476, გვ. 8—10.

ციებში ეს გადასახადი დაწესებულ-დაკანონებული ყოფილა საერთოდ პოელ საზოგადოებაზე.

მოგვყავს ეს ნუსხა.

Выписка о подати, собираемой с Карталинии и поступившей действительно в казну под названием Сурсат, полагая с каждой семьи по 3 коды—две части пшеницы и одна ячменю.

	Коды
1 С крестьян царевича Юлона. Карталинских, исключая живущих в горах	1080
2 С крестьян царевича Иоанна, и его же дворянских крестьян, исключая горских	840
3 С крестьян царевича Вахтанга, исключая горских	900
4 С крестьян католикосовых и дворян его же	540
5 С крестьян владельца Мухранского и дворян его же	300
6 С общих Амилахваровых и с собственных каждого из них крестьян, равно и с прочих Карталинских князьям, дворянам, царевичам и царицам принадлежащие	3128
7 С Цициановых, Джаваховых, Тархановых владении княжеских и дворянских крестьян	825
8 Сардаря Ивана Орбелианова, родственников его Баратовых вообще с Сомхетии с крестьян, дворянских и некоторых государственных крестьян	591
9 Живущих на Гатехили-хид-земот. Татар и Армян, равно и принадлежащих царицам и царевичам Татарских народов и Елов	1352
10 С Шулаверов сбор той-же подати сверх денежной и хлебной махты	600
11 С казахских татар и армян	9000
12 С шамшадильских татар и армян	3000
13 С бамбакских татар и армян	1500
	итого 23651

С шулаверов вместо правянту требуется было иногда 1000 р. сер., иногда 2000 р. сер. деньги, а иногда более и меве.

ხელს აწერს ეგნატე თუმანოვი (თუმანიშვილი) ⁶.

ასეთივე ნუსხა (იმავე წლის) მოგვეპოვება კახეთიდან აკრეფილი სურსათისა, სურსათის გადასახადი, როგორც ამ საბუთიდან ჩანს, აკრეფილია 1802 წლის მაისიდან ნოემბრამდე:

	Сурсат	Коды
1	С Кизикских вообще	4398
2	Начинная от Гурджана до Карданахи и с владения Андрюшиковых, называя Савачнадзе по ту и по сю стороны	1707
3	От деревни Жимита до деревни Булачаури	2019
4	От деревни Чумлака до реки Тура	2023
5	От деревни Руиспира до деревни Писанета	1770
6	От деревни Матан до деревни Гаваза	2975
7	От татарских кахетинских елов	1650
	итого	16542

ზემომოყვანილი საბუთი მნიშვნელოვანია ჩვენთვის იმ მხრივაც, რომ აქ ჩამოთვლილია სოფლები, საიდანაც აკრეფილია სურსათი, რასაც სხვა საბუთებში ვერ ვხვდებით. საბუთებში ჩვეულებრივად ნაჩვენებია მთელ მაზრაში აკრეფილი გადასახადის საერთო რაოდენობა. ხშირად მოცემულია ამთლიანად აღმ. საქართველოში აკრეფილი პურის რაოდენობა, რომელშიც სურსათს გარდა პურეულით დაწესებული სხვა გადასახადებიც შედის. ჩვენ მიერ მოყვანილ საბუთში, როგორც დავინახეთ, ჩამოთვლილია თითოეული სამფლობელოს მიხედვით გადასახადელი სურსათის რაოდენობა. რუსული მმართველობა, როგორც ჩანს, ცდილობს დააზუსტოს ყმა გლეხებზე დადებული გადასახადების მოცულობა.

ჩვენ მოგვეპოვება უფრო გვიანდელი, 1811 წლის უმაღლესი სახაზინო ექსპედიციის ნუსხა, სადაც ჩამოთვლილია მაზრების მიხედვით მთელი რიგი სოფლები, რომლებშიც მოსახლე ყმა გლეხობას ევალება სურსათის გადახდა. ყველგან, სადაც სურსათის გა-

⁶ საქ. ც. ს. ს. ა., ფ. 16, საქ. № 31, 33; Акты КАК, I, საქ. № 158. სურსათის შესახებ საბუთები გამოქვეყნებულია მასალებში საქართველოსა და კავკასიის ისტორიისთვის, შ. ხანთაძის მიერ, თბილისი, 1955.

დასახადზეა ლაპარაკი, მისი სახე განსაზღვრულია: ორი კოდი პური და ერთი კოდი ქერი კომლზე, სულერთია, იქნება ეს საბაზინო, საბატონო თუ საეკლესიო გლეხი. ამ საბუთის მიხედვით სურსათის გადასახადი აკრეფილა:

	პური	ქერი
	კოდები	
თბილისის მაზრასა და ბორჩალოს დისტანციაში	3531	1765 კოდი 5 ლიტრი
გორში	426	213
გორის მაზრაში	3632	1816
ანანურის მაზრაში	1384	692
თელავში	296	148
თელავის მაზრაში	5638	2819
სიღნაღში	540	270
სიღნაღის მაზრაში	6380	3190
მამშადილის დისტანციაში	2000	1000
ბამბაკში	1000	500
სულ	24827	12413 კოდი 5 ლიტრი

ჩვენ მოგვეპოვება აგრეთვე 1841 წლის საბუთი, რომელშიც იხსენიება როგორც ზემოთ განხილულ საბუთში აღწერილია მაზრების მიხედვით საქართველოს მცხოვრებთაგან აკრეფილი სურსათის რაოდენობა¹.

	პური	ქერი
	კოდები	
თბილისიდან	86	43
თბილისის მაზრიდან	2056	1028
დუშეთის მაზრიდან	1848	924
ბორჩალოს ყოფილი დისტანციადან	4314	2157
გორიდან	432	216
გორის მაზრიდან	4464	2233
თელავიდან	334	167
თელავის მაზრიდან	5450	2725
სიღნაღიდან	590	295
სიღნაღის მაზრიდან	6635	3315
სულ	26209	13153

სათანადო საბუთების შესწავლა ამტკიცებს, რომ მე-19 საუკუნის 40-იან წლებამდე გადასახად სურსათის მოკულობა კომლობრივად უცვლელი რჩება. როდესაც სურსათის სახეს ვეხებით, უნდა აღვნიშნოთ, რომ რუსული მმართველობა ცდილობდა ამ გადასახადისათვის ფულადი სახე მიეცა, მაგრამ ამის განხორციელება

¹ სპ. ც. ს. ს. ა., ფ. 254/99, საქ. № 1498.

ამიერკავკასიაში შექმნილი საგარეო და საშინაო პირობების გამო შეუძლებელი აღმოჩნდა. ჩვენ მოვეუბოვება 1802 წლის „სურსათის“ აკრეფის წესები, რომელთა შემოღებასაც ფიქრობდა მთავარმართებელი პავლე ციციანოვი.

„Правила на сбор в Грузии за 1802 год, под названием сурсат, хлебной подати. 1) Поелику подать сурсат хотя собственно значит сбор для войск провианта, но не есть однакож чрезвычайная или по случаю собираемая, как-то: Салеко (для лезгин), Сарусо (для русских) и проч., одна только из общественных или поголовных податей, всегда собиралась в Грузии на необходимые нужды государственные; то и ныне обращая подать сию на сей же предмет по прежнему положению, по которому вниманию оной подлежат все без изъятия купцы, промышленники, ремесленники, земледельцы и прочие состояния всех племен обитателей Грузинских, кроме Осетинцев и др., в горах живущих... от них вместо хлеба деньгами или скотом либо другими родящимися у них произведениями. 2) Положение Сурсата, по примеру прежних во время правления царей в Грузии постановленный, определяется и ныне с каждого комли, т. е. дыма или семьи, по две коды пшеницы и по одной ячменя, считая коду в 220 стиль. Сверх того накладка саясауло или для сборщиков на каждую коду по одной литре, что составит всего с дымом 3 литры каждая в 22 стилиа, а на российский вес, полагая в фунте $2\frac{1}{2}$ стилиа, причтается всего с дымом 7 пудов то фунт. Более сего при сборе сем никому и ни за что не брѣг и не требовать, под опасением строгого по законам взыскания, а дабы в точности был известен сей установленный вес, розданной печатью вымерки и вивески коде, литре, пуду—и десяти-фунтовку... и т. д....

„...3) Бude сами обыватели какого селения или части онаго в общем счете пожелают, во избежании затруднений в перевозке и отдаче положенного хлеба на своем страхе, вместо того внести в казну деньгами, то сие им позволяется с положением цены по прежнему установлению за каждую коду по 1 рублю, а за литру в 22 стилиа по 10 коп. серебряною грузинскою монетою, с тем однакож, чтоб деньги сие вносимы

были определенным к сбору чиновникам, непременно в тот же срок, какой положен для взноса хлеба⁸.

ამიერკავკასიაში მდგომ ჯარს არ ყოფნიდა საგადასახადო პური. მთავრობა იძულებული იყო ნებით თუ იძულებით შეესყიდა სურსათი მოსახლეობისაგან. ამრიგად, სურსათისათვის ფულადი სახის მიცემა ვერ განხორციელდა. თვით ციციანოვი, დარწმუნდა რა, რომ მისი განზრახვა ვერ განხორციელდებოდა, 1803 წლის ერთ-ერთ საბუთში გრაფ კოჩუბეის სწერს: „Здесьнес правительство вместо хлеба взявало иногда подать сию деньгами, полагая за коду пшеницы по одному рублю, иногда по 70 к. а за ячмень 40 коп., но привести сей доход натурою в единообразную известность и превратить в деньги, я усомнился, поелику в исполнении высочайших предписании, предместнику моему данных, повелено превратить в деньги из подати хлебной остающееся только количество от продовольствия войск, в Грузии находящихся. А как всего собранного хлеба не достает и на половину продовольствия войск на лицо состоящих, то оставил я подать хлебную натурою до времени в прежнем ее виде“⁹.

როგორც ზემომოყვანილი საბუთებიდან დავინახეთ, ნატურალური სახე შეინარჩუნა სურსათმა 1845 წლამდე. სურსათის გადასახადისაგან, ისევე როგორც სხვა სახელმწიფო გადასახადებისაგან, მე-19 საუკუნის დასაწყისიდან არავინ არ თავისუფლდებოდა. გაუქმებულ იქნა ამა თუ იმ პირთა გადასახადებისაგან განთავისუფლების თუ შეუვალობის შესახებ საქართველოს მეფეთა მიერ ნაბოძები სიგელები¹⁰.

სურსათის გადასახადისათვის პასუხისმგებლობა მებატონეს ევალებოდა. თუ ყმა სურსათს ვერ, ან არ გადაიხდიდა, ამ შემთხვევაში ხაზინა გადასახადს მებატონეს ახდევინებდა.

1807 წლის ერთ-ერთ საბუთში ვკითხულობთ:

„უზენაესს საქართველოს მმართველობის კაზენის ექსპედიციასა შინა თავადის შალალოვის მოხსენება.

ჩემნი ყმანი სამნი კომლნი დიდი ხანია ჩემი ყმობილამ თავდახსნილობით თავისუფალნი არიან და რომლითაც დაეთართ გლებთ სურსათი აწერიათ ის თავდახსნილნი ჩემნი კაცნიც მას

⁸ Акты КАЗ, II, საქ. № 4, გვ. 7.

⁹ Акты КАЗ, II, საქ. № 40, გვ. 31.

¹⁰ Акты КАЗ, III, საქ. № 20, გვ. 7-8.

რიცხვსა შინა სწერავენ. და აქ ტფილისშიაც ცხოვრობენ. და ახლა მე ქართლში გახლდი და შემოსულან ჩემს სახლში და იმ კაცების წილი სურსათი ჩემთვის წაურთმევიათ. გთხოვთ ამაზედ კმაყოფა მომცეს. იმ საქმეზედ ამას წინათ ერთი არზაც მივართვი იმავე ექსპედიციას და არცამარა კმაყოფილი პასუხი სეკედმბერს, დ, წელსა ჩუზ. მაღალოვი“¹¹.

მსგავს შემთხვევას ვხედავთ იმავე წლის სხვა საბუთებშიც¹¹. ასეთ შემთხვევებში სახაზინო ექსპედიცია ასკენის, რომ საქმის სათანადო გამოძიების შემდეგ საბატონო გლეხები გადაწერილ უნდა იქნენ სახაზინო გლეხთა სიაში, ხოლო შემდეგ ეხსნებოდათ მებატონეებს სურსათის გადასახადი¹¹. ამასთანავე, თუ მებატონე გაათავისუფლებდა ან გაპყილდა გლეხს, გლეხი მაინც ვალდებული იყო ახალ აღწერამდე ეხადა გადასახადი სახელმწიფოსათვის (იგულისხმება, რასაკვირველია, თუ ხელი მიუწვდებოდა მებატონეს გლეხზე), თუ მებატონეს გლეხი გაექცეოდა, ამ გლეხის სურსათს ხაზინა მებატონეს თხოვდა იმ დრომდე, სანამ ხელახლა ხალხის აღწერა არ მოხდებოდა. 1813 წლის ერთ-ერთ საბუთში ვკითხულობთ:

„უზენაესს საქართველოს კაზონის ექსპედიციასა შინა. თავადის იოვანე ბარათოვის მიერ თხოვნა:

ჩემმა სიდედრმა კნენინა ნინომ თავის მკვიდრ ყმას ტერ-ფეჩხუაშიღს ხარაზ გიქუას თავი დაახსნეინა გუბერნიის გახსნის შემდგომ, და რადგან თავდახსნამდინ მარადის სახელმწიფოს სურსათს აძლევდა ჩვენ კაცებთან, და დღესაც მაგის სურსათი ჩვენ გვეთხოვება. საქართველოში მრავალნი არიან ამგვარად თავდახსნილნი და გაყიდულნიც, მაგრამ სახელმწიფო სურსათისაგან კი ვერ გაათავისუფლდებიან, როდესაც სახელმწიფო სურსათი შესწერდებათ და თავიანთ მებატონეთ ეთხოვებათ, იმ თავდახსნილს თუ გაყიდულ კაცთ თავიანთ ხვედრ სურსათს შეახვდენენ და სახაზინოთ მიაცემინებენ მანამდის მეორე აღწერა მოხდება. იმ ხსენებულს კაცის სურსათისათვის ჩემს სიდედრს გამოერთვა ოთხი თუმანი და რამდენიმე მინალთუნი თეთრი ფული. ეს კაცი რომ ვერ ჩაიგდეს ხელში, ამის გულისათვის იმას გამოართვეს და ამ თეთრზე იმავე ექსპედიციას ებრძანებია პოლიციისათვის ეს ხსენებული თეთრი გამოერთვას ტერ-ფეჩხუაშიღებს და მიეცეს ჩემს სიდედრს რომელ ამ ჟამამდინ ჯერაც არ მისცემია. ეკითხოს სადაც..... რომელიც კაცს გაპყიდის ანუ თავს დაახსნეინებს სახელმწიფოს სურ-

¹¹ საქ. ც. ს. ს. ა, ფ. 254, საქ. № 102, გვ. 6—8.

სათს მისცემს ანუ არა მეორედ აღწერამდინ უმდაბლესად ვითხოვ
სადაც ჯერ იყოს ებრძანოს, რომ სახელმწიფო სურსათიც გამოერ-
თვის და ხსენებული თეთრიც, რომელიც ჩემს სიღედრს გამოართმევია.
თავადი იოანე ბარათოვი“¹³.

ამ გარემოებას აღნიშნავს პროფ. გ. გოზალიშვილი ნარკვევ-
ში: „გლებთა მდგომარეობის ისტორიის მასალებიდან მე-19 საუ-
კუნის პირველ მეოთხედში“. იგი წერს: „ყმა, მიიღებდა რა თავ-
დახსნილობის სიგელს, უნდა გამორიცხულიყო მებატონის ყმათა
რიცხვიდან და მიჰკუთვნებოდა სახელმწიფო ყმათა რიცხვს, მაგ-
რამ სინამდვილეში საქმე ცოტა სხვანაირად იყო. თავდახსნილი
ყმა ბატონის ყმათა სიიდან ვერ ამოიშლებოდა იმ დრომდე, ვიდრე
ხალხის ხელახალი აღწერა არ მოხდებოდა და მებატონეს მისგან
უკვე თავგამოსყიდულ ყმაზედაც ეთხოვებოდა გადასახადი, ე. წ.
„სურსათი“. რასაკვირველია, მებატონე თავის ბელლიდან არ მის-
ცემდა ყმის მაგიერ გადასახადს და ეს ყოფილი ყმა, ან თავდახ-
სნილი მოქალაქე, იძულებული იყო ესეც ეხადა სახაზინო გადასა-
ხადთან ერთად“¹³.

სახაზინო გლები, რომელიც ქალაქში ცხოვრობდა და იხდი-
და სხვა საქალაქო გადასახადებთან ერთად მახტასა და მალს, თა-
ვისუფალი იყო სურსათის გადასახადისაგან. ამის დასამტკიცებლად
ჩვენ მრავალი საბუთი მოგვეპოვება¹⁴. სხვა მდგომარეობაში იყვნენ
საეკლესიო და საბატონო გლებები, მიუხედავად იმისა, რომ ქალა-
ქის სხვა მცხოვრებთა მსგავსად იხდიდნენ საქალაქო გადასახადებს,
სურსათის გადასახადისაგან არ თავისუფლდებოდნენ. ისინი არ
იხდიან მახტას. ამ კატეგორიის გლებთა სათანადო, მდგომარეობა
საბოლოოდ დაკანონდა 1823 წელს უმაღლესი ბრძანებით, სადაც
აღნიშნულია: „...Крестьяне помещичьи и церковные, платя в
казну особую хлебную подать сурсат, должны быть изъяты от
махты, не менее того однакож, по жительству их в городе об-

¹³ საქართველოს არქივი, II, თბილისი, 1927, გვ. 11.

¹⁴ იქვე, გვ. 7.

¹⁵ იქვე, გვ. 11—12.

язаны, так как и прочие жители участвовать в общественных городских повинностях и вместе с другими давать определенныи для того каждогодиую масран¹⁵.

სურსათის აკრეფა ევალეზოდან სახელმწიფო მოხელეებს (ჯერ მოურავეებს, ხოლო შემდეგ საერობო ისპრავნიკებს). მათ გადასახადის ასაკრეფად სახაზინო ექსპედიცია აძლევდა სათანადო მითითებებსა და ნუსხებს¹⁶. საერობო ისპრავნიკებს ევალეზოდან აკრეფილი სურსათი საპროვიანტო დეპოში ჩაებარებინათ, რის შემდეგაც პროვიანტმეისტერების მიერ დამოწმებული ბარათები ჩაბარებული სურსათის რაოდენობის შესახებ საერობო ისპრავნიკებს სახაზინო ექსპედიციისათვის უნდა წარედგინათ. სახაზინო ექსპედიცია ადგენდა სახელმწიფო შემოსავალ-გასავლის ნუსხას¹⁶.

ამრიგად, გადასახადი სურსათი XIX საუკუნის 40-იან წლებამდე, ისევე როგორც მე-19 საუკუნემდე, სახელმწიფო გადასახადია და პურეულზე დადებულ სხვა გადასახადებთან ერთად ხაზინისათვის იკრიფება. 1845 წლამდე გადასახადის სახე და მოცულობა უცვლელი დარჩა. სურსათს ერთნაირად იხდის საქართველოს გლეხობა, იქნება გლეხი სახაზინო, საბატონო თუ საეკლესიო (ორი კოდი პურისა და ერთი კოდი ქერის რაოდენობით). გამონაკლისს შეადგენენ ქალაქში მცხოვრები სახელმწიფო გლეხები, რომლებიც მახტასა და მალს იხდიან. სურსათის გადასახადი ევალეზოდან სოფლად მცხოვრებ ეაქრებსა და ხელოსნებსაც¹⁷. სურსათს საერობო ისპრავნიკები კრეფდნენ. გადასახადი ძირითადად წნატურალურია, მაგრამ არის ცალკეული შემთხვევები, როდესაც მას ფულით იხდიან (მუსლიმანური მოსახლეობის ნაწილი). სურსათი, სხვა პურეულზე დადებული გადასახადების მსგავსად, ჯარის გამოსაკვებად იკრიფებოდა. იგი უკვე აღარ წარმოადგენს ამ მიზნისათვის გამ-

¹⁵ Полное собрание законов Российской Империи, т. 38, гл. 763—766.

¹⁶ საქ. ცსსა, ფ. 16, საქ. № 1615. ფურ. 11—17, 116—117.

¹⁷ АКТЫ КАК, II. д. № 4, стр. 7.

კუთვნილ ერთადერთ გადასახადს, როგორც ამას ადგილი ჰქონდა მე-19 საუკუნემდე.

მე-19 საუკუნეში, როგორც წინათ, საქართველოში იკრიფებოდა გადასახადი კოდის-პური. რუსული მმართველობის შემოღების შემდეგ, კოდის-პურის გადასახადი უცვლელად იქნა დატოვებული. მისი სახე ნატურალური დარჩა (პურეულით იკრიფებოდა). უცვლელი დარჩა ამ გადასახადის მოცულობაც (კომლზე 4 კოდი პური იყო დაწესებული).

ჩვენს ხელთ არის რუსული მმართველობის გახსნამდე არსებული 1801 წლის კახეთის ანგარიში¹⁸. ამ ნუსხაში მოცემულია ქიზიყის ანგარიში. ნუსხა შედგენილია ადგილობრივი მოხელეების მიერ. საბუთის მიხედვით, ქიზიყის მცხოვრებთაგან 1801 წლის 29 აგვისტოს მოუთხოვიათ ორი ათასი კოდი პურის გადახდა. აუკრეფიათ სულ 1732¹/₂ კოდი, აუკრეფავი დარჩენილა 167¹/₂ კოდი. აკრეფილი გადასახადის ნაწილი მოხელეებისათვის ჯამაგირად გაუკციათ. სახლთხუცესა და მდივნებს წესისამებრ ეკუთვნოდათ 200 კოდი. ექვსი კოდი ეშიკალასბაშისათვის იყო განკუთვნილი, ხოლო ნაცვალს, მეფე გიორგის განწესებისამებრ, უბოძეს 24 კოდი. გადასახადის ამკრეფს ყოველ ოც კოდზე ერთი კოდი თავის სასარგებლოდ უნდა აეღო (ე. ი. 100 კოდი). პროვიანტმეისტერსაც 262 კოდი მიუღია. ე. ი. მოხელეთა ჯამაგირზე დახარჯულა სულ 594 კოდი. გიორგი მეფის ბარათის ძალით (წყალობით), თუ ლაზარევის ბრძანებით, აკრეფილი პურის რაოდენობიდან ზოგიერთ პირთათვის მიუციათ პური ან გარკვეული სამსახურის საფასურად ან წყალობის სახით. ნაწყალობევთა შორის არიან სასულიერო წოდების წარმომადგენლებიც. ხშირად წყალობა ეძლეოდათ მონასტრებს. მონასტრებისათვის მიცემული პურის რაოდენობა 281¹/₂ კოდს უდრის. მაშასადამე აკრეფილი 1732¹/₂ კოდი პურიდან ხაზინაში შესულა 857 კოდი პური. ზოგი სოფელი, მოუსავლობის გამო, კოდის-პურის გადასახადისაგან გაუთავისუფლებიათ, ხოლო ზოგი შეღავათებით იხდიდა ამ გადასახადს. საბუთში არ არის მოცემული კომლზე აკრეფილი კოდის-პურის რაოდენობა. აქ მხოლოდ მოყვანილია, თუ რომელ სოფელს რამდენი კოდის გადახდა ევალებოდა და რამდენი ჩამოუკლეს. სოფლებზე დადებული და აკრეფილი კოდის-პურის გადასახადი შეგვიძლია შემდეგნაირად წარმოვიდგინოთ:

¹⁸ საქ. ც. ს. ს. ა, ფ. 16. საქ. № 33.

	სოფლები	მოთხოვნილი კოდის-პურის რაოდენობა	შეღავათები	აკრეფილი კოდის-პური
1	მირზანნი	298 კოდი	114 კოდი	184 კოდი
2	მეჩხანნი	307 კ.	153 ¹ / ₂ კ.	153 ¹ / ₂ კ.
	ნალარო	407 კ.	203 ¹ / ₂ კ.	203 ¹ / ₂ კ.
4	ჯუგანნი	207 კ.	103 ¹ / ₂ კ.	103 ¹ / ₂ კ.
5	საკობია	237 კ.	118 ¹ / ₂ კ.	118 ¹ / ₂ კ.
6	ვაკირი	42 კ.	—	42 კ.

ამ საბუთშივეა მოთავსებული 1801 წელს მარტყოფში აკრეფილი კოდის-პურის რაოდენობაც, რომლის მიხედვით მარტყოფზე 250 კოდი პური ყოფილა დაწესებული. მთავრობას 125 კოდის პურის აკრეფა გადაუღვია სამმართველო აბარატის გახსნამდე, ხოლო დანარჩენი 125 კოდიდან — მდივანს 25 კოდი აუღია, ნაცვალს 5 კოდი, ხოლო გადასახადის ამკრეფთ 29¹/₂ კოდი. გარდა ამისა, მთავრობას სოფლისათვის ჩამოუკლია გადასახდელი 9¹/₂ კოდი. ლაზარევის ბრძანებისამებრ ამ გადასახადიდან დავით ბირთველს მიეცა 41 კოდი პური. წყალობა გაუცია მეფე გიორგისაც, რის გამო 16 კოდი პური აუკრეფელი დარჩენილა¹⁹. ზემოთყვანილი საბუთების მიხედვით, მოსტელეებს გასამრჯელო კოდის-პურის გადასახადისაგან მისცემიათ, რასაც ჩვენ გადასახად „სურსათის“ აკრეფის დროს ვერ ეხედავთ. საფიქრებელია, ამან მისცა საბაბი სენატორ განს კოდის-პური შემდეგნაირად განემარტა: „Хлѣбиспурѣ в переводе значит хлѣб, взимаемый с коды и есть хлѣбная подать, которую брали с некоторых только значительных селений Тифлисского, Сигнагского и Телавского уездов, вероятно в пользу управителей, за управлением коих при российском правительстве обращена в казну“²⁰.

ეს განმარტება მცდარია. კოდის-პური საერთოდ სახელმწიფო საჭიროებისათვის იკრიფებოდა და მასში მოხელეთა ჯამაგირიც იგულისხმებოდა. მოხელეთა სარგოს რომ კოდის-პურის გადასახა-

¹⁹ საქ. ც. ს. ც. ა. ფ. 16, საქ. № 33.

²⁰ ЦГИАЛ, Ф. Кавказского Комитета № 1268, д. № 1706, стр. 21.

დიდან შემოსული შემოსავლით იხდიან, ეს 1811 წლის მასალები-დანაც ჩანს ²¹.

კოდის-პური ნატურის სახით იკრიფება რუსული მმართველობის დაწესების შემდეგაც. ჩვენს ხელთ არის 1802 წლის მაისი-დან ნოემბრამდე კახეთში აკრეფილი კოდის-პურის ნუსხა ²². კოდის-პური იქ ნატურალური სახით იკრიფება. ნუსხაში ჩამოთვლილია კოდის პურის-გადამზდელი სოფლები.

კიზიყის სახელმწიფო გლეხებიდან, წმინდა ნინოს გლეხთა გამოკლებით	2040 კოდი
მარტყოფიდან	340 კოდი
საგარეჯოსა და პატარძეულიდან	360 კოდი
კალაურიდან	140 კოდი
შაშიანიდან	80 კოდი
ქვემო ხოდაშნიდან	30 კოდი
სულ	2990 კოდი

მართალია, აქ მოყვანილი არ არის კომლების რაოდენობა, მაგრამ ჩანს, რომ გადასახადი მთელ რიგ სოფლებზე ნატურის სახით ყოფილა დადებული. 1811 წლის საბუთში, სადაც მოყვანილია თელავისა და სიღნაღის მაზრის სოფლებზე დადებული გადასახადი, აღნიშნულია, რომ კომლზე ოთხი კოდი პურია დაწესებული ²³.

საქართველოს უმაღლესი მთავრობის სახაზინო ექსპედიციის სარგოს დავთარი-სახელმწიფო გლეხებზე გაწერილი კოდის პურის ნუსხა, კომლზე ოთხი კოდი პურის რაოდენობით

1811 წლია სარგოს მიხედვით ხაზინაში უნდა შემოვიდეს

თელავის სოფლებიდან	კოდი	ლიტრი
მარტყოფი და ნორიო. 175 კომლიდან 700 კოდი, მაგრამ წლიურ სარგოს გამოაკლდება კათალიკოსისათვის ნახევარი, მოურავისათვის მეთექვსმეტი და ნაცვლისათვის შვიდი კოდი. ხაზინაში შვევა	308	—

²¹ საქ. ც. ს. ს. ა. ფ. 16, საქ. 31, გვ. 26; ფ. 254, საქ. № 199; 311; ფ. 254/99, საქ. № 1498.

²² საქ. ც. ს. ს. ა. ფ. 16, საქ. 31, გვ. 26.

²³ იქვე, გვ. 26.

თელაეის სოფლებიდან	კოდი	ლიტრი
სართიქალაში მცხოვრები 20 კომლიდან 80 კო- დი. აქედან მოურავს მეთედი, ხოლო ნაცვალს 5 კოდი. ხახინისათვის აიკრიფება 67	67	
საგარეჯო, გორიწმინდა, პატარძეული, ბერთუ- ბანი. 129 კომლიდან 258 კოდი. აქედან ნახევარი კათალიკოსს. ხოლო მოურავს მეთედი ორ ნაც- ვალს ოთხ-ოთხი კოდი და 6 ლიტრი ²⁴ . ხახინის სასარგებლოდ	223	
მალრანი. 11 კომლიდან 44 კოდი. მოურავს მეთედი	40	
ფშავის-ბოლო. 25 კომლიდან	100	
ნაქალაქევი 8 კომლი	32	
ენისელი. 60 კომლიდან 240 კოდი. მოურავს მე- ათედი, ხოლო ნაცვალს ოთხი კოდი	212	
სანაევარდო 48 კომლიდან 192 კოდი, აქედან მო- ურავს ნეა-ედი, ხოლო ნაცვალს ოთხი კოდი	168	8
კუპატანი. 40 კომლიდან 160 კოდი, აქედან და- წესებულია მოურავისა და ნაცვლის სარგო ცხრა კოდი	151	
ჩიქოანი. 15 კომლიდან 60 კოდი, აქედან მეა- თედი მოურავს, ნაცვალს ოთხი კოდი	50	
გავახი. 70 კომლიდან 280 კოდი. აქედან მოურავს მეთედი, ხოლო ნაცვალს ოთხი კოდი	248	
თიანეთი. 50 კომლიდან 200 კოდი. აქედან მეა- თედი მოურავს, ხოლო ოთხი ნაცვალს	176	
მარილისი. 10 კომლიდან	40	
ქისტაური. 14 კომლიდან 56. აქედან მოურავს მეთედი	50	4

²⁴ მესამე პუნქტში ჩვენ შემდეგი შესწორება შეგვაქვს: დასახელებული სო-
ფლების 129 კომლიდან უნდა აკრეფილიყო 516 კოდი ხორბალი ნაცვალად დასა-
ხელებული 258 კოდისა, ხოლო მას შემდეგ, რაც კათალიკოსი თავის სარგოს
მიიღებდა, რჩებოდა 258 კოდი. აქედან მოურავს ეძლეოდა მეთედი, ხოლო
ზემოდანსახელებული ოთხ-ოთხი კოდი და 6 ლიტრი ორ ნაცვალს, რის შემდე-
გაც ხახინის სასარგებლოდ, როგორც ეს საბუთშია ნაჩვენები, მართლაც უნდა
აკრეფილიყო 123 კოდი ხორბალი.

თელაგის სოფლებიდან	კოდი	ლიტრი
შალაური. 15 კომლიდან 60 კოდი. აქედან მოურავს მეთედი, ხოლო ნაცვალს 3 კოდი	51	
ტონინი. 25 კომლიდან 100 კოდი. აქედან მეთედი მოურავს	90	
სოფელ ქვემო ხოდაშენიდან. 10 კომლიდან 40 კოდი. წლიური სარგოდან ნახევარი კათალიკოსს, მეთედი მოურავს, ერთი კოდი ნაცვალს	17	
კალაური. 55 კომლიდან 220 კოდი. წლიური სარგოდან ნახევარი კათალიკოსს, მეთედი მოურავს და 5 ¹ / ₂ კოდი ნაცვალს	93	
შაქრინი. 40 კომლიდან	160	
შაშინი. 35 კომლიდან 140 კოდი. წლიური სარგოდან ნახევარი კათალიკოსს, მეთედი მოურავს და 5 კოდი ნაცვალს	58	
ვეფხისციხე. 15 კომლი	60	
სულ თელაგის მაზრიდან	2395	

სიღნაღის მაზრა	კოდი	ლიტრი
ვაქირი 157 კომლიდან	628	
ფანინი 18 კომლიდან	72	
ანაგა 97 კომლიდან	388	
მცირე საკობია 75 კომლიდან	300	
მალარო 115 კომლიდან	460	
ნუკრინი 40 კომლიდან	160	
კოტორი 17 კომლიდან	68	
დიდი საკობია 57 კომლიდან	228	
ზემო მაჩხანი 95 კომლიდან	380	
ქვემო მაჩხანი 50 კომლიდან	200	
წულუკანი 19 კომლიდან	76	
მირხანი 68 კომლიდან	272	

სიღნაღის მაზრა	კოდი	ლიტრი
არბოშიკი 20 კომლიდან	80	
ჯუგაანი 55 კომლიდან	220	
პრასიანი 5 კომლიდან	20	
ჭოთანი 5 კომლიდან	20	
ტიბანი 24 კომლიდან	96	
ახანი 8 კომლიდან	32	
ველისციხე 100 კომლიდან 400 კოდი. აქედან წლიური სარგო მთურაეს მეთადი	360	
მანავი 30 კომლიდან	120	
ყანდაური 40 კომლიდან 160 კოდი, წლიური სარგოდან ნახევარი კათალიკოსს	80	
სულ სიღნაღის მაზრიდან	4260	
სულ კახეთიდან	6655	7

ასეთივე ნატურალური სახე აქვს კოდის-პურს 1841 წლის მასალების მიხედვითაც²⁵. ამ საბუთში დანაწილება მაზრების მიხედვით ხდება და შესაბამისად შეტანილია პურის განაწილებაც. საბუთის მიხედვით კოდის-პური შემდეგ მაზრებში იყრიფება.

თბილისის მაზრა	308 კოდი	2 ლიტრი
თელავის მაზრა	2162 კოდი	
სიღნაღის მაზრა	4260 კოდი	

როგორც დავინახეთ, მე-19 საუკუნის 40-იან წლებამდე კოდის-პურის გადასახადში ცვლილება არ მომხდარა. ამ გადასახადს იხდის აღმოსავლეთ საქართველოს გლეხობა. მე-19 საუკუნის მასალების მიხედვით კოდის-პურს იხდიდნენ მხოლოდ სახაზინო გლეხები²⁶, თუმცა, როგორც ჩვენი ნაშრომის პირველ თავში აღვნიშნეთ, მე-19 საუკუნემდე კოდის-პურის გადახდა ევალებოდათ არა

²⁵ საქ. ც. ს. ს. ა. ფ. 254/99, საქ. № 1498.

²⁶ საქ. ც. ს. ს. ა. ფ. 254/99, საქ. № 1498; ფ. 16, საქ. № 31, გვ. 26; ფ. 254, საქ. № 199, გვ. 4; № 311.

მართო სახელმწიფო, არამედ საბატონო გლეხებსაც. მხოლოდ სა-
ხაზინო გლეხებზე დადებულ გადასახადად იცნობს კოდის-პურს სა-
ხაზინო პალატის თავმჯდომარე ბეზაკი თავის საფინანსო პროექტ-
ში²⁷. კოდის-პური რომ მე-19 საუკუნეში მართლაც მხოლოდ სა-
ხელმწიფო გლეხებზე დადებული გადასახადი იყო, ამას ამტკიცებს
1803 წლის სახაზინო ექსპედიციიდან დღემდე მისი უფროსი-
სადმი მიცემული მითითება, სადაც ვკითხულობთ: „С селеним,
поступившим во владение князей Эрнстовых, которые значи-
лись в прошлом (1802) году казенными, взимать за тот толь-
ко год подать Кодис-пури“²⁸.

კოდის-პურს არ იხდიდნენ თბილისში, გორში და დღემდეში
მცხოვრები სახელმწიფო, საბატონო და საეკლესიო გლეხები (მე-
19 საუკუნის პირველი ნახევრის არც ერთ საბუთში, სადაც საქა-
ლაქო გადასახადებია მოხსენებული, კოდის-პურის გადასახადი არ
იხსენიება). კოდის-პურს იხდის გლეხობის მხოლოდ ის ნაწილი,
რომელიც პურეულის მეურნეობას ეწევა. ამ გადასახადის გაწერა-
ში ცვლილებანი რუსული მმართველობის შემოღების შემდეგ არ
უნდა მომხდარიყო.

კოდის-პურს, სხვა პურეულზე დაწესებული გადასახადების
მსგავსად, კრეფდნენ სახელმწიფო მოხელეები—მოურავი, ნაცვალი
და სხვ. და აბარებდნენ საპროვიანტო დეპოს²⁹. ამრიგად, რო-
გორც ვხედავთ, კოდის-პურის გადასახადში არსებითი ცვლილება
მე-19 საუკუნის პირველ ნახევარში არ მომხდარა. რუსული მმარ-
თელობა მხოლოდ ცდილობს დააზუსტოს და გამოარკვიოს მისი
რაოდენობა. მე-19 საუკუნეში ჩვენ არ ვხედავთ კოდის-პურისაგან
„გათარხნებას“, ან კოდის-პურის „წყალობის“ შემთხვევას, რასაც
ადგილი ჰქონდა მე-19 საუკუნემდე. აკრეფილი კოდის-პური სახელ-
მწიფოს ბარდება.

ჩვენ მიერ განხილული გადასახადები, როგორც დავინახეთ,
ძირითადად ნატურით—პურეულით იკრიფებოდა, მაგრამ მე-19 სა-
უკუნის პირველ ნახევარში არსებობდა ისეთი გადასახადებიც, რო-
მლებიც ზოგჯერ ნატურით და ზოგჯერ ფულადი სახითაც ანდა
ნაწილობრივ ფულით და ნაწილობრივ ნატურით იკრიფებოდა.
ასეთებია: ღალა, ყალანი, მახტა.

²⁷ საქ. ც. ს. ს. ა. ფ. 241, საქ. № 562, ფურც. 16.

²⁸ საქ. ც. ს. ს. ა. ფ. 254, საქ. № 19, ფურც. 107.

²⁹ საქ. ც. ს. ს. ა. ფ. 16, საქ. № 1615, ფურც. 84—91, 116—117.

ლალა, როგორც ამ ნაშრომის პირველ თავში გვეკონდა გარკვეული, ფეოდალური საქართველოს ერთ-ერთი უძველესი გადასახადია. მას იხდიან იმ მიწით სარგებლობისათვის, რომელზედაც გლეხი ეწევა მეურნეობას. ასეთად დარჩა ლალა მე-19 საუკუნეშიც (ალეხუელ შემთხვევაში ჩვენ მხოლოდ სახაზინო მიწით სარგებლობას ვგულისხმობთ და არ განვიხილავთ იმ ლალას, რომელსაც მე-ბატონის გლეხი უხდიდა ბატონს). ჩვენ მოგვეპოვება 1830 წლის საბუთი, რომელიც საყურადღებო ცნობებს შეიცავს ამ გადასახადის გარკვევისათვის. საბუთი წარმოადგენს გორის მაზრის ხაზინადრის მოხსენებას საქართველოს სახაზინო ექსპედიციის ეკონომიურ განყოფილებაში: „Во исполнение предписания... по отделению от 3-го сего ноября № 649-й Горнийское уездное казначейство, по учинению с делами онаго и бывшего Комиссара Джораева, выправки, часть имеет донести, что вместо следуемой с жителей Горнийского уезда, занимавшихся хлебопашеством на казенных землях, за 1827-й год хлебной недоимки 96 код пшеницы и 18¹/₂ код ячменя поступило в сие казначейство, от онаго комиссара в 1830-ом году, при отношении его от 5-го генваря № 3-й с селения Шиндис, за 50 код пшеницы по справочным ценам деньгами за кодъ по 1 р. 20 к. серебром 60 рублей. Да внесено им же в горийский правилантский магазин за тот-же 1827-й год, в число оной Галлы, 40 код пшеницы из ячменя, о принятии коего получена им квитанция за № 54-ом по донесении Казенной Экспедиции. В 1830-м году рапортами по донесении, генваря 6-го и февраля 13-го за № 5-м и 26-м с приложением при последнем квитанции; О поступлении же последней недоимочной галлы, 6 код пшеницы и 15¹/₂ код ячменя. в правилантский магазин или в казначейство за оную деньгами из дел-же видно, а на запрос казначейства комиссар Джораев отозвался, что она приостановлена взысканием по Высочайшему манифесту и подлежит к сложению; о зачислении же недоимку за означенную галлу по справочным ценам деньгами вперед, до поступления в указе Казенной Экспедиции от 26-го апреля 1829-го года за № 3884-м сему казначейству... упомянуто а предписано по доставлении от него за ту Галлу деньгами, записать только на приход.

Казначей князь Джавахов⁴ 30.

³⁰ საქ. ც. ს. ს. ა. ტ. 254, საქ. № 99/858.

საბუთაი მრავალმხრივ არის საყურადღებო: ღალას იხდიან. სახელმწიფო მიწაზე მოსახლე გლეხები ხაზინის სასარგებლოდ. ისინი მარცვლეულის მეურნეობას ეწევიან. მათ ევალებათ ღალა პურიეულით გადაიხადონ. მართლაც, მათ გადასახადის ნაწილი 1827 წელს გადაუხდიათ პურიით, ხოლო დანარჩენი გადაუხდელი ნაწილი—ფულით. ამასთანავე, კოდი პური მთავრობის მიერ 1 მან. და 20 კაპ. ყოფილა შეფასებული. ღალას კომისიონერები კრეფდნენ და აბარებდნენ საპროვიანტო დეპოს, ხოლო როდესაც გადასახადი ფულით იკრიფებოდა—მაშინ თანხა ხაზინაში შედიოდა. ამ საბუთიდან შეგვიძლია შემდეგი დასკვნა გამოვიტანოთ: ღალას იხდის ხაზინის სასარგებლოდ გლეხობის ის ნაწილი, რომელიც სახაზინო მიწაზე ეწევა მეურნეობას. ამდენად, ღალა სახელმწიფო ხაზინისათვის იკრიფება. მისი აკრეფის ორგანიზაცია სახელმწიფო მოხელეებს ევალებათ. ღალას მე-19 საუკუნეში ვხვდებით როგორც ნატურალურ, ისე ფულადი სახის გადასახადად. ვფიქრობთ, რომ ღალის მოცულობა, როგორც ამას ადგილი ჰქონდა მე-19 საუკუნემდე, დადგენილი არ არის. 1816 წლის ერთ-ერთი საბუთის მიხედვით: „Гала—по Тифлисскому и Горийскому и Кадань по Ананурскому уездам, суть денежные сборы хлеба с крестьян по качествам земли и урожая“³¹. მეორე საბუთის მიხედვით კი „Галла есть не окладная хлебная подать, под именем коей взимаются десятая часть урожая с посевов произвольных на казенной земле“³². ასეთივე სახე აქვს ღალას მე-19 საუკუნის 40-იან წლებამდე³³. ამრიგად, ღალა წარმოადგენს სახელმწიფო გადასახადს, რომელიც ძირითადად ნატურით იკრიფება, მაგრამ ვხვდებით ღალის ფულად სახეობასაც.

ყალანიც, ისევე როგორც ზემოჩამოთვლილი გადასახადები, ერთ-ერთი უძველესი გადასახადია. მე-19 საუკუნისათვის იგი უმთავრესად საქართველოს მთიან რაიონებშია შემორჩენილი. ბეზაკი თავის პროექტში ყალანს ახასიათებს ისეთ გადასახადად, რომელსაც დუშეთის მაზრის ზოგიერთი სოფელი იხდის. ეს სოფლები იხდიან სურსათის გადასახადსაც³⁴. კავკასიის არქეოგრაფიული კომისიის აქტების ცნობით, მთაში ძველთაგანვე არსებობდა გადასახადი ყალანი. იგი წარმოადგენდა გლეხის საკომლო მიწაზე დაწესებულ გადასახადს. გადასახადში შედიოდა ხორბალი, ქერი, თივა, საქლავი საქონელი და სხვ³⁵. ამ ცნობის საფუძველზე ჩვენ დავასკენით:

³¹ Акты КАЗ, V, ч. II, № 327, стр. 265.

³² ЦГИАЛ. Ф. Кавказского Комитета. 1266, л. № 170-6, л. 19.

³³ Акты КАЗ, X, № 65, стр. 79; № 75, стр. 103.

³⁴ საქ. ც. ს. ს. ა, გვ. 241, საქ. № 562, გვ. 17.

³⁵ Акты КАЗ, т. VII, стр. 348, д. № 298.

ყალანი თუ საერთოდ გლეხის მიწაზე დადებული გადასახადია, მაშინ ეს გადასახადი ვეალეზობდა ყველას, ვინც საკომლო მიწით სარგებლობდა. ყალანი ნატურალური გადასახადი იყო. 1809 წლის ერთ-ერთი საბუთის მიხედვით, ყალანი ანანურის მაზრის გლეხობისაგან იკრიფებოდა პურეულითაც. ამას ადასტურებს ჩვენ მიერ ზემომოყვანილი საბუთიც, აგრეთვე 1811—1812 წლების საბუთებიც. ყველგან აღნიშნულია, რომ ყალანი პურიტ იკრიფებოდა²⁶. აქვე აღნიშნულია, რომ ყალანთან ერთად იკრიფებოდა მეორე ნატურალური სახის სახელმწიფო გადასახადი სურსათი. საბუთის მიხედვით: ანანურის მაზრის მცხოვრებთაგან უნდა აკრეფილიყო ყოველ წელიწადს სურსათი 2076 კოდი და ყალანი 1363 კოდი, სულ 3439 კოდი წელიწადში, ხოლო 1809 წლამდე, ხუთი წლის მანძილზე—1802, 1803, 1804, 1805, 1808 წლებში—17195 კოდი. აქედან 1806 და 1807 წლებში აკრეფილა სულ 497 კოდი და 6 $\frac{1}{4}$ ლიტრი პური²⁷. ასეთივე პურეულიტ დაწესებულ გადასახადად ვხედებით ყალანს მე-19 საუკუნის 40-იან წლებშიც. სენატორი განი თავის პროექტში აღნიშნავს, რომ დუშეთის მაზრაში ამ დროისათვის აკრეფილა ყალანი 958 კოდი პური და 477 კოდი ქერი. ამრიგად, ყალანი 1843—1845 წლების საფინანსო რეფორმამდე პურეულის გადასახადად ჩანს. ბეზაკიც და განიც თავის პროექტებში ამ გადასახადს სახელმწიფო გლეხებზე დადებულ გადასახადად აცახელებენ. თუ 'ჩვენ მიერ ზემომოყვანილ ცნობასაც მივიღებთ მხედველობაში, გამოდის, რომ ყალანი საკომლო მიწაზე დადებული სახელმწიფო გადასახადია. მე-19 საუკუნის პირველი ნახევრის ცნობებში ყალანი საერთოდ სხვა გადასახადებთან ერთად არის მოხსენებული და არაფერია ნათქვამი მის მოცულობაზე. ვფიქრობთ, რომ ყალანის მოცულობა მიწის ფართობზე უნდა იყოს დამოკიდებული.

მეორე მხრივ, ჩვენ მოგვეპოვება აგრეთვე საბუთები, სადაც ყალანი ფულად გადასახადებს შორის იხსენიება. 1815 წლის ერთ-ერთ საბუთში ვკითხულობთ: „Денежные и хлебные недоимки, накопившиеся за 1813 и 1814-й годы, поступают весьма в малом количестве. То сообщить в Исполнительную Экспедицию дабы благоволила подтвердить всем местам и лицам, владеющим казенными сборами о безотложном оных взыскании и представлении денег казначейство и хлеба в провиант-

²⁶ საქ. ც. ს. ს. ა, ტ. 16, საქ. № 1615, გვ. 2.

²⁷ იქვე, გვ. 2.

ские магазины, а в Казенную Экспедицию требуемых ею по 6-му пункту высочайшего манифеста и во исполнение вайи его высокопревосходительства главнокомандующего в Грузии реестров и сведений о незаплаченных с 1813-го года податях, денежных 1. махта, 2. малле, 3. кулuxe, 4. сабалахо, 5. саагдгомо, сашობო, сакомло, калань, самасиндзაო, савარдели и наბადი³⁸. ყალანი ფულად გადასახადად ჩანს ამავე ხანის (1816 წ.) სხვა საბუთების მიხედვითაც³⁹. ვფიქრობთ, რომ სოფლები, რომლებიც 1816 წელს ყალანს პურიხ იხდიან, ამ სახითვე იხდიდნენ მას 1845 წლამდე. ვითვალისწინებთ რა 1801 წლის 12 სექტემბრის ბრძანებულებას, რომელშიც ნათქვამია— „Сборы государственные в казну и особенно царскому дому принадлежащие привести в такое положение, чтобы, все то, что кроме хлеба натурой прежде собиралось обращено могло быть в сбор хлебный по мере надобности онаго к продовольствию войск а остаток расчислять в подать денежную“⁴⁰, ვვარაუდობთ, რომ ყალანში შემავალი პროდუქტები და საქონელი ქცეულ იქნა ფულად გადასახადად, რაც უფრო ხელსაყრელი იყო სახელმწიფოსა და ახალი მმართველობისათვის (მხედველობაში უნდა მივიღოთ ის გარემოებაც, რომ გადასახადის ფულზე გადაყვანა მარტო მთავრობის სურვილზე არ იყო დამოკიდებული).

ყალანს, ისევე როგორც სხვა სახელმწიფო გადასახადებს, მოურავები და საერობო ისპრავნიკები კრეფდნენ⁴¹. მათ ევალეზობდათ აკრეფილი პური საპროვიანტო მაღაზიაში, ხოლო ფული სამაზრო ხაზინაში ჩაებარებინათ, რის შემდეგაც საპროვიანტო დეპოდან მიღებული ბარათები საქართველოს უმაღლესი მთავრობის სახაზინო ექსპედიციისათვის უნდა წარედგინათ⁴¹.

ამრიგად, მე-19 საუკუნეში ყალანი აღარ წარმოადგენს ძველ გადასახად ყალანს. მას ამ დროისათვის მხოლოდ მთიან რაიონებში ვხვდებით. ყალანი ნაწილობრივ ფულად გადასახადად არის ქცეული და მთავრობა ცდილობს ეს გადასახადი სახელმწიფოს ახალ მოთხოვნებს დაუქვემდებაროს.

გადასახადი მახტა, როგორც პირველ თავში იყო აღნიშნული, საქართველოში არსებობდა მე-19 საუკუნემდე. მე-19 საუკუნის 40-იან

³⁸ საქ. ც. ს. ს. ა, ტ. 16, საქ. № 1615, გვ. 2; ტ. 16, საქ. № 31, გვ. 26.

³⁹ Акты КАЗ, V, т. I, стр. 265, № 327.

⁴⁰ Акты КАЗ, I, стр. 434, № 548.

⁴¹ საქ. ც. ს. ს. ა, ტ. 16, საქ. № 1615, გვ. 90—10.

წლებამდე მახტა ორგვარი სახით იკრიფებოდა: ფულით და ნატურით—პურეულით. პურადი მახტა, როგორც სხვა პურეულით დაწესებული გადასახადები, რუსულმა მმართველობამ უცვლელად დატოვა. მახტა პურადი სახით, როგორც ნაშრომის პირველ თავში გვქონდა გამორკვეული, უმთავრესად საქართველოს მოსახლეობიდან იკრიფებოდა. 1801 წლისათვის ყაზახთა დისტანციის უნდა გადაეხადა გადასახადი მახტა: 2/3 ხორბალი, ხოლო 1/3 ქერი—მთლიანად 433 ხალვარი ხორბალი და 216 2/3 ხალვარი ქერი (ხალვარი 10 კოდი), ე. ი. 4333 1/3 კოდი ხორბალი და 2166 2/3 კოდი ქერი. ბაშაკის დისტანციის კი ევალეებოდა 194 2/3 სომარი ხორბლის და 97 1/3 სომარი ქერის გადახდა (სომარი—4 კოდი), ე. ი. 778 2/3 კოდი ხორბლისა და 389 1/3 კოდ ქერის გადახდა. მაგრამ ისინი იხდიდნენ მახტას ფულითაც⁴². პურადი მახტა იკრიფებოდა თბილისის მაზრის ზოგიერთ სოფლებსა და ბორჩალოს დისტანციაში. 1811 წელს ამ სოფლებში უნდა აკრეფილიყო 740 კოდი პური და 70 კოდი ქერი, ხოლო ამავე წელს ყაზახთა დისტანციაში 6500 კოდი პური⁴³. საქართველოში პურადი სახის მახტა 1845 წლამდე იკრიფებოდა. ყველა საბუთში პურად მახტასთან დაკავშირებით აღნიშნულია, რომ იგი საზოგადოებაზე ყოფილა დაწესებული, ხოლო როგორ ნაწილდება გადასახადი ამ საზოგადოების წევრებს შორის, ამის შესახებ ცნობები არ მოგვეპოვება. გადასახადი მახტა წელიწადში ერთხელ, მოსავლის აკრეფის დროს იკრიფებოდა. 1811 წლის ერთ-ერთი საბუთის მიხედვით, მას დისტანციებში კრეფდნენ მოურავები, ხოლო მაზრებში საერობო ისპრანეიკები, მოურაობის გაუქმების შემდეგ კი მხოლოდ საერობო ისპრანეიკები⁴⁴. ამრიგად, პურადი მახტა სახელმწიფო გადასახადია, რომელიც სხვა პურეულით დაწესებული გადასახადების მსგავსად საპროვიანტო დეპოს ბარდება⁴⁵.

მე-19 საუკუნეში ამავე სახელწოდებით ცნობილია ფულადი გადასახადი—ფულადი მახტა. როგორც პურადი, ისე ფულადი მახტა მე-19 საუკუნის პირველ ნახევარში იკრიფება და სახელმწიფო შემოსავლის ერთ-ერთ მთავარ წყაროს წარმოადგენს. ფულადი მახტა იკრიფება ქ. თბილისში, თბილისის მაზრაში, ქ. გორში, გორის

⁴² Акты КАЗ, I, стр. 480, № 575.

⁴³ საქ. ც. ს. ს. ა, ფ. 254, საქ. № 199, გვ. 4.

⁴⁴ ЦГВИА, ф. ВУА, д. № 607, გვ. 93, გვ. 1.

⁴⁵ საქ. ც. ს. ს. ა, ფ. 254, საქ. № 199, გვ. 4.

მაზრასა და თელავის მაზრაში⁴⁶. მე-19 საუკუნეში მახტის გადახდა, ისევე როგორც მე-19 საუკუნემდე, ევალეზოდან ვაჭრებს, მოქალაქეებსა და სახელმწიფო გლეხებს⁴⁷. საქართველოში რუსული მმართველობის შემოღებამდე ფულადი მახტისაგან განთავისუფლებული ყოფილან ქალაქში მცხოვრები სამეფო საგვარეულოს კუთვნილი გლეხები. ისინი განსაკუთრებულ გადასახადს, აგრეთვე მახტის სახელწოდებით, უხდიდნენ თავიანთ მფლობელს; მახტისაგან გათარხნებული ყოფილა ქალაქის მცხოვრებთა ნაწილიც⁴⁸. აღსანიშნავია, რომ ალა-მაჰმად ხანის შენოსევის შემდეგ, თვით მე-19 საუკუნის დამდეგამდე, მახტა არ იკრიფებოდა⁴⁹. საქართველოში რუსული მმართველობის დამკვიდრების შემდეგ, როგორც ცნობილია, გაუქმებულ იქნა შეღავათები და თაონხოდის სიგელები. სხვა მოქალაქეთა და სახელმწიფო გლეხთა მსგავსად, მახტისაგან „გათარხნებულნი“ რუსული მმართველობის შემოღების შემდეგ ვალდებული იყვნენ ეხადათ ეს გადასახადი⁵⁰. მახტისაგან განთავისუფლებული იყვნენ საეკლესიო და მემამულეთა გლეხები, რომლებიც იხდიდნენ გადასახად სურსათს.

1804 წლის 23 სექტემბრის უმაღლესი ბრძანებულების თანახმად, მეფის ოჯახის წევრთა მამულები ხაზინას გადაეცა⁵¹. ამდენად ამ მამულში მცხოვრები გლეხებიც სახაზინო გლეხთა უწყებაში გადაირიცხნენ. მათგან აკრეფილი ბეგარა-გადასახადები სახელმწიფო ხაზინას ბარდებოდა. ამრიგად, ქალაქში მცხოვრები საუფლისწულო გლეხებიც ამიერიდან მახტის გადასახადელთა რიცხვში უნდა ჩაწერილიყვნენ. მახტას იხდიდნენ უცხოეთიდან საქართველოში, კერძოდ, ქალაქ თბილისში საცხოვრებლად გადმოსახლებულნი. როგორც ვხედავთ, საქართველოში რუსული მმართველობის შემოღების შემდეგ ქალაქ თბილისში მახტის გადასახადელთა რიცხვი უნდა გაზრდილიყო. თბილისში მახტა ხაზინის სასარგებლოდ 4000 მანეთის რაოდენობით იკრიფებოდა. სახელმწიფო შემოსავლის გადიდების მიზნით, საქართველოს მთავარმართველმა ერმოლოვმა გამოაქყოკომისია, რომელსაც ევალეზოდა დაედგინა გადასახადების შინაარ-

⁴⁶ ЦГИАЛ, Ф. 1268, Кавказский комитет, д. 170-6, л. 2.

⁴⁷ ЦГВИА, Ф. ВУА, д. № 607, л. 93.

⁴⁸ საქ. ც. ს. ს. ა, ფ. 254, საქ. № 145, გვ. 1.

⁴⁹ Акты КАК, I, № 353, გვ. 294.

⁵⁰ საქ. ც. ს. ს. ა, ფ. 254, საქ. № 145, გვ. 114-116.

⁵¹ Акты КАК, II, № 139, გვ. 91.

სი. კომისიას ევალებოდა გაერკვია: ვის ევალებოდა გადასახადის გადახდა, რა რაოდენობით იქნა იგი ხაზინის სასარგებლოდ აკრეფილი, გადასახადის გადამხდელი მოსახლეობის რაოდენობა, რა ბოროტმოქმედება იქნა ჩადენილი გადასახადის ამკრეფთა მიერ. კომისიას ევალებოდა შეემოწმებინა ადგილობრივი გადასახადები. კომისიის მუშაობის მიზანი იყო დაედგინა სახელმწიფო შემოსავალ-გასავალი ქალაქ თბილისში⁵².

კომისიის ძიების შედეგად გამოირკვა, რომ ერეკლე II-ის დროს ქალაქ თბილისში მოქალაქეთა 556 კომლი ვალდებული იყო 4000 მანეთი მახტა გადაეხადა. უფრო გვიან, ძნელბედობის გამო, თბილისში მოქალაქეთა რიცხვი საკმაოდ შემცირებულა და, მიუხედავად რუსული მმართველობის აქ დამყარებისა და შემდგომ შემწილი ვითარებისა, 1817 წლისათვის თბილისში მოქალაქეთა მხოლოდ 416 კომლი მოსახლეობდა. მათ რიცხვში შედიოდა მოქალაქეთა 19 კომლი, რომლებიც გათარხნებულნი ყოფილან, ხოლო თარხნობის გაუქმების შემდეგ იხდიდნენ გადასახად მახტას. მოქალაქეთა რიცხვის ასეთი შემცირების გამო მათთვის სამძიმო გამხდარა 4000 მან. მახტის გადახდა, და ამიტომ მოქალაქეებს მახტა გადაუხდევინებიათ თბილისში ახლადდასახლებულ უცხოელთათვისაც. ახლადმოსულნი დარეჯან დედოფალს ეკუთვნოდნენ. ისინი დარეჯან დედოფალს გადასახლებამდე უხდიდნენ ყოველწლიურად 300 მანეთ გადასახადს მახტას სახელწოდებით. სწორედ მათთვის 1809 წელს მოქალაქეებს გადაუხდევინებიათ 363 მან. ვერცხლით. ეს თანხა მოქალაქეებისაგან აკრეფილ მახტას შეუერთდა და ხაზინას ჩაბარდა⁵². 1810 წელს მოქალაქეებმა „ახალმოსულებს“ 693 მან. 90 კაპ. მახტა გადაახდევინეს.

მახტა, როგორც ეს პირველ თავში უკვე გამოჩეული გვექონდა, გარკვეულ საზოგადოებაზე ყოფილა გაწერილი. ასევე იკრეფებოდა იგი მე-19 საუკუნის დასაწყისიდან 1817 წლამდე. გადასახადს კრეფდნენ მოქალაქეთაგან არჩეული პირები ხუთიდანთორმეტამდე კაცის რაოდენობით. მათ ებარათ ნუსხები. ამ მოქალაქეებს ორი წლის ვადით ირჩევდნენ. ამორჩეული მოქალაქეები ანაწილებდნენ მოსახლეობაზე დაწესებულ თანხას და ყოველივეს აღნიშნავდნენ ნუსხებში. ორი წლის შემდეგ ამ ნუსხებს ახლადამორჩეულ მოქალაქეებს აბარებდნენ. ეს ამორჩეული მოქალაქენი პასუხისმგებელნი იყვნენ საზოგადოების წინაშე (საზოგადოების სურვილით მომხდარა მახტის გადასახადში სხვა წოდების წარმომადგენელთა შეყვა-

⁵² საქ. ც. ს. ს. ა, ფ. 254, საქ. № 145, გვ. 114—161.

ნაც). აკრეფილი გადასახადი ხაზინას ბარდებოდა. გორგლებსა და ავლაბრელებზე დაკისრებულ მახტას მოურავი კრეფდა⁵³. გადასახადის ამკრეფთა ცნობების საფუძველზე შესაძლებელი ხდება დაახლოებით დადგენა მე-19 საუკუნის დასაწყისიდან 1817 წლამდე აკრეფილი მახტის რაოდენობისა. ზემოგანხილული საბუთის საფუძველზე ჩვენ შემდეგ ცხრილს ვადგენთ:

წლები	მ. სახლეობი-დან აკრეფილი თანხა	ხაზინას ჩაბარდა	გადაუხდელი თანხა,	წინა წლების ნანატი
1802, 1803, 1804	7754 მ.	60 კ.		
1805—1806	8000 მ.	—		236 მ.
1807—1808	6194 მ.	10 კ.	1805 მ.	90 კ.
1809—1810	6700 მ.			
1811—1812	7178 მ.	5413 მ.	40 კ.	
1813—1814	7499 მ.	90 კ.	8000 მ.	502 მ.
1815—1816	8000 მ.	85 კ.	8000 მ.	25 კ.

როგორც საბუთებიდან ირკვევა, გადასახადის აკრეფაში დიდ გაუგებრობას ჰქონდა ადგილი, ეს კი ხელსაყრელ პირობებს ქმნიდა ყოველგვარი ბოროტმოქმედებისათვის. საქართველოს მთავრობის სახაზინო ექსპედიცია, რომელსაც ბარდებოდა აუკრეფელი თანხა, ამ მხრივ გულგრილობასა და უყურადღებობას იჩენდა. იგი კმაყოფილდებოდა მოქალაქეების-ნიერ აკრეფილი მახტით⁵⁴. მთავარმართებელ ერმოლოვის მიერ გამოყოფილმა კომისიამ გამოთქვა მოსაზრება, რომ, ვინაიდან მოქალაქეთა ქონებრივი შესაძლებლობა საქართველოში რუსული მმართველობის შემოღების შემდეგ გაიზარდა, ამიტომ გადასახადი მახტა, 4000 მან. რაოდენობით, დადებულ იქნას მხოლოდ მოქალაქეებზე. უცხო ქვეყნიდან თბილისში საცხოვრებლად ახლადგამოსახლებულებს, რომლებიც 1817 წლისათვის 609 კომლს შეადგენდნენ და 1810 წლიდან მოქალაქეებთან ერთად იხდიდნენ მახტას (4000 მან. რაოდენობით), მოქალაქეთაგან გან-

⁵³ საქ. ც. ს. ს. ა, ფ. 254, საქ. № 145, გვ. 14.

⁵⁴ საქ. ც. ს. ს. ა, ფ. 254, საქ. № 145, გვ. 160—161.

სხვაეებით, დაედოთ 1800 მან. მახტა, რაც შეადგენდა დაახლოებით 3 მანეთს კომლზე. ამრიგად, ახლადგადმოსახლებულნი გადასახად მახტას მოქალაქეებთან ერთად აღარ იხდიდნენ. მახტა დაედოთ საუფლისწულო გლეხებსაც, რომელთა ნაწილი უფლისწულთა მამულების ხაზინისათვის გადაცემის შემდეგ (1804 წ.) არათერს არ იხდიდა, ხოლო ნაწილი შედიოდა მოქალაქეებთან ერთად 4000 მან. მახტის გადამხდელთა რიცხვში. საუფლისწულო გლეხები 1817 წლისათვის თბილისში 931 კომლს შეადგენენ. კომისიამ გამოთქვა მოსაზრება, რათა ამ კატეგორიის გლეხებზე დაედოთ მახტა 2800 მან. რაოდენობით, რაც შეადგენდა კომლზე 3 მან. ცოტა მეტს. მახტისაგან განთავისუფლებულნი უნდა ყოფილიყვნენ სურსათის გადამხდელი საეკლესიო და მემამულეთა გლეხები, რომელთა რაოდენობა თბილისში 1817 წლისათვის 1163 კომლს შეადგენდა⁵⁵. გადასახადების აკრეფა უნდა მიმხდარიყო წელიწადში ორჯერ. იანვრიდან პირველ მარტამდე და ოქტომბრიდან 15 დეკემბრამდე. გადასახადების გადაუხდელობის ორი კვირის შემდეგ „ნედლომკა“ პროცენტებით იკრებოდა. გადასახადს ნუსხების მიხედვით კრეფდნენ წოდებიდან ამორჩეული პირები. ისინი აკრეფილ თანხას სახაზინო ექსპედიციას აბარებდნენ. ამრიგად უნდა გადიდებულიყო ქალაქიდან შემოსული სახაზინო შემოსავალი მახტა. კომისიის მიერ წამოყენებული ყველა მოსაზრება უმაღლესი ბრძანებულებით დადასტურებულ იქნა 1823 წელს⁵⁶. გადასახადის გადაუხდელობის შემთხვევაში მთავრობა ძალდატანებას მიმართავდა. 1854 წლის ერთ-ერთ საბუთში ვკითხულობთ:

„...ტფილისის გოროდოვოის ობჩესტვენის უპრავლენიე გამოუცხადებს გრაჟდანიისა ოჰან გასპაროვისა ჩაწერილისა კომერალნი აღწერაში 1848 წლის ნოემბერსა ქვეშე № 2258 მისთვის. რომელ იმაზედ ირიცხება ხარჯის ნედლომკა... და არის იმაზედვე შეწერილი 1854 წლის ხარჯი მახტა და მასრაფი 1 მანეთი და 60 კაპიეკი, რომელიც ვალდებულ არს ზემომოხსენებული ნედლომკა და ხარჯი შემოიტანოს გოროდოვოის უპრავლენიეში, სადაც მიიღებს კვიტანციასა კაზნაჩიისაგან. ნედლომკა ახლავე მიღებისამებრ ამა უწყებისა და ხარჯი პირველის ნახევრისა მარტში და მეორე ნახევრისა აგვისტოს თვეში და იმაზედაც აღრე სრულის წლისა ერთად. და ვინცა გადააცილებს იმა ვადებსა, რომელიც ამ უწყებაში ნა-

⁵⁵ საქ. ე. ს. ს. ა, ფ. 254, საქ. № 145 გვ. 160—161.

⁵⁶ Полное собрание законов Российской Империи, т. 38, გვ. 763—766.

ჩვენებია, მაშინ ვოენნის ეკზეკუციით ძალა დაეტანებათ, გამოიტანენ იმათის სახლებიდან ნივთებსა და გაიყიდება აუქციონის ტორგით, ხოლო ამას გარდა მიღებულ იქნება სხვა კანონიერი ზომა და ძალის დატანება. იანერის დღესა 1854 წელსა“⁵⁷.

როგორც ზემომოყვანილ 1854 წლის საბუთში დავინახეთ, ასეთი წესით იკრიფებოდა მახტა უფრო ადრეც (მაგ. 1849 წ.)⁵⁸.

1849 წლიდან გადასახადი მახტა კოზლზე სამი მანეთის რაოდენობით ქალაქის ყველა მცხოვრებზე იქნა დადებული, ხოლო მოქალაქეებზე 9 მან. და 20 კაპ. ვერცხლით. ამას ადასტურებს 1849 წლით დათარიღებული შემდეგი დოკუმენტი:

„По прежнему камеральному описанию до 1841 года числилось по г. Тифлису городских жителей платящих подати, а именно:

По обществу мокалаков—499 семейств.

По обществу вновь поселившихся обывателей—1205 семейств.

Удельных крестьян—1444 семейств.

Крестьян церковных—484 семейств и помещичьих—1145 семейств.

Все казенные крестьяне не были обложены уравнительными податями, а отбывали подать под названием махта, по раскладкам обществ; С сего 1849 года все городские обыватели, как казенного ведомства, так и равно церковные и помещичьи крестьяне обложены подымною махтавою податью по 3 руб. сереб. каждое семейство в год, а мокалаки по 9 руб. 20 коп. серебром. Это новое обложение последовало с поводом произведенной в 1848 году проверки камеральных описаний жителям городов Тбилисской Губернии, по которой в Тифлисе открыто городских обывателей казенного ведомства платящих подати: по обществу мокалак—757 семейств, вновь поселившихся обывателей или граждан, с присоединением и удельных крестьян—3663 семейств; крестьян церковных—847 семейств и помещичьих—551 семейств“⁵⁹.

⁵⁷ ხელნაწერთა ინსტიტუტი, ფ. Qd, საქ. № 3679.

⁵⁸ ЦГИА.л. Ф. 1268; Кавказский Комитет, д. № 45, л. 3. д. № 170-6, л. 2.

⁵⁹ ხელნაწერთა ინსტიტუტი, ფ. 8, საქ. № 48.

ამრიგად, როგორც ვხედავთ, სახელმწიფო-ფულადი გადასახადი მახტა მე-19 საუკ. პირველ ნახევარში თანდათან იცვლის სახეს. მახტას მოცულობა მატულობს გადამხდელთა ზრდის ხარჯზე. მახტას მე-19 საუკუნიდან მართო მოქალაქენი კი არ იხდიან, არამედ 1810 წლიდან მათ ემატებათ სხვა ქვეყნებიდან თბილისში საცხოვრებლად გადმოსახლებული უცხოელები და საუფლისწულო მამულებში მცხოვრები გლეხები. გადამხდელთა ამგვარი შემადგენლობა 1823 წლისათვის უმაღლესი ბრძანებულებით საბოლოოდ დაკანონებულია. 1849 წლიდან მახტის გადახდა ქალაქის ყველა მცხოვრებს ევალებოდა, მათ შორის თბილისში მცხოვრებ საეკლესიო და ყმა გლეხებსაც. მახტის მოცულობა იზრდება, რადგანაც იგი საზოგადოებაზე დადებულ გადასახადად კი არ რჩება, როგორც ამას ადგილი ჰქონდა მე-18 საუკუნეში და მე-19 საუკუნის 40-იან წლებამდე; არამედ იგი უკვე კომლობრივ გადასახადად გვევლინება. მე-19 საუკუნის 40-იანი წლების მახტა აღარ ჰგავს წინანდელ გადასახად მახტას. ამ გადასახადმა მნიშვნელოვანი ცვლილება განიცადა. მახტის, როგორც ფულადი გადასახადის ზრდა. დაკავშირებულია 1843—1845 წლებში გატარებულ საფინანსო რეფორმასთან. კომლობრივად მახტის დაწესებაც ამ რეფორმის გატარების შემდეგ მოხდა. ამიერიდან მახტის სახელწოდებით ცნობილია თბილისის მცხოვრებლებზე კომლობრივად დაწესებული ფულადი გადასახადი.

მახტასთან ერთად უნდა აღინიშნოს მეორე ფულადი სახის გადასახადი—მალი. მალი მე-19 საუკუნეში უცვლელად იქნა დატოვებული, ე. ი. დარჩა ფულად გადასახადად. იგი დაწესებული იყო უცოლშვილოზე—60 კაპ., ხოლო ცოლშვილიანზე 1 მან. და 20 კაპ. მე-19 საუკუნეში გადასახად მალს ჩვენ ვხვდებით მხოლოდ თბილისსა და გორში⁶⁰. გადასახადი მალი ევალებათ მოქალაქეებსა და სახაზინო გლეხებს. მას, ისევე როგორც მახტას, მოქალაქეები კრეფდნენ. 1802. 1803 და 1804 წ. განმავლობაში ქ. თბილისში აკრეფილ იქნა 2350 მან. 50 კაპ. მალი⁶¹. 1807 წლამდე სახაზინო ექსპედიციამ მოახდინა კამერალური აღწერა და თბილისის მცხოვრებლებს დააკისრა. უოველწლიურად 1167 მან. 60. კაპ. მალის გადახდა. ამრიგად, 1805 წლიდან 1817 წლამდე ქალაქ თბილისის მცხოვრებთაგან აკრეფილ იქნა სულ 9463 მან. 60 კაპ. მალი, ხოლო აუკრეფავი დარჩა 2730 მან. 90 კაპ⁶¹. მთავარ-

⁶⁰ АКТЫ КАР. ტ. I. № 171, გვ. 207; № 593, გვ. 492; ტ. IV, № 35, გვ. 35; ტ. V, № 327, გვ. 265.

⁶¹ საქ. ც. ს. ს. ა, ფ. 254. საქ. № 145, გვ. 118.

მართებელ ერმოლოვის მიერ დანიშნულმა კომისიამ, მახტასთან ერთად, მალის საკითხიც გამოარკვია. აღმოჩნდა, რომ მოქალაქეებმა მათზე ყოველწლიურად დაკისრებული თანხის გადამხდელთა რიცხვში ახლადგადმოსახლებულებიც შეიყვანეს. მაგ., 1810 წელს მოქალაქეებს მათთვის 283 მან. მალი გადაუხდევნებიათ.

„Подать малла не имеет никакой определенности, подвержена многим злоупотреблениям. При царях грузинских соби-
ралась оных по одному рублю двадцати копеек с женатых, и по шестидесяти копеек с холостых, от пятнадцатилетнего возраста. Следуя сему, подлежит правительству вести верное исчисление всем жителям женатым и холостым с возобновлением Оного ежегодно, но таковая мера весьма неудобна, тем более, что до самого учреждения комиссии не было порядочного исчисления жителей и в первые годы Казенная Экспедиция, принимала махты без всякого расчета только то, что ей доставляли коменданты. По сим уважениям общее собрание полагает, отменив во все означенную подать, взамен оной прибавить на мокалаков к 4000 рублям махты шестьсот рублей, на людей вновь поселившихся и удельных сверх определяемой с них маллы уже не прибавлять“⁶².

კომისიის მოსაზრება უმაღლესი ბრძანებულებით დამტკიცებულ იქნა 1823 წელს⁶³. 1823 წლამდე კი მალი ძველებურად იკრიფებოდა⁶⁴. მართლაც, უფრო გვიანდელ საბუთებში გადასახადი მალი აღარ გვხვდება. გადასახად მახტას კომლობრივ გადასახადად ქცევასთან დაკავშირებით მალიც მახტის ნაწილად იქცა და მოქალაქეებზე კომლობრივად განაწილებულ მახტას დაემატა.

ზემოაღნიშნულმა კომისიამ მახტასთან და მალთან ერთად გამოარკვია ქალაქ თბილისში გადასახად კულუხის მდგომარეობაც. კომისიის მიერ შეკრებილი ცნობების მიხედვით, თბილისში დემურჩასალის ბალებიდან იკრიფებოდა გადასახადი კულუხი. ამავე კომისიის ცნობებით, საქართველოში რუსული მმართველობის შემოღებიდან 1807 წლამდე გადასახადი კულუხი ქალაქ თბილისში უცვლელად იქნა დატოვებული და ამ ხანის განმავლობაში აკრეფილ იქნა სულ 200 მან. და 37 კაპ.⁶⁵, ხოლო 1807 წლიდან კი 1817

⁶² საქ. ც. ს. ს. ა, ფ. 254, საქ. № 145, გვ. 147—148.

⁶³ Полное собрание законов Российской империи, т. 38, гл. 763—766.

⁶⁴ საქ. ც. ს. ს. ა, ფ. 254, საქ. № 517, № 476..

⁶⁵ საქ. ც. ს. ს. ა, ფ. 254, № 145, გვ. 118.

წლამდე დაწესებულ იქნა ყოველწლიურად 70 მან. გადასახადი. ამ-
რიგად, 1807 წლიდან 1817 წლამდე აკრეფილ იქნა 630 მან. კუ-
ლუხი, აუკრეფთავი დარჩა 70 მან.⁶⁶. როგორც ვხედავთ, გადასახადი
კულუხი ქალაქ თბილისში ფულად გადასახადად ქცეულა. ეს გა-
რემოება უმაღლესი ბრძანებულებით დადასტურებულ იქნა 1823
წელს⁶⁷ (აღსანიშნავია, რომ კომისია არკვევდა მხოლოდ ქალაქ
თბილისში აკრეფილი კულუხის რაოდენობას). კულუხის ფულად გა-
დასახადად ქცევის ცდები მთავარმართებელ ციციანოვის დროიდან
ხდებოდა. კულუხმა ფულადი სახე, თბილისს გარდა, საქართვე-
ლოს სხვა კუთხეებშიც მიიღო. იგი იკრიფებოდა ყოველწლიურად
ღვინის მოსავლის შეფასების მიხედვით⁶⁸. მას კაპიტან-ისპრავნიკე-
ბი კრეფდნენ. კულუხი ფულად გადასახადად იხსენიება თელავისა
და სიღნაღის მაზრებშიც⁶⁹.

მე-19 საუკუნის საბუთების ნაწილში ფულად გადასახადად მო-
ხსენებულია საბალახე. საბალახეს თანხა კულუხთან შედარებით თით-
ქოს ერთგვარად უფრო დადგენილი იყო—ცხვარზე 2 მანეთი, ხოლო
ბატკანზე 1 მან. და 60 კაპ. (მაშინ როდესაც კულუხი მოსავალზე
იყო დამოკიდებული და მოსავლის აღების შემდეგ იკრიფებოდა
ფული. მხოლოდ თბილისში იყო დაწესებული ყოველწლიურად 70
მან. კულუხის გადახდა). ამ რაოდენობით იკრიფებოდა საბალახე
1810 წლის საბუთების მიხედვით⁷⁰. ასევე იკრიფებოდა იგი 1820
წელს⁷¹ და 1824 წელსაც⁷². ამ გადასახადს ფშავ-ხევსურეთში მო-
ურავი კრეფდა⁷³. საბალახე, კულუხთან ერთად, 1804 წლიდან ფუ-
ლად გადასახადად უნდა ქცეულიყო. საბუთების მიხედვით, ფშავ-
ხევსურეთში საბალახის რაოდენობის დაკანონება მოხერხდა, რად-
განაც საქონლის რიცხვი დაკანონებული იყო. იმ დროისათვის არა
თუ საქართველოს მთიან რაიონებში, არამედ ბარშიაც კი ამ გა-
დასახადის ფულად გადასახადად ქცევა სავსეა. საფიქრებელია,
რომ სახაზინო ექსპედიცია ნატურის სახით კრეფდა საბალახეს
და მერე თვით ჰყიდდა საქონელს. გადასახად საბალახეს შე-

⁶⁶ საქ. ც. ს. ს. ა, ფ. 254, საქ. № 145, გვ. 118.

⁶⁷ Полное собрание законов Российской империи, т. 38, гв. 763—766.

⁶⁸ ЦГВИА, Ф. ВУА, д. № 609, л. 93.

⁶⁹ საქ. ც. ს. ს. ა, ფ. 16, საქ. № 1615, გვ. 57, ფ. 254, საქ. № 476, გვ.

⁷⁰ Акты КАЗ, т. IV, № 25, гв. 25, საქ. ცსსა, Ф. 254, д. № 476, 312.

⁷¹ Акты КАЗ, т. IV, № 25, гв. 25, საქ. ცსსა, Ф. 254, д. № 476.

⁷² საქ. ცსსა, ფ. 254, საქ. № 312, გვ. 124.

⁷³ ЦГВИА, Ф. ВУА, д. № 607, გვ. 93.

სახებ 1810 წლით დათარიღებულ ერთ-ერთ საბუთში ვკითხულობთ: „Подать сия бумага при парях и ныне взимскивается в натуре. Продаются бараны от экспедиции желающим с публичного торгу для превращения же оной в денежную“⁷⁴. ამრიგად, მიუხედავად მთავრობის სურვილისა, ჯერ კიდევ არ ხერხდება ყველა გადასახადისათვის ფულადი სახის მიცემა. საჯარო ვაჭრობის შემთხვევაში მხოლოდ მიახლოებით შეიძლება ასაკრეფი თანხის ვარაუდი. ეს რომ მართლაც ასეა, ამას ამტკიცებს 1835 წლის საბუთი, რომელიც გორისა და ქვემო ქართლის საძოვრებს შეეხება. ამ საბუთში ნათქვამია: „...Под именем Сабалахо, известный доход за пастьбу скота, мы соображаясь с таковым в других местах собираемым, полагаем определить следующий с каждой сотни баранов по одному барану в натуре; сбор сей, как мы полагаем, может простираться в год на тысячу рублей серебром, а со временем и более“⁷⁵.

როგორც ვხედავთ, აქ ვარაუდობენ გადასახადის გარკვეული თანხით გადახდის შესაძლებლობას და ჯერ კიდევ 1835 წელს, როგორც ჩვენ მიერ ზემოთ მოყვანილი საბუთი გვიჩვენებს, არ ხერხდება გადასახადის რაოდენობის დადგენა და არც ფულადი სახის მიცემა. საბალახეს, ისევე როგორც კულუხს, მთავრობა ფულად სახეს აძლევს მაშინ, როდესაც მოსახერხებელია. თუშ-ფშავ-ხევსურეთში საბალახე ნატურალურ გადასახადად დარჩა 1843—1845 წლების საფინანსო რეფორმის გატარების შემდეგაც.

საბალახე, საფიქრებელია, ტერიტორიულად მხოლოდ იქ ვრცელდებოდეს, სადაც მოსახლეობის წამყვანი ჩეურნეობა შესაქონლეობა იყო.

მე-19 საუკუნის პირველ წლებში (1804) უნდა მომხდარიყო ზოგიერთი ქართული ნატურალური გადასახადისათვის ფულადი სახის მიცემა. ასეთებია, მაგალითად, სააღდგომო, საშობაო, საკომლო, სამასპინძლო, გასამყრელო, შევარდენი, ნაბადი და სხვ. ყველა საბუთში ეს გადასახადები ერთად მოიხსენიება როგორც ფულადი გადასახადები და ერთად იკრიფება. აკრეფილი თანხა ბარდება საქართველოს უმაღლესი მთავრობის სახაზინო ექსპედიციას⁷⁶.

⁷⁴ ЦГВИА, ფ ВУА, საქ. № 607, ფ. 93.

⁷⁵ საქ. ცსსა, ფ. 254/99, საქ. № 1179, გვ. 12.

⁷⁶ Акты, КАК, ტ. IV, № 34, გვ. 35; ტ. V, № 327, გვ. 265, საქ. ც. ს. ს. ა. ფ. 254, საქ. № 476, ფ. 16, საქ. 1615, გვ. 25—31.

ცალკე უნდა აღინიშნოს გადასახადი საქვრივო, რომელმაც 1816 წელს მიიღო ფულადი სახე⁷⁷.

გარდა ზემოაღმოთვლილი გადასახადებისა, არანაკლებ მძიმე იყო საქართველოს მოსახლეობისათვის სამხედრო სასურსათო ბეგარა-გადასახადების გადახდა. როგორც აღენიშნეთ, ჯარის მომარაგება საქართველოს მწარმოებელი საზოგადოების ხარჯზე ხდებოდა. ამ გადასახადებს გარდა, რომლებიც ჩვეულებრივ იკრიფებოდა, მთავრობა, საქიროების შემთხვევაში, რეკვიზიციის წესით კრეფდა მოსახლეობიდან პურს, აწარმოებდა განაწილებას, თუ რომელ სოფელს რამდენი კოდი პური უნდა გაეღო ჯარის მომარაგებისათვის; იმ შემთხვევაში, თუ მოსახლეობისაგან პურს ვერ აკრეფდა, მაშინ ეგზეკუციას ჩააყენებდა და ძალით მიჰქონდა სურსათსანოვადე.

მთავრობა გადასახადს ზემოთ აკრეფილი პურისათვის ფულს უხდიდა მოსახლეობას. ეს თანხა თავისთავად მეტად მცირე იყო (მთავრობა მოსახლეობას კოდ პურში 1 მან. 20 კაპ. უხდიდა, მაშინ როდესაც თვით გლეხი ბაზარზე 4 მან., 7 მან. და ხშირად უფრო ძვირადაც ყიდულობდა). ხშირად ამ ფულსაც მოხელეები ითვისებდნენ და მოსახლეობაზე მათი კუთვნილი თანხა ვერ აღწევდა⁷⁸. ამ სახით აკრეფილ პურს მოსახლეობისათვის იმავე გადასახადის მნიშვნელობა ჰქონდა. უფრო მეტიც, აუტანელი სამხედრო ბეგარა არაერთხელ განხდარა აჯანყების ერთ-ერთ მიზეზად (1804 წლის მთიანეთის აჯანყება, 1812 წლის კახეთის გლეხთა აჯანყება და სხვ.)⁷⁹.

საქართველოდან აკრეფილი პურადი გადასახადები საპროვიანტო მალაზიებს ბარდებოდა. საპროვიანტო მალაზიები იყო: 1. თბილისში, 2. გორში, 3. სურამში, 4. დუშეთში, 5. კაიშაურში, 6. სიღნაღში, 7. ხაშში, 8. ყვარელში, 9. მანგლისში, 10. წალკაში, 11. ლორში, 12. გუმრში, 13. ბაშქიჩეთში, 14. ახალციხეში, 15. აწყურში, 16. სტრანოოკოპში, 17. ახალქალაქში, 18. ხერთვისში⁸⁰.

1801—1844 წლებში კავკასიის სამხედრო ოლქის საინტენდანტო სამმართველოს მიერ საინტენდანტო ნაწილის მოქმედების

⁷⁷ Акты КАК, т. V. № 323, გვ. 262.

⁷⁸ ЦГВИА, ф. ВУА, д. № 4258, გვ. 292.

⁷⁹ ЦГВИА, ф. ВУА საქ. 4258, გვ. 302, 303, 235, 284, 324, 340, 363, 369, 424, 432, 438, 453, 463, 465, 490.

⁸⁰ ЦГИАЛ, ф. 1268, Кавказский Комитет. д. № 44, л. II.

შესახებ შედგენილი ანგარიშის⁵¹ მიხედვით, აკრეფილი საგადასახადო სურსათის რაოდენობა შეიძლება შემდეგნაირად წარმოვიდგინოთ (აქ მოცემულ ტაბულაში მხოლოდ საგადასახადო სურსათია წარმოდგენილი):

წლები	აკრეფილი სურსათი	ფურაჟი	შენიშვნა
1800	48878 კოდი. ან 10719 ჩეტ.		
1801—1805	12740 ჩეტ. ფქვილი	3100 ჩეტ. ბურღული	
1806—1809	43860 ჩეტ. ფქვილი	30450 ფუთი შგრია	
1810—1815	68014 ჩეტ. ფქვილი	14835 ჩეტ. ბურღული	
1816—1826	120000 ჩეტ. ხორბალი	1800 ჩეტ. ბურღული	ამ რაოდენობაში ახლადშემოერთებული პროვინციებიდან შემოსული გადასახადიც შედის.
1827—1831 1832—1837			მოყვანილია ციფრები საერთოდ დამზადების შესახებ, ხოლო საგადასახადო პურზე არაფერია ნათქვამი.
1839	39415 ჩეტ. ფქვილი	10424 ჩეტ. ბურღული	აღნიშნულ რაოდენობაში იგულისხმება მთლიანად ამიერკავკასია, დაღესტანისა და დასავლეთ საქართველოს გარდა.
1840	39550 ჩეტ. ფქვილი	7669 ჩეტ. ბურღული	ამიერკავკასია მთლიანად.
1842	47569 ჩეტ. ხორბალი	15748 ჩეტ. ქერი და ბურღული	ამიერკავკასია მთლიანად.
სულ 1839— 1842	126534 ჩეტ. ფქვილი	30630 ჩეტ. ბურღული	
1843	52682 ჩეტ. ხორბალი	14275 ჩეტ. ქერი	
1844	54515 ჩეტ. ხორბალი	9341 ჩეტ. ქერი	

⁵¹ ი. ა. ნ თ ე ლ ა ვ ა, მასალები საქართველოს ეკონომიური ისტორიისათვის. საისტორიო მოამბე, თბილისი, 1950, № 5, გვ. 287—429.

აქ წარმოდგენილი მასალა სრული არ არის. ხშირად ცნობები გვაქვს მთელი ამიერკავკასიიდან შემოსული „სურსათის“ შესახებ (სურსათად ამ შემთხვევაში იგულისხმება მთლიანად ჯარის საკვები, აკრეფილი აუცილებელი გაყიდვით თუ გადასახადებითა და თავისუფალი ვაჭრობით), ხოლო აღმოსავლეთ საქართველოზე არაფერია ნათქვამი. გადასახადი კომლობრივ იკრიფებოდა. ამავე საბუთში მოყვანილი ცნობებიდან ირკვევა, რომ 1801 წლიდან 1805 წლამდე აკრეფილ გადასახადს—12740 ჩეტ. ფქვილისა და 3100 ჩეტ. ბურღულს გარდა; საქართველოშივე აქ მდგომი ჯარისათვის აუკრეფიათ, ნაწილობრივ რეკვიზიციითა და ნაწილობრივ თავისუფალი ვაჭრობით, დაახლოებით 199680 ჩეტვერიკი ფქვილი და 9302 ჩეტ. ბურღული. ფურაჯის დამზადება საქართველოში ხდებოდა ნაწილობრივ კომისიონერების და ნაწილობრივ ჯარის ნაწილების მიერ. 1806 წლიდან 1809 წლამდე საქართველოს მცხოვრებთაგან როგორც გადასახადის სახით, ისე რეკვიზიციითა და თავისუფალი ვაჭრობით აუკრეფიათ სულ 274535 ჩეტ. ფქვილი, 10855 ჩეტ. ბურღული, 967076 ჩეტ. შერია და 11400900 ფუთი ბურღული.

1810—1815 წლების სურსათი შემდეგნაირად შეიძლება წარმოვიდგინოთ:

	ფქვილი	ბურღული	შერია	თივა
გადასახადის სახით შემოვიდა	68014 ჩეტ.	14835 ჩეტ.	—	—
ამას გარდა აკრეფილ იქნა აღმოსავლეთ საქართველოში პურეული და ფქვილი	287100 ჩეტ.	26465 ჩეტ.	745483 ჩეტ.	8255000 ფუთი
ცხრილში, სადაც აღნიშნულია ფქვილი უნდა ვიგულისხმოთ ხორბალი და ფქვილი ერთად				

1811 წელს საქართველოში სურსათის დამზადება ერთობ გაძნელდა. მოსახლეობას მთელი მოყვანილი პური გადასახადებისა და იძულებითი შესყიდვისათვის მოუნდომებია, ხოლო გასაყიდი პური აღარ დარჩენილა. ამიტომ მთავრობამ უკანასკნელ საშუალებას მიმართა — გახსნეს ორმოები, სადაც მოსახლეობის საკვები ინახებოდა, მაგრამ ვერც ამან გამოიღო შედეგი. სოფლებში ჩაყენებულ იქნა

ეგზეკუციები. ჯარისათვის უნდა დამზადებულიყო კიდევ 1546 ჩეტვერიკი ფქვილი და 4082 ჩეტვერიკი ბურღული. ამ დროის განმავლობაში საქართველოს მცხოვრებლებს, გარდა საგადასახადო პურისა, დაუმზადებიათ კიდევ 30000-მდე ჩეტვერიკი სურსათი; მთავრობას შეუსყიდია 11000 ჩეტვერიკი. ყოველივე ამის შედეგად მოსახლეობა ისე შეწუხებულა, რომ ახალი განაწილება ჯარისათვის ასაკრეფავი პურისა შეუძლებელი შექმნილა. გარდა საგადასახადო სურსათისა, მცხოვრებლებს 41000 ჩეტვერიკი სურსათი გადაუხდიათ⁸². 1815—1826 წლებში აღმოსავლეთ საქართველოსა და მის პროვინციებში დამზადებულა 1300000 ჩეტ. ფქვილი და 120000 ჩეტ. ბურღული.

ჯარის მომარაგება რუსეთ-თურქეთის ომის პერიოდში ადგილობრივ მოსახლეობას აწევა მძიმე ტვირთად. მთავრობა არავითარ საშუალებას არ ზოგავდა, რომ ჯარი უზრუნველყო საკვებით და, რასაკვირველია, ომის ეს სიმძიმე ამიერკავკასიის მოსახლეობას დაეკისრა. 1827—1837 წლებში ჯარის მომარაგება აღმოსავლეთ საქართველოში შემდეგი საშუალებებით ხდებოდა: 1. საგადასახადო პურით, 2. საქართველოს თავად-აზნაურთაგან იღებდნენ იჯარით, 3. კომისიონერების საშუალებით ხდებოდა მოსახლეობიდან შესყიდვა, 4. სოფლებზე ანაწილებდნენ ხაზინისათვის იძულებით მისაყიდ სურსათს. 5. ჯარის ნაწილები თვით იძენდნენ სურსათ-სანოკავეს, ასეთივე ხერხებით ხდებოდა ჯარის საკვების აკრეფა მომდევნო წლებშიც.

როგორც ვხედავთ, ერთობ დიდი იყო საქართველოს ეკონომიური როლი ამიერკავკასიაში მდგომი ჯარის მომარაგების საქმეში. რეგულარული ჯარის მომარაგება ახალი, უჩვეულო და განსაკუთრებით მძიმე იყო ფეოდალური საქართველოსათვის. რეგულარული ჯარი არ იყო ფეოდალური ლაშქარი, რომლის მომარაგებისათვის საკმარისი იყო საგადასახადო სურსათი. როგორც სამართლიანად აღნიშნავს ალექსანდრე ჰავკავაძე: „Новое правительство основываясь на том, что жители Грузии содержали когда-то вспомогательные войска своим провиантом, положило, что для народа продовольствовавшего прежде войска даром, назначение малых цен на то самое продовольствие не должно быть чувствительно. Но правительство не входило в рассмотрение, что

⁸² ი. ანთელავა, მასალები საქართველოს ეკონომიური ისტორიისათვის, საისტორიო მოამბე, თბილისი, 1950, № 5, გვ. 301—307.

1827 წლიდან 1837 წლამდე დაზღავრებული სურსათი და ფურაჟი უმღვეინარიად წარმოგვიდგება

წ ლ ი ბ ი	ფქელი	ბურღული	ქერი	ქერი და შერია ფურაჟისათვის	თივა	ჩალა
1827 წელს დაზღავრდა საქართველოში	85186 ჰეტ.	21000 ჰეტ.	17986 ჰეტ.	100000 ჰეტ.	1900000 ჰეტ.	130000 ფუთი
1828	110000	10122	71000	101000	1900000	100000
1829	96800	4800	17000	100000	1580000	120000
1830	100000	20000	30000	50000	1137000	80000
1831	70800	10000	20000	60000	1020000	80000
1832 წელს საქართველოსა და ამიერკავკასიის პროვინციებში დაზღავრდა	91700 ჰეტ.	13156 ჰეტ.	100000 ჰეტ.	—	1030000 ფუთი	90000 ფუთი
1833	61613	10506	79815	16000	955000	79000
1834	116682	16000	95587	—	901000	376000
1835	108120	13296	77352	7677	869700	67158
1836	41781	7102	—	88000	898000	70000
1837	81865	6296	—	103000	1130000	68000

1837 წლიდან 1845 წლამდე საქართველოსა და ამიერკავკასიის პროვინციებში აკრედიტი კრონიანი (მარლიანად) და საგადასახადო სურსათი შემდგენიარად წარმოგვიღებთ:

წ ლ ე ბ ი	ფქვილი	ბურღული	ქერი	ქერი და შუ- რია ფურაეი- სათვის	თივა	ჩალა
			ჩებვერიკები			
1838 წელს დამზადდა აღმოსავლეთ სა- ქართველოს და ამიერკავკასიის პროვინ- ციებში	105236	11578	87143	—	1060000	68000
1839 წელს დამზადდა	89798	7640	98000	—	1060000	68000
აიკრიფა საგადასახადო სურსათი	39415	10427	—	1062000	68000	—
1840 წელს დამზადდა	83638	13841	91421	—	—	—
აიკრიფა საგადასახადო (დალისტინის ჩათვლით)	39550	7669	—	—	—	—
1841 წელს დამზადდა	190370	16454	—	—	1000000	64000
ფურაეი საქართველოში	—	—	94000	—	1000000	64000
1842 წელს დამზადდა	168687	15535	89930	—	—	—
საგადასახადო შემოვიდა	47569	15748	20000	—	—	—
1843 წ. ამიერკავკასიის საპროვინციო მალაზიებს ჩაბარდა	141877	14483	—	91648	113000	64000
საგადასახადო აიკრიფა	52682	—	14275	—	—	—
კომისიონერების საშუალებით დამზადდა	15000	1406	12871	—	—	—
1844 დამზადდა	137483	16381	—	—	—	—
აიკრიფა საგადასახადო	54513	—	9341	87917	1000000	60000

значило продовольствие вспомогательных войск при царях сборными хлебом без платы: во первых потребность в вспомогательных войсках представлялась в течении 30 лет четыре или пять раз. Во вторых число тех войск редко превышало 3000 человек, а в третьих их призывали на самое краткое время, для нанесения какого нибудь удара на границах Турции или Персии“⁸³.

სამხედრო ბეგარა-გადასახადები სისტემატურად იკრიფებოდა. ისინი მოსახლეობის გალატაკებას იწვევდნენ, რასაც თან სდევდა მოთმინებიდან გამოსულ გლეხთა ხშირი აჯანყებები.

დასასრულ, მოკლედ შევხვთ გადასახადის აკრეფის წესს, რომელიც ნაწილობრივ განხილული იყო ცალკეული გადასახადების აღწერის დროს.

ზემოჩამოთვლილი გადასახადები ერთსა და იმავე ტერიტორიაზე მცხოვრები მოსახლეობიდან არ იკრიფებოდა. გარკვეულ ტერიტორიაზე მცხოვრებ გლეხობას მსი მეურნეობის შესაფერისი გადასახადი ევალებოდა. კულუხს არ იხდიდა, ვისაც ვენახი არ გააჩნდა, საბალახეს—ვინც მესაქონლეობას არ მისდევდა და ა. შ.

გადასახადს ყველა როდი იხდიდა. გადასახადისაგან სრულიად თავისუფალი იყო სასულიერო წოდება, რის გამო საბაზინო ექსპედიციის ნებადაურთველად იკრძალებოდა ერისკაცის სასულიერო წოდებაში გადასვლა. ყმას კი ბატონის ნებადაურთველად არ შეეძლო სასულიერო წოდებაში გადასულიყო⁸⁴. გადასახადისაგან გარკვეულ დრომდე განთავისუფლებული იყვნენ კოლონისტებიც.

გადასახადების უმრავლესობა კომლობრივი იყო. თავდაპირველად გეხვდებოდა გადასახადები, რომლებიც საზოგადოებას ჰქონდა დაქისრებული, მაგრამ თანდათან ხდებოდა მათი კომლობრივად ქცევა. ხშირია შემთხვევა, როდესაც გადასახადი სოფლებზეა დაქისრებული და ასეთი გადასახადის კომლობრივად ქცევას თვით სოფლის მცხოვრებნი მოითხოვდნენ⁸⁵.

გადასახადის აკრეფა თავდაპირველად მოურავებს ევალებოდათ, ხოლო შემდეგში საერობო ისპრავნიკებს. საერობო ისპრავნიკები აწარმოებდნენ აღწერას, კრფდნენ გადასახადს და აკრეფილ გადასახადს აბარებდნენ საპროვიანტო მალაჩიებს (ბურადს) და ბაზინას (ფულადს). გადასახადის ჩაბარების შემდეგ მიღებულ

⁸³ ЦГИАЛ, ф. 1268, Кавказский Комитет. д. № 9, გვ. 15.

⁸⁴ საქ. ც. ს. ს. ა, თ. 254, საქ. № 143, გვ. 1.

⁸⁵ საქ. ც. ს. ს. ა, თ. 48, საქ. № 747, 748.

ქვეთრებს აბარებდნენ სახაზინო ექსპედიციას⁸⁶. სახაზინო ექსპედიციაში ინახებოდა ნუსხები და აუკრეფავი გადასახადის ანგარიშები. სახაზინო ექსპედიცია ვალდებული იყო მოხელეებისათვის მიეწოდებინა ცნობები. თავის მხრივ, სახაზინო ექსპედიცია მუშაობის შესახებ ანგარიშს უდგენდა ფინანსთა მინისტრს. დადგენილი იყო გადასახადის აკრეფის ვადა, რომლის გასვლის შემთხვევაში გადაუხდელი გადასახადი უკვე პროცენტებით იკრიფებოდა⁸⁷. ხშირი იყო ერთხელ აკრეფილი გადასახადის ხელმეორედ აკრეფის შემთხვევები. მოხელეები ამას სწადიოდნენ ან უფიცობის გამო, ან ბოროტმოქმედების მიზნით. 1811 წლის ერთ-ერთი საბუთის მიხედვით⁸⁸, 1811 წელს გადასახადი გორის მაზრის გლეხებისათვის ხელმეორედ გადაუხდევინებიათ. გორის მაზრის კაპიტან-ისპრავნიკს სახაზინო ექსპედიციისათვის არა თუ არ წარუდგენია პურის ჩაბარების შესახებ საპროვიანტო მალაზიიდან მიღებული ქვითარი, არამედ სახაზინო ექსპედიციისათვის წარდგენილ ანგარიშში არ აღუნიშნავს 1809, 1810 წლების აკრეფილი „ნედლომკა“. მომდევნო კაპიტან-ისპრავნიკმა ხელმეორედ მოითხოვა 1809, 1810 წლებში მოსახლეობაზე შეწერილი სურსათის „ნედლომკა“⁸⁸. ანალოგიური შემთხვევები მრავალია საბუთებში.

მთავრობას ტენდენცია ჰქონდა გადასახადებისათვის ფულადი სახე მიეცა ან პურეულით აეკრიფა. გადასახადების ამ სახით აკრეფა ხელსაყრელი იყო სახელმწიფოსათვის. მთავრობის ამ სურვილის სისრულეში მოყვანა ხშირად არ ხერხდებოდა. მაგალითისათვის შეიძლება დავასახელოთ ზემომოყვანილი ფაქტი, როცა სახაზინო ექსპედიცია იძულებული იყო კულუხისა და საბალახეს საჯარო ვაჭრობა მოეწყო, მაგრამ, მიუხედავად ამისა, ხშირად საშუალოდ ნავარაუდებ თანხასაც ვერ იღებდა. ამის მიზეზი იყო იმდროინდელი საქართველოს საწარმოო ძალების სუსტი განვითარება.

ცალკეული გადასახადების განხილვის დროს ჩვენ შევეხეთ თითოეულ გადასახადში მომხდარ ცვლილებას. ზოგიერთი ბეგარა-გადასახადი, რომელიც იკრიფებოდა მე-19 საუკუნემდე, ამ დროისთვის აღარ ჩანს, მაგალითად, საური, საუდიერო, სალეკო, სარუსო და სხვ. ზემოჩამოთვლილი გადასახადების გაქრობის მიზეზად ახლადშექმნილი საშინაო და საგარეო პირობები უნდა ვივარაუდოთ.

⁸⁶ საქ. ც. ს. ს. ა, ფ. 16, საქ. № 1615, გვ. 90—101.

⁸⁷ ЦГВИА, Ф. ВУА, л. № 607, л. 93.

⁸⁸ საქ. ც. ს. ს. ა, ფ. 16, საქ. № 1615, გვ. 14.

ეს გადასახადები საბუთებში რუსული მწართელობის შემოღების პირველ წლებშივე არა ჩანს. თვით მე-19 საუკუნის პირველ ნახევარში გადასახადები სახეს იცვლის. როგორც ჩვენი ნაშრომის მე-სამე თავში აღვნიშნეთ, მე-19 საუკუნის 40-იან წლებამდე ბეგარა-გადასახადებში მნიშვნელოვან ცვლილებებს კქონდა ადგილი. ნატურალურ გადასახადებს თანდათან ფულადი გადასახადები ცვლის.

ამრიგად, მე-19 საუკუნის 40-იანი წლებისათვის ძირითადად სამგვარი სახის გადასახადები გვხვდება: ნატურალური—სურსათი, კოდის-პური; ნახევრად ფულადი, ნახევრად ნატურალური—ღალა, ყალანი, მახტა; ფულადი—მალი, კულუხი, საბალახე, სააღდგომო, საშობაო, საქერივე; საჩქმე, გასამყრელო, საკომლო, სამასპინძლო, შევარდენი, ნაბადი. აქვე უნდა აღინიშნოს, რომ ჩვენ მიერ აღებული გადასახადების დაყოფა არ გულისხმობს იმას, რომ მათ შორის მკვეთრი ზღვარის გაულება შეიძლებოდა. გარკვეულ ხანაში და გარკვეულ პირობებში ზემოგანხილული გადასახადებიდან თითოეული შეიძლება იყოს ნატურალური სახისა და ფულადი სახისა (მაგალითად, კულუხი და საბალახე იგივე ითქმის სხვა გადასახადებზედაც).

ნატურალურ გადასახადებთან შედარებით ფულადი სახის გადასახადების ზრდის მიუხედავად, მე-19 საუკუნის 40-იან წლებამდე ნატურალური სახელმწიფო ბეგარა-გადასახადების ხვედრითი წონა სჭარბობს ფულადი ბეგარა-გადასახადების ხვედრით წონას. სახაზინო ექსპედიციის თავმჯდომარე ბეზაკი თავის საფინანსო პროექტში წერს რომ 1842 წლისათვის ნატურალური სახელმწიფო ბეგარა-გადასახადების ხვედრითი წონა საქართველო-იმერეთის გუბერნიაში 54,6¹/₆-ს უდრიდა, ხოლო ფულადი სახის სახელმწიფო ბეგარა-გადასახადებისა 45,5¹/₆-ს⁶⁰. ამრიგად, აღმოსავლეთ საქართველოში მე-19 საუკუნის 40-იან წლებამდე, მიუხედავად ფულადი რენტის მნიშვნელოვანი ზრდისა, ძირითადად მაინც ნატურალური რენტა სჭარბობდა ფულადს.

⁶⁰ Безак, Краткое обозрение ныне существующей системы доходов в Грузинно-Имеретинской губернии.

საქ. ც. ს. ს. ა, ფ. 241, აღ. 7. საქ. 562, გვ. 19, 20.

1843 1845 წლების საფინანსო რეფორმა აღმოსავლეთ საქართველოში და მისი შედეგები

როგორც აღნიშნული გვექონდა, საქართველოში მე-19 საუკუნის 40-იან წლებამდე ხაზინის სასარგებლოდ აკრეფილ გადასახადებში ნატურალური სახის გადასახადები სჭარბობდა ფულადს; ამასთან შესამჩნევი იყო, რომ თვით ამ გადასახადებში ნატურალურ სახეს თანდათან ფულადი ცვლიდა. გარდა პურადი გადასახადებისა, ყველა სახაზინო გადასახადს ფულადი სახე მიეცა. ფულადი სახე მიეცა ისეთ გადასახადებს, როგორც იყო კულუხი და საბალახე. მათ საქართველოს ზოგიერთი კუთხის მეურნეობაში წამყვანი როლი ეკუთვნოდათ. ეს პროცესი განსაკუთრებით მე-19 საუკუნის 30-იანი წლებიდან ხდება შესამჩნევი და ნიადაგს უშვადებს 1843—1845 წლების საფინანსო რეფორმას. რეფორმის მიზანი იყო ნატურალური ბეგარა-გადასახადების ფულად ბეგარა-გადასახადებად ქცევა, რაც იმ დროისათვის უფრო ხელსაყრელი იყო სახელმწიფო ხაზინისათვის.

ცარიზმმა ჯერ კიდევ 1823 წელს იმერეთში, ხოლო 1840 წელს გურიაში ნატურალურ სახელმწიფო ბეგარა-გადასახადებს ფულადი სახე მისცა, რამაც ერთგვარად შეუწყო ხელი აღნიშნული საფინანსო რეფორმის გატარებას აღმოსავლეთ საქართველოში¹.

ნატურალური რენტის ფულად რენტად გადაქცევა ქვეყნის სოციალურ-ეკონომიურ წყობაში მომხდარი გარკვეული ცვლილების მაჩვენებელია. როგორც მარქსი გვასწავლის „პირველად სპორადი-

¹ ი. ანთელავა თავის ნაშრომში „Государственные крестьяне Грузии в первой половине XIX века“ წერს: „Правительство стремилось к замене последних (ლაპარაკია ბეგარა-გადასახადებზე—ლ. გ.) денежным эквивалентом, и оно в этом направлении еще до 40-х годов прошлого столетия предприняло некоторые шаги. Мы имеем в виду реформы 1823 года в Имеретии и 1840 года в Гурии, по которым натуральные казенные подати, отбываемые крестьянами указанных областей, заменялись денежными сборами“, Сухуми, 1955, გვ. 391.

ულად, ხოლო შემდეგ კი ნეტად თუ ნაკლებად ნაციონალური მას-
შტაბით მიმდინარე გადაქცევა პროდუქტების ფორმაში მოცემული
რენტისა ფულად რენტად გულისხმობს ვაჭრობის, საქალაქო მრეწ-
ველობის, საზოგადოდ საქონლის წარმოების და ამასთან ერთად
ფულადი მიმოქცევის მნიშვნელოვან განვითარებას².

მართლაც, მე-19 საუკუნის 30—40-იანი წლებიდან საქარ-
თველოში ფართოვდება სასაქონლო-ფულადი ურთიერთობა, ხე-
ლისმემწეობი პირობები ექმნება ვაჭრობას, ვითარდება საგზაო
მშენებლობა, უმჯობესდება მიმოსვლისა და კავშირგაბმულობის სა-
შუალებანი, ხდება ადგილობრივი ვაჭრების მიერ ფულადი კაპი-
ტალის დაგროვება. სასაქონლო პროდუქციის ზრდასთან დაკავ-
შირებით უფრო და უფრო ფართოვდება საშინაო ბაზარი: საქარ-
თველოს ერთ კუთხეში ვითარდება მესაქონლეობა (უმთავრესად
მთიან რაიონებში), მეორეში მეღვინეობა და მარცვლეულის მეურ-
ნეობა; ხდება სოფლის მეურნეობის ცალკეული დარგების სპეცია-
ლიზაცია. ამის შედეგად საქართველოს ცალკე კუთხეებს შორის
სასაქონლო ურთიერთობა ვითარდება და იზრდება. პროდუქტები
ბაზარზე გააქვთ გასასყიდად. ლენი-ა, საქონელი, პური ყიდვა-გა-
ყიდვის საგანი ხდება.

ცარიზმი, თავის მხრივ, გამომდინარეობს რა საქუთარი ინ-
ტერესებიდან, თავის მოთხოვნებს უყენებს საქართველოს, ცდი-
ლობს გადააქციოს საქართველო ერთი მხრივ რუსული სამრეწვე-
ლო საქონლის გასაღების ბაზრად, ხოლო მეორე მხრივ დანერგოს
აქ და განავითაროს სოფლის მეურნეობის ისეთი დარგები, რომ-
ლებიც ნედლეულის სახით გამოყენებას პოულობენ რუსეთის მრეწვე-
ლობაში. მთავრობა საამისოდ აარსებს სოფლის მეურნეობის წამა-
ხალისებელ საზოგადოებებს, რომლებიც, მართალია, საბოლოოდ
მარცხს განიცდიდნენ, მაგრამ მაინც უწყობდნენ ხელს მარტივი
სასაქონლო მიწათმოქმედების ზრდას. ცარიზმი საქართველოსა და
ამიერკავკასიის ათვისებასა და ეკონომიურ დამორჩილებას ცდი-
ლობდა და მე-19 საუკუნის 30—40-იან წლებში რუს მოხელე-
თა მიერ წარმოდგენილი სხვადასხვა მოსაზრებანი თუ პროექტები
ამ მიზანს ემსახურებოდნენ. ამავე მიზეზით ცარიზმი რუს ვაჭარ-
მრეწველებს მფარველობდა ამიერკავკასიისა და კერძოდ საქარ-
თველოში. „რუს ფაბრიკანტებს მთავრობამ უკვე 1831 წელს სავაჭ-
რო დეპო გაუხსნა თბილისში და ყოველგვარად შეეცადა სა-

² მარკსი, კაპიტალი, ტ. III, ნაწ. მე-2. თბილისი, 1934, გვ. 316.

ვაქრო კომპანიების გავრცელებას, მაგრამ თვით ფაბრიკანტებმა ვერ შესძლეს ესარგებლათ ამ შეღავათებით. ისინი გულგრილობას იჩენდნენ ამიერკავკასიის მიმართ, ისე რომ, თვით ვორონცოვი, რუსული სავაჭრო კომპანიების სულისჩამდგმელი, მალე იცვლის ორიენტაციას. რუსი ფაბრიკანტების მფარველობიდან ის ადგილობრივი ბურჟუაზიის მფარველობის პოლიტიკაზე გადადის, რა თქმა უნდა, იმ მიზნით, რომ ამან ზიანი არ მოუტანოს სამშობლო მრეწველობას³.

ქვეყნის სოციალურ-ეკონომიური ზრდა ცარიზმის ცდებისა და სურვილისაგან დამოუკიდებლად მიმდინარეობდა. სასაქონლო-ფულადი ურთიერთობის განვითარება გამოიხატა ფულადი რენტის ზრდითაც, რაც ფეოდალურ-ნატურალური მეურნეობის რღვევისა და ახალი ურთიერთობის აღმოცენების საწინდარი იყო.

ქვეყნის სოციალურ-ეკონომიურ ცხოვრებაში მომხდარი ცვლილებებით აიხსნება მთავრობის სურვილი ნატურალური სახის სახელმწიფო ბეგარა-გადასახადები ფულადად აქციოს, რაც შექმნილ პირობებში უფრო ხელსაყრელი გახდა ხაზინისათვის.

საფინანსო რეფორმისათვის მზადება მთავრობამ 1842 წლიდან დაიწყო. წარმოდგენილი პროექტებიდან ყველაზე მეტად მოწონებულ იქნა სახაზინო ექსპედიციის თავმჯდომარის ბეზაკის პროექტი: „Краткое обозрение ныне существующей системы дохода в Грузино-Имеретинской губернии“⁴, და რეფორმაც, ძირითადად, ამ პროექტის საფუძველზე გატარდა. პროექტის მიზანი იყო ნატურალური სახის ბეგარა-გადასახადების ფულად ბეგარა-გადასახადებად ქცევა. ფულადი რენტის შემოღების იდეას ბეზაკს გარდა სხვა პროექტების ავტორებიც იზიარებდნენ. (მაგ., სენატორი განი თავის საფინანსო პროექტში იმავე მიზანს ისახავდა და სხვ.). ბეზაკის პროექტი იმით იყო ყველაზე ხელსაყრელი წარმოდგენილ პროექტებს შორის, რომ ავტორი ხხვებზე მეტად უფარდებდა შექმნილ პირობებსა და მოთხოვნილებას თავის პროექტს. პროექტის მიხედვით, საგადასახადო სისტემა, საკუთრივ საქართველოს გარდა, უნდა გატარებულიყო ელისავეტოპოლის, ბელაქნის, ერევნისა და ნახჭევანის მაზრებში (აღებულ თემასთან დაკავშირებით, ჩვენ ვარკვევთ, თუ როგორ გატარდა რეფორმა აღმოსავლეთ საქართველოში და ამასთან დაკავშირებით განვიხილავთ ბეზაკის პროექტსაც).

³ აბელ კიკვიძე, საქართველოს ისტორია (XIX საუკუნე), თბილისი, 1954. გვ. 216—217.

⁴ საქ. ც. ს. ს. ა, ფ. 241, საქ. № 562.

ბეზაკს თავის პროექტში ცალკადაც აქვს განხილული აღმოსავლეთ და დასავლეთ საქართველო, ხოლო აღმოსავლეთ საქართველოსთან ერთად განიხილავს ელისავეტოპოლის მაზრასა და ყაზახისა და შამშადილის დისტანციებს. რაც რეფორმის ნაკლად უნდა ჩაითვალოს, რადგანაც სოციალურ-ეკონომიური თუ კულტურული თვალსაზრისით აღმოსავლეთ და დასავლეთ საქართველო უფრო ნაკლებად განსხვავდებოდა ერთმანეთისაგან, ვიდრე აღმოსავლეთ საქართველო და ყაზახი, შამშადილი თუ სხვა მუსლიმანური პროვინციები.

რეფორმა არ შეხებია თუშ-ფშავ-ხევსურებს.

ბეზაკი, ჩამოთვლის რა თბილისის, თელავის, გორის, ელისავეტოპოლის მაზრებში და შამშადილისა და ყაზახის დისტანციებში არსებულ ბეგარა-გადასახადებს, იძლევა მათ მოკლე ისტორიას, ხოლო შემდეგ მიუთითებს იმ ცვლილებებზე, რომლებიც შეტანილი იქნა გადასახადებში რუსული მმართველობის მიერ 1801 წლიდან 1842 წლამდე⁵. თავის პროექტში ბეზაკმა არსებული გადასახადები ნატურალური და ფულადი სახის გადასახადებად დააყო. მისი ცნობის მიხედვით, 1842—1943 წლებში ხაზინის სასარგებლოდ ფულადი სახის გადასახადები შეწდებოდა რაოდენობით იკრიფებოდა⁶:

		კაპ.
1	მახტა	41,598 77
2	კელუხი	2 580 77
3	საბლაბე	—
4	სააღდგომო, საშობაო და სხვ.	506 77
5	ბეაია და საჩუქარი	262 55
6	სამასპინძლო	35 10
7	სხვადასხვა სამუშაოები	864 50
	სულ	48.623 47

⁵ საქ. ც. ს. ს. ა. ფ. 241, საქ. № 562, გვ. 15—18.

⁶ საქ. ც. ს. ს. ა. ფ. 241, საქ. № 562, გვ. 19.

ნატურალური სახის გადასახადები ბეზაკს პურადი სახის გადასახადებად აქვს მოცემული. 1842—1843 წლებში ხაზინის სასარგებლოდ ნატურალური სახის გადასახადები შეღწევი რაოდენობით იკრიფებოდა¹:

		პური კოდო- ბით	ქერი კოდობით
1	სურსათი	26,946	14,129
2	მახტა	14,551	4226
	კოდის პური	6,730	
4	ყალანი	9,58	477
	სულ	49,185	18,832

მთლიანად ნატურალური გადასახადები ბეზაკს 58577 მანეთად და 78 კაპ. აქვს შეფასებული. აღნიშნული თანხა, როგორც ვხედავთ, ფულადი სახის გადასახადებიდან აკრეფილ თანხას სქარბობს და ერთხელ კიდევ მოწმობს მე-19 საუკუნის 40-იან წლებამდე საქართველოში ნატურალური რენტის უპირატესობას ფულადთან შედარებით.

ბეზაკი პროექტში იძლევა XIX საუკუნის 40-იან წლებამდე საქართველოში არსებული საგადასახადო სისტემის მოკლე აღწერას და აღნიშნავს ამ სისტემის უარყოფით ნხარეებს. ბეზაკის აზრით, მთავარი ნაკლი ამ სისტემისა იყო შემდეგი: 1. გადასახადით დაბეგვრა ხდებოდა მიწის ფართობის მიხედვით, რის გამოც ცალკეულ სოფლებზე დადებული გადასახადები საფინანსო სამმართველოსათვის ცნობილი არ იყო. ამის შედეგი იყო მრავალი გაუგებრობა. ამასთანავე ეს ახალი აღრიცხვისა და ახალი გადასახადების შემოღების საშუალებას არ იძლეოდა. საქართველოს სამეფოს გაუქმებამდე გადასახადები უშუალოდ სოფლებზე იყო დაწესებული, რის გამო ახლადწარმოქმნილი სოფლები დაუბეგრავე რჩებოდა. 2. გადასახადთა მოცულობა, რომელიც 1801 წლიდან არსებობდა, შეუფერებელი გახდა, რადგანაც ორმოცი წლის განმავლობაში ქვეყა-

¹ საქ. ც. ს. ს. ა, ფ. 241, საქ. № 562, გვ. 19.

ნამ მრავალი ცვლილება განიცადა. 3. სხედასხვა უმნიშვნელო გადასახადები, რომლებსაც ხაზინისათვის ნაკლები სარგებლობა მოქონდათ, გაუგებრობას იწვევდა და ხელს უწყობდა ბოროტმოქმედთ. 4. გადასახადი კულუხი არ შეესაბამებოდა მთავრობის მიზნებს, რადგანაც ღვინის გადასახადი კისრად ედოთ არა მწარმოებლებს, არამედ მომხმარებლებს. 5. მარცვლეულით დაკისრებული გადასახადებიდან, ბეზაქის აზრით, მიუღებელი იყო კოდის-პური და ყალანი, რადგანაც მათი გადამხდელი სოფლები ამ გადასახადებს გარდა სურსათსაც იხდიდნენ. საერთოდ, დასძენს ბეზაქი, მარცვლეულით დაკისრებული გადასახადი მრავალ სიმწიფესთან იყო დაკავშირებული, რადგანაც მოსახლეობისათვის გაურკვეველი იყო გადასახადის ჩაბარების ადგილი. ჯარის მოძრაობასთან დაკავშირებით სურსათის გადატან-გადმოტანასაც დიდი ზარალი მოქონდა მთავრობისათვის. რადგანაც 1/5 შეწერილი გადასახადისა ყოველთვის აკლდებოდათ, ამასთან ხელი ეშლებოდა მოსახლეობის შეურნეობასაც⁸.

როგორც ვხედავთ, ბეზაქი ხაზინის ინტერესებით ხელმძღვანელობს და ყოველნაირად ცდილობს გაზარდოს სახაზინო შემოსავალი. ამ მიზანს ემსახურება ბეზაქის პროექტი. ეს სურვილი ყოველმის მოსახრებაში ჩანს.

ლაპარაკობს რა გადასახად საბალახეზე, ბეზაქი აღნიშნავს, რომ პირდაპირი გადასახადის დადება მესაქონლეობაზე საქონლის რაოდენობის მიხედვით შეუძლებელია, ხოლო საძოვრებზე დადებული გადასახადი ხაზინისათვის არახელსაყრელია შექმნილი მიზეზების გამო: ა) მესაქონლეობაზე ძველთაგანვე დაწესებული გადასახადი დიდდება ზომაზე მეტად და ამით არღვევს ქვეყნის წესჩვეულებას. ბ) დიდი ნაწილი სახაზინო სოფლებისა შემამუღეთა საძოვრებით სარგებლობს, რისთვისაც გარკვეულ თანხას უხდის მებატონეს. სახაზინო გლეხების ეს ნაწილი არ მოისურვებდა მებატონეთა საძოვრების მიტოვებას განსაკუთრებული სარგებლობის მიუღებლად. თუ სახაზინო საძოვრებზე დაწესდებოდა გადასახადი, გლეხობის ეს ნაწილი მესაქონლეობაზე დაწესებული გადასახადისაგან თავისუფლდებოდა, რაც ხაზინისათვის ხელსაყრელი არ იყო. ბეზაქს გამოაქვს დასკვნა, რომ საძოვარზე დადებული გადასახადი უსარგებლო იყო ხალხისთვისაც და ხაზინისთვისაც. მას ხელსაყრელად არ მიაჩნდა მიწის ფართობის მიხედვით ყანებზე დაწესებული გადასახადიც, რადგან მოსავლის მიღება მარტო მიწის ფართობზე არ იყო დამოკიდებული, არამედ გლეხისა და მუშა საქონლის მუ-

⁸ საქ. ც. ს. ს. ა, ფ. 241, საქ. № 562, გ. 20—22.

შობასთანაც იყო დაკავშირებული⁹. ხაზინის შემოსავლის გადი-
დების მიზნით ბეჯაკი საკომლო გადასახადის დაწესებას ვარაუდობ-
და. ეს საკომლო გადასახადი უნდა გადიდებულიყო იმ სახაზინო
გლებზე¹⁰. რომლებიც მემამულეთა მიწებით სარგებლობდნენ, რათა
ისინი ირულეზულიყოთ სახაზინო მიწებზე გადმოსახლებულიყვნენ. ამ
საკონლო გადასახადს დაემატებოდა კიდევ საეროებო გადასახადი
და შეიქმნებოდა ერთი საერთო ფულადი სახის კომლობრივი გა-
დასახადი. ამასთანავე ბეჯაკი იძლევა დაახლოებით ვარაუდს, თუ
სხვადასხვა კატეგორიების გლებებზე რა მოცულობით უნდა ყოფი-
ლიყ. გადასახადი დაწესებული:

1	გორის მაზრის და თბილისის მაზრის დუშეთის მიღ- ნოს გლეხები ოების განოკლებით (იხდიან მხოლოდ საეობო გადასაადს)	1 მან. 50 კაპ. ვერცხ.
2	თბილისის, თელავის ¹⁰ , ალექსანდრეპოლის მაზრები- სა და შამშადილისა და ყაზახის დისტანციებში	2 მან. ვერცხლით
3	ყველა მაზრის სახაზინო გლებებზე. რომლებიც მემამ- ულეთა მიწებზე მოსახლობდნენ	3 მან. ვერცხ.
4	სახაზინო გლებებზე და თავისუფალ მოსახლეობაზე, რომლებიც სოფლად ეწეოდნენ ვაკრობას	3 მან. 50 კაპ.

მეორე სახის საკომლო გადასახადი იყო საღალო (ინჯიყიანი)
გადასახადი, რომლის გადახდა ევალებოდა სახაზინო მიწებზე მცხოვ-
რებ სახაზინო გლებებს. ეს გადასახადი ხუთი ზომისა იყო:

ა	50 კაპ.
ბ	1 მან. 50 კაპ.
გ	2 მან.
დ	2 მან. 50 კაპ.
ე	3 მან. 50 კაპ.

ყველაფერ ანეს ემატებოდა სანი სახის საეროებო გადასახადი:

ა	50 კაპ.
ბ	1 მან. 50 კაპ.
გ	2 მან.

⁹ სწვ. ც. ს. ს. ა. ფ. 241, საქ. № 562, გვ. 23, 24.

¹⁰ თუშ-ფშავ-ხევსურებისა და საერთოდ საქართველოს მთიანი რაიონე-
ბის გამოკლებით, რომლებიც ძველგზურად საბალახეს ნატურით იძიდდნენ.

ამრიგად, ამ გადასახადების (საკომლოს და საერობოს) შეერთებით, რომელთაგანაც თავისუფალი იყვნენ მხოლოდ მთიანეთში მცხოვრები ყმა გლეხები, წესდებოდა შემდეგი სახის სრული გადასახადები:

1	თბილისის მაზრის დუშეთის მიდამოებისა და გორის მაზრის საეკლესიო და ყმა გლეხებზე	3 მან.
2	თბილისის მაზრის სხვა მიდამოების, თელავისა და ალექსანდროპოლის მაზრების საეკლესიო და ყმა გლეხებზე	3 მან. 50 კაპ.
3	მემაშულეთა მიწებზე მცხოვრებ სახაზინო გლეხებზე	4 მან. 50 კაპ.
4	სახაზინო გლეხებზე, რომლებიც სოფლად ეპყრობას ეწეოდნენ.	5 მან.
5	სახაზინო მიწაზე მცხოვრებ სახაზინო გლეხებზე ხუთი სიდიდის გადასახადი:	

1	1 მან. 50 კაპ.
2	5 მან.
3	6 მან.
4	7 მან.
	7 მან. 50 კაპ.

პირველი სახის გადასახადის გადამხდელთა რიცხვს ეკუთვნოდა ქუთაისის მაზრის მახლობლად მცხოვრები მოსახლეობა და ოსთა ზოგიერთი სოფელი.

მეორის—თბილისის მაზრის დუშეთის მიდამოს და გორის მაზრის სახაზინო გლეხები.

ნესამის —თბილისის მაზრის სახაზინო გლეხები.

მეოთხის—ყაზახში მცხოვრები სახაზინო გლეხები.

მეხუთის—ბორჩალოში მცხოვრები სახაზინო გლეხები¹¹.

მოსახლეობის ასეთ დაყოფას, მის მიერ დაწესებული გადასახადების მიხედვით, ბეზაკი ასაბუთებს გორის მაზრასა და დუშეთის მიდამოებში მოსახლეობის დაბალი, გადამხდელუნარიანობითა და მიწის სიმცირით, ხოლო ბორჩალოსა და ყაზახში გადასახადის გაზრდას იგი ხსნის მიწის ნაყოფიერებით. შენიშვნის სახით ბეზაკი დასძენს, რომ ახალი საგადასახადო სისტემის შემოღებასთან დაკავშირებით გაუქმებული უნდა ყოფილიყო მანამდე არსებული ყვე-

¹¹ საქ. ც. ს. ს. ა, ფ. 241, საქ. № 562, გვ. 29.

ლა გადასახადი, გარდა საბალახესი, რომელიც რჩებოდა ზხოლოდ საქართველოს მთიანეთის მოსახლეობისათვის¹².

როგორც ვხედავთ, ბეზაკის პროექტის ძირითადი ნაწილი მიმართულია იქითკენ. რათა გაზარდოს სახელმწიფო ბეგარა-გადასახადები და ანასთანავე მისცეს ამ ბეგარა-გადასახადებს ფულადი სახე.

ბეზაკის პროექტი, სახელმწიფო ქონებათა სამინისტროში და კავკასიის საქმეთა კომიტეტში სათანადო განხილვის შემდეგ, 1843 წლის 12 იანვარს დამტკიცებულ იქნა იმპერატორის მიერ¹³.

იმპერატორის ბრძანებულების შემდეგ ამიერკავკასიის მთავარმართებლობამ შესთავაზა ბეზაკს წარედგინა თავისი შეხედულებანი კონკრეტულად როგორ უნდა გატარებულიყო რეფორმა და პრაქტიკულად როგორ უნდა შესდგომოდნენ საქმეს. ამის პასუხად ბეზაკმა 1843 წელს წარადგინა ვრცელი მოხსენება, სადაც მოითხოვდა, რომ თბილისის მაზრის უფროსისა და სხვა თანამდებობის პირთათვის ორი თვის ვადა მიეცათ ხელახალი კამერალური აღწერის ჩასატარებლად. მუშაობის უკვე წარმართვისათვის მათ მუშაობის პროცესში ცნობები უნდა წარედგინათ მთავარმართებლის კანცელარიის დირექტორისათვის, რომელსაც ყოველივე უშუალოდ მთავარმართებლისათვის უნდა მოეხსენებინა¹⁴.

ბეზაკი თავის მოხსენებაში მოითხოვდა ადგილზე გაერკვიათ და დაედგინათ გადასახადები. ყველა ნატურალური სახის გადასახადი ფულზე გადაყვანილი და საერთო თანხაში შეტანილი უნდა ყოფილიყო. საერობო გადასახადი უნდა დაედგინათ საქიროების მიხედვით და საამისოდ ეხელმძღვანელათ წარსულის გამოცდილებით. ერთი საერთო თანხის შემოღება, ბეზაკის აზრით, დიდ სარგებლობას მოუტანდა ხაზინას: ერთი მხრივ გაიზრდებოდა გადასახადების მოცულობა, ხოლო მეორე მხრივ გაიზრდებოდა ბეგარა-გადასახადების საკითხი მთავრობისათვის. საერობო გადასახადების დადგენისა და მაზრების უბნებად (уездов) დაყოფის შემდეგ ყველა საქმე უნდა გადასცემოდა სპეციალურ კომისიას, რომლის მუშაობასაც მთავარმართებელი ხელმძღვანელობდა. კომისიას ევალებოდა საერობო გადასახადები მაზრებსა და უბნებზე გაენაწილებინა და ისინი საერთოდ დაკისრებულ თანხაში შეეტანა, რათა საბო-

¹² საქ. ც. ს. ს. ა, ფ. 241, საქ. № 562, გვ. 30.

¹³ იქვე, გვ. 12.

¹⁴ იქვე, გვ. 99—100.

ლოდ ერთიანი გადასახადი გამოსულიყო. კომისიის მიერ წარდგენილი დებულება გადასახადების შესახებ ჯერ მთავარმართებელს, ხოლო საბოლოოდ იმპერატორს უნდა დაემტკიცებინა¹⁵.

1842 წელს დაწყებული მოსახლეობის აღწერა მხოლოდ 1843 წლის აპრილში დასრულდა, რის შემდეგაც ადგილზე შეუდგნენ გადასახადების გაწერას. უკვე ამ გაწერის დროს მთავრობა ბევრ სირთულეს წააწყდა. ასეთი იყო, მაგალითად, საკითხი, თუ როგორ უნდა გაწერილიყო გადასახადი კომლობრივად და რას ნიშნავდა კომლი¹⁶. ამას გარდა, თელავის მაზრის სიღნაღის უბნის მოსახლეობაზე შეწერილი გადასახადები ბევრად აღემატებოდა იმ თანხას, რომელსაც ეს მოსახლეობა აქამდე იხდიდა. ამის საკომპენსაციოდ მოსახლეობა მოითხოვდა დაებრუნებინათ მისთვის ჩამორთმეული მიწები, რომლებზეც სამხედრო პირები იყენებდნენ დასახლებულნი¹⁷.

საკითხის გარკვევისათვის ბეზაკმა 1843 წელს დამატებით შეადგინა „კომლებზე გადასახადის განაწილების წესების პროექტი“ („Проект правил для исчисления дымов при обложении податком“). ამ პროექტის § 1 მიხედვით გადასახადის გადახდელ კომლად ითვლებოდა ოჯახი, რომლის წევრები ერთად მოსახლეობდნენ, ჰქონდათ გაუყოფელი საკუთრება და ერთად ეწეოდნენ მეურნეობას. § 2 მიხედვით ოჯახის გაყოფა ახალი კომლის შესაქმნელად თვით ოჯახის წევრების სურვილზე უნდა ყოფილიყო დამოკიდებული. § 3 თანახმად, რადგანაც მეურნეობის წარმოება პირობაა საკომლო გადასახადისა და ფულადი ბეგარისა, გადასახადისაგან თავისუფლდებოდნენ:

1. 59 წლის ასაკს გადაცილებულები, თუ მათ არა ჰყავდათ შრომისუნარიანი მემკვიდრეები, რომლებიც მის ოჯახში ცხოვრობდნენ და თუ ისინი მეურნეობაში არ იყენებდნენ თავისუფალი მუშის შრომას.

2. ობლები, რომლებსაც ჯერ არ შესრულებიათ 21 წელი.

¹⁵ საქ. ც. ს. ს. ა. შ. 241, საქ. 562, გვ. 111.

¹⁶ Бахтадзе, Податное обложение государственных крестьян Закавказского края, Свод материалов по изучению экономического быта государственных крестьян Закавказского края, том I, часть III, Тифлис, 1887, გვ. 98.

¹⁷ Бахтадзе, Податное обложение государственных крестьян Закавказского края, Свод материалов по изучению экономического быта государственных крестьян Закавказского края, том I, часть III, Тифлис, 1887, გვ. 101.

3. პირველ პუნქტში დასახელებული პირები, რომელთა შეი-
ლებს ან ნათესავეებს ჯერ კიდევ არ შესრულებოდათ 18 წელი, არა
ჰყავდათ ოჯახი და მეურნეობაში არ იყენებდნენ თავისუფალი მუ-
შის შრომას.

4. ინვალიდები, რომლებსაც შრომისუნარიანი ოჯახის წევ-
რები არა ჰყავდათ და მეურნეობაში არ იყენებდნენ თავისუფალი
მუშის შრომას.

§ 4. წინა პარაგრაფის საფუძველზე გადასახადისაგან განთა-
ვისუფლებული პირები არ თავისუფლდებოდნენ ნატურალურ ბე-
გარისაგან თანასოფლელების მსგავსად. § 5. ყველა, ვინც § 3 მიხედ-
ვით თავისუფლდებოდა გადასახადისაგან, შეტანილი უნდა ყოფი-
ლიყო სიაში. სიები გადასახადების დამტკიცების შემდეგ სახაზინო
ქონებათა პალატის განკარგულებაში გადადიოდა¹⁸.

ამ პროექტს მთავარმართებლის საბჭომ კიდევ § 6 და § 7 დაუ-
მატა, ხოლო § 3-ში ზოგიერთი შესწორება შეიტანა. სახელდობრ:
§ 6 გამონაკლისი შემთხვევები, რომლებიც დაშვებულია § 3, ეხება
მხოლოდ იმ სოფლებს, სადაც კონკრეტული რიცხვი კამერალური აღ-
წერის ან გადასახადების გაწერის დროს ოცდახუთ კომლზე ერთი
კომლი მოდიოდა. § 7. ის პირები, რომლებიც § 3 მე-2 და მე-3
პუნქტებშია აღნიშნული, როგორც კი შესაძლებელი გახდებოდა,
შეტანილი იქნებოდნენ გადასახადის გადამხდელთა რიცხვში, რის
გამო სახელმწიფო ქონებათა პალატას ისინი მხედველობიდან არ
უნდა გამოორჩენოდა¹⁸.

ამრიგად, ბეზაქმა საქართველოს მოსახლეობა უზენადად, მაზრებად
და დისტანციებად დაჰყო და თითოეული უწყების გლეხთათვის, მა-
თი გადასახადებისა მიხედვით, დააწესა შესაძერისი გადასახადები.

გადასახადი მაზრების მიხედვით უნდა აკრედილიყო. ახალი
საგადასახადო სისტემის შემოღებასთან დაკავშირებით თადარი-
გის დაქვერვა ევალებოდა საქართველო-იმერეთის გუბერნიის საშო-
ქალაქო გუბერნატორს, რომელსაც მაზრებისა და ოკრუგების უფ-
როსები საგადასახადო ნუსხებით უნდა უზრუნველყყო, სახაზინო
პალატას კი ამიერკავკასიის მთავარმართებლის საბჭო მოამარაგებ-
და საჭირო ცნობებითა და მითითებებით¹⁹. ამ ცხრილების მიხედ-
ვით ნუსხებში შეტანილი უნდა ყოფილიყო მოსახლეობიდან აკრე-
დილი წლიური გადასახადი. მაზრის უფროსებს თვალყურით უნდა
ედევნებინათ, რომ გადასახადები დროულად ყოფილიყო შეტანი-
ლი სამაზრო ხაზინებში¹⁹.

¹⁸ საქ. ც. ს. ს. ა., ფ. 241, საქ. № 562, ფურც. 241.

¹⁹ საქ. ც. ს. ს. ა., ფ. 245, საქ. № 160, გვ. 97—98.

მაზრა, უბნები და დისტანციები, რომლებზეც გადასახადია განწესებული	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.
	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.	მან.	კაპ.
1 გორის მაზრა ოსეთის უბნის გამოკლებით	1	50	1	50	3	3	1	50	1	50	4	50	5	50	3	50
2 გორის მაზრის ოსეთის უბანი	—	—	—	50	—	—	—	50	—	—	—	—	—	—	60	—
3 თბილისის მაზრა მთიანეთის და ბორჩალოს გამოკლებით	2	—	2	—	3	3	1	50	1	50	5	50	5	50	3	50
4 დუშეთის უბანი	1	50	1	50	3	3	1	50	1	50	4	50	5	50	3	50
5 ბორჩალო და ბაჭყალი	2	—	3	50	3	3	1	50	1	50	4	50	5	50	3	50
6 თულაუის მაზრა თუშ-ფშავ-ხევისურების გამოკლებით	2	—	2	—	3	3	1	50	1	50	5	50	5	50	3	50

30 საქ. ცსსა, ფ. 245, საქ. № 100, ზგ. 99.

წინასწარი მუშაობის ჩატარების შედეგ, 1844 წელს ამიერკავკასიაში (ზოგიერთი ოლქის გამოკლებით) და კერძოდ აღმოსავლეთ საქართველოში საგადასახადო სისტემა გატარებულ იქნა. რეფორმა თუმ-ჯშავ-ხევსურებს არ შეეხებია. როგორც აღნიშნული გვექონდა, რეფორმის მიზანი იყო ნატურალური სახის ბეგარა-გადასახადებისათვის ფულადი სახის მიცემა.

რეფორმის გატარების შემდეგ ნატურალურმა გადასახადებმა მართლაც ფულადი სახე მიიღეს. საფიქრებელია, რომ გადასახადის ერთი სახიდან მეორე სახეზე გადასვლა მოსახლეობისათვის უმტკივნეულოდ არ უნდა მომხდარიყო. მართლაც, საქართველოს ზოგიერთ კუთხეში გლეხთა უკმაყოფილებას ჰქონდა ადგილი. მაგალითად, 1845 წელს თბილისის მაზრის სოფელ ბანეთის მცხოვრებნი თხოვნით მიმართავენ ნამესტნიკს, რომ „Соблагожелите дать нам льготу вперед до исчисления состояния нашего. или же обложить нас денежною податью согласно состоянию нашему и тем бедственное семейство наше оградить начальнической защитой“²¹.

მიუხედავად ამისა, მაინც მოხერხდა, ძირითადად მაინც, ნატურალური სახის გადასახადებისათვის ფულადი სახის მიცემა. ამ პერიოდში ამიერკავკასიაში მყოფი ჯარის მომარაგება უმთავრესად კომისიონერების მიერ შესყიდული პურით წარმოებს. 1845 წლიდან 1850 წლამდე ჯარის მომარაგება სურსათით შემდეგი სახით მოხდა: (იხ. ცხრილი 109-ე გვ.).

მიუხედავად იმ მძიმე პირობებისა, რომლებშიც კომისიონერები აყენებდნენ მოსახლეობას, მათ მაინც მოახერხეს პურის აკრეფა. „პროვიანტის“ გაღება მოსახლეობის მხრივ სახელმწიფოსათვის ნატურის სახით კი აღარ ხდება, არამედ სურსათით გადამხდელ მოსახლეობასა და მთავრობას შუა კომისიონერი ჩადგა და გლეხი იძულებულია მას მიჰყიდოს პური, ხოლო მისგან აღებული თანხით კი მასზე საფინანსო რეფორმის შემდეგ დაწესებული ფულადი სახის გადასახადი გადაუხადოს მთავრობას. ამიერიდან სურსათს, კოდის-პურს, ყალანს და სხვა პურად გადასახადებს გლეხი სასურსათო მაღაზიებში აღარ აბარებს, იგი მას მიჰყიდის ხოლმე კომისიონერს, ხოლო უკეთეს შემთხვევაში ბაზარზე გააქვს გასასყიდად. პური ყიდვა-გაყიდვის საგანი გახდა. გლეხი ასევე ჰყიდდა მის მიერ მოყვანილ სხვა მოსავალსაც და, ამრიგად, იგი ბაზარს უკავშირდებოდა.

²¹ საქ. ც. ს. ს. ა, ფ. 4, აღწერილობა 2, საქ. № 68, გვ. 4—5.

ფულადი გადასახადების არსებობას მოწმობს იმდროინდელი სხვა საბუთებიც. ტიტულიარნი სოვეტნიკი დობრონრაველი, რომელიც ზივლინებულ იყო დუშეთის მაზრაში 1845 წელს. წერს: „...Хрестыяне еше при ирузинских царях были обложены постоянною хлебною податью, называемою Сурсат и Калань, которая взималась с них по 1844 год, а с этого года хлебная подать заменена денежною“²¹. ფულადი გადასახადით — ფულადი მახტით დაბეგრულ იქნენ ქალაქში მცხოვრები საეკლესიო გლეხები და ცალკეულ ფეოდალთა ყმები, რომლებიც აქამდე არ იხდიდნენ მახტას, არამედ, სოფლად მცხოვრები სხვა ყმების მსგავსად, იხდიდნენ სურსათს. ნატურალური სახის გადასახადების ფულად გადასახადებად ქცევისთან დაკავშირებით მათაც დაედოთ ახალი ფულადი გადასახადი — კომლზე წლიურად 3 მან. ვერცხლით²².

	ფქვი- ლი ჩეტ.	ბურ- ღული ჩეტ.	ქერი ჩეტ.	ქერი და შვრია ფუ- რაქიათ- ვის ჩეტ.	თივა ფუ- თი	ჩალა ფუთი
1845 წელს ხუბალოვმა და- მახდა ამიერკავკასიაში ქართული პოლკის უფროსმა დაამხადა	179,354	28099	—	107500	1200000	65000.
კომისიონერების მიერ შეს- ყიდულ იქნა	6073	—	997	—	—	—
1846 წ. კომისიონერების მი- ერ დამხადებულ იქნა ამი- ერკავკასიაში	16747					
იჯარით	120677	21610				
ჯარის ნაწილებმა მოიმარა- გეს	7875	785		130000	1320000	62000
1847 წ. ხუბალოვმა და მა- როვემა დაამხადეს ამიერკა- ვკასიაში მათ მიერ დაწესე- ბული ფასებით	198268	—	31041			
1848 წ. იჯარით დამხადდა ამიერკავკასიაში	151766	819	23066			
კომისიონერების მიერ კომე- რციული უფლებებით	30952	—	4700	120000	1315000	82800.
1849 წ. ამიერკავკასიაში დამხადდა	281695	3398	31542			
1850 წ. იჯარით ვაჭარ თა- მამშევისაგან	231049	19619 ²³				

²¹ ი. ანთელავა, მასალები საქართველოს ეკონომიური ისტორიისათვის, საისტორიო ნოამბე, № 5, გვ. 398—429, თბილისი, 1950.

²² საქ. ც. ს. ს. ა. ფ. 4, საქ. № 126, გვ. 10

²³ ხელნაწერთა ინსტიტუტი, ფ. 8, საქ. 48.

რეფორმა გატარდა ისე, რომ ქვეყნის ეკონომიური პირობები წინასწარ საფუძვლიანად არ ყოფილა შესწავლილი, რაც რეფორმის ნაკლად უნდა ჩაითვალოს. რეფორმის გატარების დროს მხედველობაში არ იყო მიღებული ის გარემოება, რომ ზოგიერთ კომლს მიწის დიდი ფართობი ეჭირა, ზოგს კი მცირე (თუნდაც ერთსა და იმავე სოფელში), ხოლო ვადასახადი ორივე კომლზე ერთნაირი იყო. იგივე ითქმის იმ მოსახლეობაზე, რომელიც მესაქონლეობას მისდევდა (ყველას ერთნაირი რაოდენობით არ ჰყავდა საქონელი). ზემოაღნიშნულ გარემოებას ხელი უნდა შეეწყო გლეხთა შორის ქონებრივი უთანასწორობის ზრდისათვის. ახლადგატარებულ საგადასახადო რეფორმას დადებითი მნიშვნელობა ჰქონდა. გლეხი ჰაზარს უკავშირდებოდა. ფულადი რენტა ხელს უწყობდა გლეხთა დიფერენციაციას და, როგორც ლენინი გვასწავლის: „ჯერ კიდევ ნატურალური მეურნეობის ბატონობის დროს, დამოკიდებული გლეხების დამოუკიდებლობის პირველივე გაფართოებისას, უკვე ჩნდება მათი დაშლის ჩანასახები. მაგრამ ამ ჩანასახთა განვითარება შესაძლებელია მხოლოდ რენტის შემდეგი ფორმისას, ფულადი რენტის დროს, რომელიც ნატურალური რენტის ფორმის უბრალო შეცვლას წარმოადგენს“²⁵. ქონებრივი დიფერენციაცია კი წინაპირობას ქმნის კლასობრივი დიფერენციაციისათვის. „თავის შემდგომ განვითარებაში ფულად რენტას აუცილებლად მიეყვება, — თუ განზე დავტოვებთ შუალედ ფორმებს, როგორც, მაგალითად, წვრილ გლეხურ მოიჯარადრეთა ფორმას, — ან მიწის თავისუფალ გლეხურ საკუთრებად გადაქცევამდე, ანდა წარმოების კაპიტალისტური წესის ფორმამდე, იმ რენტამდე, რომელსაც კაპიტალისტური მოიჯარადრე იხდის“²⁶.

ფულადი რენტის შემოდებამ ხელი შეუწყო სასაქონლო მეურნეობის განვითარებას, ხოლო სასაქონლო წარმოებამ მოამზადა ზოგიერთი პირობა კაპიტალიზმის განვითარებისათვის აღმოსავლეთ საქართველოში.

²⁵ ლენინი, თხზ., ტ. 3, მე-4 გამოც., 1948, გვ. 189.

²⁶ მარქსი, კაპიტალი, ტ. III, ნაწილი მეორე, თბილისი, 1934, გვ. 317.

დასკვნა

ბეგარა-გადასახადებში მომხდარი ცვლილებები მკიდროდ არის დაკავშირებული ქვეყანაში მომხდარ სოციალურ-ეკონომიურ და პოლიტიკურ ცვლილებებთან. ქვეყნის შემდგომი განვითარება თავის ასახვას ნაწილობრივ ბეგარა-გადასახადების განვითარებაში პოულობს.

საქართველოს სინამდვილეში, ისევე როგორც სხვა ქვეყნებში, ბეგარა-გადასახადების ცვლილებები დაკავშირებულია ეკონომიურ, სოციალურ და პოლიტიკურ შინაგან ძვრებთან.

მე-19 საუკუნის პირველი ნახევრის ფეოდალურ-ბატონყმურ საქართველოში, რომლის ძირითადი მწარმოებელი ფენა გლეხობა იყო, ბეგარა-გადასახადები ექსპლოატაციის ღრმე ფორმად გვევლინება. გლეხი ფეოდალის მიწით სარგებლობდა და მეურნეობას ეწეოდა. მიწის ნაკვეთით სარგებლობისათვის იგი გადასახადს უხდიდა მებატონეს. გლეხი ვალდებული იყო ბეგარა-გადასახადები ეხადა საკუთარი მებატონის, მეფისა და ეკლესიის სასარგებლოდ. სახაზინო გლეხები სახაზინო მიწით სარგებლობისათვის გადასახადს უხდიდნენ ხაზინას, რომელიც ამ შემთხვევაში იმავე ფეოდალის როლში გამოდიოდა. ბეგარა-გადასახადების საშუალებით ახორციელებდა ფეოდალი მასზე დამოკიდებული გლეხის ექსპლოატაციას. ყველა კატეგორიის გლეხი ვალდებული იყო გარკვეული ბეგარა-გადასახადები გადაეხადა სახელმწიფოსათვის.

მე-19 საუკუნის პირველ ნახევარში საქართველოში სახელმწიფოს სასარგებლოდ იკრიფებოდა გადასახადები: სურსათი, კოდისპური, მახტა, მალი, ღალა, ყალანი, საბალახე, კულუხი, საკომლო, სააღდგომო, საშობაო, სამასპინძლო, გასამყრელო, საქვრივე; საჩქმე და სხვ. ზემოჩამოთვლილი გადასახადები თავისი შინაარსით ქართული იყო (მიუხედავად იმისა, რომ ეს გადასახადები სხვადასხვა დროს და სხვადასხვა პირობებში იქნა შემოღებული საქართველოში). მე-19 საუკუნის დამდეგისათვის ეს გადასახადები დაკანონებული იყო საქართველოში და თავისი დროისათვის შეგუებულიც აღვილობრივ ქართულ ფეოდალურ ეკონომიკასთან.

რუსეთთან საქართველოს შეერთების შემდეგ ახლადშექმნილმა რუსულმა მმართველობამ თავდაპირველად უცვლელად დატოვა გადასახადების სახე და რაოდენობა, მაგრამ მე-19 საუკუნის პირველ ნახევარში ქვეყნის სოციალურ-ეკონომიურ და პოლიტიკურ ცხოვრებაში მომხდარ ცვლილებებთან დაკავშირებით ბეგარა-გადასახადებშიც მთელი რიგი ცვლილებები მოხდა.

როგორც ბეგარა-გადასახადებით აკრეფილი შემოსავლის, ისე სხვა სახის შემოსავლის აღრიცხვას მე-19 საუკუნის დამდეგიდან სახაზინო საქმეთა ექსპედიცია აწარმოებდა. შეიცვალნენ გადასახადის ამკრეფნიც.

საქართველოში რუსული მმართველობის შემოღებამდე გადასახადს კრეფდნენ მეფის მოხელენი: სახლთხუცესი, მოურავები, მდივნები, და სხვ., რომლებიც გასამჯელოს თვით ამ აკრეფილი გადასახადიდან იღებდნენ. მე-19 საუკუნის პირველ ნახევარში კი ზემოდასახელებულ მოხელეებს არ ვხვდებით. დროებით რჩება მოურავობის ინსტიტუტი, რომელიც თანდათან ააეროზო ისპრაენიკს უთმობს ადგილს. ამრიგად, მე-19 საუკუნის პირველ ნახევარში სახაზინო საქმეთა ექსპედიცია სახელმწიფო მოხელეების საშუალებით ეწვევა აკრეფილი გადასახადების აღრიცხვას. სახელმწიფო მოხელე ჯამაგირს ხაზინიდან იღებს და არა აკრეფილი შემოსავლიდან.

როგორც სხვა ქვეყნებში, ისე საქართველოში ბატონყმური. მეურნეობა ნატურალური მეურნეობის ბატონობით ხასიათდება. გადასახადების დიდი უმრავლესობა ნატურის სახით იკრიფება. ფულადი გადასახადები ნატურალურ გადასახადებთან შედარებით მცირეა.

მე-19 საუკუნის დამდეგიდან ფულადი გადასახადების ხვედრითი წონა, ნატურალურთან შედარებით, თანდათან მატულობს. ამ დროიდან, გარდა პურეულით დაწესებული გადასახადებისა, ყველა ნატურალურ გადასახადს ფულადი სახე ეძლევა, ხოლო პურადი გადასახადების მნიშვნელობა თანდათან იზრდება, რადგანაც ჯარის გამოსაკვებად სახელმწიფოსათვის საჭიროა პური. გარდა დაწესებული პურადი გადასახადების გადახდევინებისა, მთავრობა ადგილობრივი მოსახლეობისაგან იძულებით ყიდულობდა პურს მცირე ფასებში. ამ სახით აკრეფილ პურს მოსახლეობისათვის იმავე გადასახადის მნიშვნელობა ჰქონდა.

მე-19 საუკუნის 30-იან წლებამდე წარმოებული ომებით შექმნილი მძიმე პირობები დიდ ზიანს აყენებდა ქვეყნის საწარმოო ძალებსა და ეკონომიკას. მრავალრიცხოვანი არმიის პური მომა-

რაგება და სამხედრო ბეგარა-სამუშაოები მძიმე ტვირთად დააწვა საქართველოს მშრომელ მოსახლეობას. საქართველოს უხდებოდა რთული საგარეო და საშინაო სიძნელეების გადალახვა, რასაც ზედ ერთვოდა ომიანობაც. მიუხედავად შექმნილი მძიმე პირობებისა, ამ სიძნელეების დაძლევა და მოპოვებული შვეიდობა ამზადებდა ნიადაგს ქვეყნის შემდგომი დაწინაურებისათვის.

მე-19 საუკუნის 30-40-იანი წლებიდან ქვეყანას სოციალურ-ეკონომიური განვითარებისათვის შედარებით უკეთესი პირობები შეექმნა. ამ დროიდან საქართველოში იზრდება სასაქონლო-ფულადი ურთიერთობა. სასაქონლო-ფულადი მეურნეობის ზრდამ ძირითადად ხელი შეუწყო ნატურალური ბეგარის ფულად ბეგარად გადაქცევას. ფულადი რენტის გაბატონებამ კი გლეხთა შორის დიფერენციაცია (ჯერ ქონებრივი, ხოლო შემდეგ კლასობრივი) უფრო გააღრმავა.

ამრიგად, მე-19 საუკუნის პირველი ნახევრის მანძილზე გადასახადების განვითარების ისტორია შეიძლება ორ ძირითად პერიოდად გავეყოთ: 1. XIX საუკუნის დასაწყისიდან 1843—1845 წლების საფინანსო რეფორმამდე და 2. რეფორმის შემდეგ.

პირველ პერიოდში ბეგარა-გადასახადებში მომხდარი ცვლილებები შემდეგში გამოიხატა: სააღდგომო, საშობაო, საკომლო, სამასპინძლო, გასამყრელო, ნაბადი, საქვრივე, საჩექმე, შევარდენი, 1804 წელს ფულად სახეს იღებს.

1823 წლიდან ფულადი სახე ეძლევა გადასახადებს კულუხს და ნაწილობრივ ლალასა და ყალანს. ხდება გადასახად მალის შერწყმა ფულად მახტასთან, რის შედეგადაც ფულადი მახტის მოცულობა იზრდება. გადასახად მალსა და მახტაში მომხდარი ცვლილება გამოიწვია ფულადი სახის ბეგარა-გადასახადების ხვედრითი წონის ზრდამ ნატურალურთან შედარებით.

გადასახადების განვითარების მეორე პერიოდში, საფინანსო რეფორმის გატარების შემდეგ, ყველა ბეგარა-გადასახადებმა ფულადი სახე მიიღო. გამონაკლისს შეადგენს გადასახადი საბალახე, რომელიც საქართველოს მთიანეთში კვლავ ნატურალურ გადასახადად დარჩა.

ფულადი რენტის შემოღებამ ხელი შეუწყო სასაქონლო მეურნეობის განვითარებას, სასაქონლო წარმოებამ კი, თავის მხრივ—კაპიტალიზმის განვითარებას.

ГОСУДАРСТВЕННЫЕ ПОДАТИ И ПОВИННОСТИ В ВОСТОЧНОЙ ГРУЗИИ В ПЕРВОЙ ПОЛОВИНЕ XIX ВЕКА

Резюме

Целью настоящей работы является изучение государственных податей и повинностей (натуральных и денежных), взимаемых в первой половине XIX в. в Восточной Грузии с казенных, помещичьих и церковных крестьян, а также с других низших сословий населения. В работе прослеживается постепенная замена, в связи с социально-экономическими и политическими изменениями в стране, натуральных податей и повинностей денежными.

К началу XIX века Грузия была страной политически раздробленной и отсталой в экономическом отношении. В Грузии, как и во всех феодальных странах, господствовало натуральное хозяйство, однако наряду с ним существовало и мелкое товарно-денежное производство. Эксплуатация основного класса производителей—крестьянства осуществлялась посредством взимания податей и повинностей. Помимо своего помещика крестьяне отбывали повинности и выплачивали подати государству и церкви.

К началу XIX века главными видами государственных податей являлись: сурсати (военно-экономическая повинность по отношению к государству, выплачивалось в основном зерном, в некоторых случаях деньгами), коди с-пур и (взималась зерном, одинаково выплачивали как казенные, так помещичьи и церковные крестьяне), махта (взималась с горожан и населения татарских дистанций, была как денежной, так и натуральной), мали (подушная подать, взималась деньгами), гала (подать за пользование землей, взималась зерном), сабалахе (подать, наложенная на пастбища, натуральная), калани (сначала была военной повинностью, позднее превратилась в подать, взималась, главным образом, в горных районах), кулухи (подать вином за пользование землей, на которой был разведен виноградник), сакомло (подымная подать, установленная на землю, где проживал дым). В пользу казны в XIX веке взимались подати не только экономического характера, но

и подати, взимавшиеся раньше в пользу царя, как феодала и отражавшие личную зависимость крестьянина; например, самаспиндзело (некогда было угощением, впоследствии превратилось в постоянную подать), саагдгомо, сашобао, дзгвени (аналогичные самаспиндзело подати), саквриве (взималась в случае выхода замуж крестьянской вдовы), сачекме (в случае выхода замуж крестьянской дочери). К началу XIX в. эти подати иногда взимались в денежном виде, иногда — натурально.

Определяя сущность каждой из этих податей и повинностей и вообще податной системы в Восточной Грузии к началу XIX века, автор стремится выяснить их происхождение и видоизменение, в предшествующей XIX веку эпохе.

Все подати, за исключением денежной махты и мали, являлись натуральными, что было характерно для натурально-феодалного хозяйства крепостнической Грузии.

После присоединения Грузии к России происходят изменения податей и повинностей в связи с социально-экономическими и политическими изменениями в стране. Разрушались издревле утвержденные порядки и обычаи податной системы, менялись виды существующих в Грузии податей. Исходя из интересов казны, правительство пыталось придать большинству податей денежный характер. Введение новых порядков было сопряжено со многими затруднениями, ложившимися тяжелым бременем на основной класс производителей.

В 30—40-х годах XIX века в Грузии происходит дальнейшее развитие товарно-денежных отношений, создаются благоприятные условия для торговли, идет дальнейшее улучшение путей сообщения и связи, происходит накопление денежного капитала у местных торговцев.

Развитие товарно-денежных отношений выразилось и в росте денежной ренты, что способствовало разложению феодально-натурального хозяйства и возникновению новых социально-экономических отношений. Этот процесс частично подготовил почву для проведения финансовой реформы 1843—45 гг., целью которой была замена натуральных податей и повинностей денежными.

Историю податной системы первой половины XIX века можно разделить на два периода: 1) до финансовой реформы 40-ых годов и 2) после реформы.

В течение первого периода происшедшие изменения выразились в следующем: в 1804 году государственные подати: саагдгомо, сашобао, сакомло, самаспиндзело, гасамкрело, набеди, саквриве, сачекме, шевардени принимают денежную форму. Подати — сурсати, кодиспури, хлебная махта, гала, кулуки и др. оста-

лись натуральными.

В 1823 г. в денежную подать были превращены подать кулухи, отчасти калани и гада. Происходит слияние подати ма-ли с денежной махтой, вследствие чего объем денежной махты увеличивается.

Во втором периоде, после введения финансовой реформы, все подати и повинности превращаются в денежные. Остается натуральной лишь одна — сабалахо.

Введение денежной ренты, со своей стороны, способствовало дальнейшему развитию товарно-денежного хозяйства, что в свою очередь создавало некоторые условия для возникновения элементов капитализма.

ს ა რ ჩ ი მ ე ნ ი

გვ. 3

შესავალი

	თავი პირველი	
საქართველოს სოციალ-ეკონომიური მდგომარეობა XIX საუკუნის დამდეგისათვის (ზოგადი მიმოხილვა)		11
	თავი მეორე	
სახელმწიფო ბეგარა-გადასახადები და საგადასახადო სისტემა აღმოსავლეთ საქართველოში XIX საუკუნის დამდეგისათვის. ბეგარა-გადასახადებულადღებული ფენები		21
	თავი მესამე	
ბეგარა-გადასახადები და საგადასახადო სისტემა XIX საუკუნის 40-იან წლებამდე აღმოსავლეთ საქართველოში		53
	თავი მეოთხე	
1843—1845 წლების საფინანსო რეფორმა აღმოსავლეთ საქართველოში და მისი შედეგები.		96
დასკვნები		111
Государственные подати и повинности в Восточной Грузии в первой половине XIX века (Резюме)		114

Л. А. Гвахариа

ГОСУДАРСТВЕННЫЕ ПОДАТИ И ПОВИННОСТИ В
ВОСТОЧНОЙ ГРУЗИИ В ПЕРВОЙ ПОЛОВИНЕ XIX ВЕКА

(На грузинском языке)

Издательство Академии наук Грузинской ССР
Тбилиси. — 1960.

დაიბეჭდა საქართველოს სსრ მეცნიერებათა აკადემიის
სარედ.-ხაგამომც. საბჭოს დადგენილებით

რედაქტორი შ. ხ ა ნ თ ა ძ ე

გამომცემლობის რედაქტორი ც. შ ა ლ ა მ ბ ე რ ი ძ ე

ტექნორედაქტორი ნ. ჯ ა თ ა რ ი ძ ე

კორექტორი ც. კ ა ხ ა ბ ე რ ი შ ვ ი ლ ი

გადაეცა წარმოებას 17.8.1960; ანაწეობის ზომა 6 X 10;
ხელმოწერილია დასაბეჭდად 14.12.1960; ქალაქის ზომა 60 X 92^{1/16};
ქალაქის ფურცელი 3,7; საბეჭდი ფურცელი 7,4; საავტორო
ფურცელი 6,12; სალრიცხვო-საგამომცემლო ფურცელი 6,23;
შეკვეთა 1240; უე 08067; ტირაჟი 1000
ფასი 4 მან. 10 კაპ.
1961 წ. 1/1-დან 41 კაპ.

საქართველოს სსრ მეცნიერებათა აკადემიის გამომცემლობის სტამბა
თბილისი, გ. ტაბიძის ქ. № 3/5